



السلام عليكم و رحمة الله و بركاته

سنعرض عليكم سلسلة عن حياة سيد الخلق سيدنا محمد صلى الله عليه و سلم
هي سلسلة بطريقة سهلة اوي و مبسطة و باللهجة العامية عشان الأطفال اللي سنهم من 3 إلى 6
سنين أو أكثر شوي.....

قصة سيدنا محمد
بطريقة سهلة للأطفال
way2Allah.com

و ما تتخيلوش إستيعاب الأطفال و تأثرهم بالقصة بيبقي قوي إزاي في السن ده.....
هدفنا... إن أطفالنا من سن صغير ييبقي محفور في نفسيتهم قصة حياة سيدنا محمد"
عليه الصلاة والسلام " بكل جماليتها و معانيها...
و إزاي يحسوا من صغرهم إنه هو أحب الأشخاص ليهم و قدوتهم في الحياة...



و كل ده بأسلوب يتناسب مع سنهم ... و هتلاقيهم مع تكرار كل جزء من القصة ... بقوا حفظينها
و متأثرين بيها...

و يارب يقر عينينا كلنا بأولادنا ... و يملأ قلوبهم بحب رسول الله...



نبدأ على بركة الله سلسلتنا (قصة سيدنا محمد صلى الله عليه و سلم)
ننصح بحكاية القصة و تكرارها للطفل عشان يحفظها و ترسخ في ذهنه
و يتعلم من سيد الخلق عليه أفضل الصلاة و السلام
مثل ما وعدناكم القصة بطريقة سهلة عشان الطفل يستوعبها و يفهمها...



كان ياما كان و ما يحلي الكلام غير بذكر النبي عليه الصلاة و السلام...
الولاد الحلوين يقولوا إيه ؟ عليه الصلاة و السلام ممتازين!



مين يا أولاد أحسن واحد في الدنيا ؟ سيدنا محمد
سيدنا محمد ... هو اللي ربنا اختاره عشان يعلمنا الصح و الغلط و الحلال و
الحرام.
ربنا اختار سيدنا محمد عشان يعلمنا الأعمال الطيبة و الأخلاق الجميلة . و يعلمنا
ديننا الإسلام....



واللي هيحب سيدنا محمد و يسمع الكلام اللي ربنا علمه لسيدنا محمد ... ربنا
هيحبه....
و هيدخله الجنة.
و الجنة دي أحلي مكان ... اللي فيه كل حاجة و أي حاجة احنا عاوزينها...
ومهما فكرنا في الجنة.... الجنة برضه هتبقى أحلي من تفكيرنا!!!!

كان زمان زمانااااا سيدنا ابراهيم بيني الكعبة و معاه ابنه اسماعيل....
سيدنا إبراهيم و هو بيني الكعبة و قف يدعي ربنا ... إنه بيعت للناس
....واحد....

رسوليعلمهم الصبح و الغلط و الحلال و الحرام عشان يخليهم ناس
كويسين

و طيبين و بيعملوا الخير فربنا أستجاب الدعاء ... و اختار سيدنا محمد....
إنه يكون المعلم اللي يعلم كل الناس أوامر ربنا.

أبو سيدنا محمد كان اسمه ايه ؟ عبد الله ابن عبد المطلب
(لازم الطفل يردد)

و مامته كان اسمها ايه آمنة بنت وهب.....
(خلية يقول وراك)

سيدنا محمد لما كان لسه جوة بطن مامته باباه عبد الله مات.....
و مكنش شافه لأنه مكنش لسه أتولد عارفين سيدنا محمد أتولد
إمتي؟؟....

أتولد عام الفيل (يعني في نفس السنة اللي أبرهة الشيرير كان عايز يهدم
الكعبة

بالفيل الضخم ... بس ربنا عاقبه و كل الجنود الأشرار اللي كانوا معاه...
و مقدرش يكسر الكعبة.....)



أول لما مامته (آمنة بنت وهب) ولدته ندهت علي جده أبو باباه....
اسمه عبد المطلب شافه لقاها طفل شكله جميل أوي فمامة سيدنا
محمد قالت لجده...

أنا أما كنت بنام كنت بحلم حلم جميل أوي ... كنت بشوف نور بيخرج من
جسمي ... و بينور الدنيا كلها....



فجده فرح أوي و حس إن الطفل ده هيبقي مش طفل عادي ... و انه لما يكبر

هيعلم الدنيا كلها
و هيخلي الناس تشوف الحاجات الصبح زي النور اللي بيخلينا نشوف كل حاجة
في حياتنا.



جده قال أنا هسميه محمد !!!!مكنش فيه حد ساعتها اسمه محمد
خاااالص.....

فالناس سألتة : يعني إيه محمد ؟؟؟ قاهم يعني ربنا في السماء يحبه و يحب
أخلاقه الجميله...

و الناس في الأرض تحبه و تحب أخلاقه الجميلة.

.....اللهم صل على سيدنا محمد.....



في رعاية الله

نواصل سلسلتنا (قصة سيدنا محمد صلى الله عليه و سلم)
أهم حاجة انكم تكونوا رددتم الجزء
الأول على أطفالكم لحد ما يحفظوها

يلا يا أحلي أباء مكملين حته حته...
لغاية لما يحفظوا سيرة سيدنا محمد عليه الصلاة و السلام....
كرروا كل حلقة ... قبل ماتبدؤوا في الحلقة اللي بعدها...
نبدأ على بركة الله الجزء الثاني:

كان يا ما كان ... و ما يحلي الكلام غير بذكر النبي عليه الصلاة و السلام
الولاد الممتازين يقولوا ابييييه ؟؟؟؟ عليه الصلاة و السلام....
تمـــــــــــــــــــــام!

دلوقتي سيدنا محمد لسه مولود و الناس زمان أول لما يتولد طفل جديد...
كانوا يودوه يعيش في مكان اسمه البادية .. البادية دي مكان واسع و جميل و
نظيف...
و اللي يروح هناك جسمه بيتقى قوي و بيكبر و صحته بتبقى حلوة....



الصغير....

و كانوا راكبين حمار ضعيف و يمشي برأاااااااااااا
و عندهم جمل (ناقة)...بتديهم لبن كانوا يحلبوها زي البقرة كده....
بس كانت بتجيب لبن شوية صغيرين خالص....
كانت حليلة بتدور علي طفل تاخذه معاها البادية و ترضعه من لبنها...
فمكنتش لاقية ولا طفل تاخدوا معاها ... كل المرضعات التانين خدوا كل
الأطفال...

إلا سيدنا محمد

فقلت خلاص أنا هاخذ الولد اللي باباه مات.....!!!!!!

قصدها علی سیدنا محمد!

فراحت لمامته و جده ... و قالت لهم خلاص أنا هاخذ محمد معايا....

قولوا : عليه الصلاة و السلام يا أولاد و يا بنات!!!!

.....

قصة سيدنا محمد
بطريقة سهلة للأطفال
way2Allah.com

عارفين ايه اللى حصل؟؟

حصلت حاجة عجيبة...

أول لما أخذت سيدنا محمد معها حصلها حاجات حلوة كثير!

لقت الحمل (الناقة) الضعيف بتاعها الي مكش بيحيب غير حبة لبن صغيرين

.... بقي بيحيب لبن كتييييير و جت تركب الحمار الضعيف بتاعها

عشان تروح بيه البادية لقيته بقي أقوى ... و بقي يعرف يمشي بسرعة ...

و المرضعات التانيين اللي معاه بقوا مستغربين !! ... و يقولوا إزاي الحمار البطيء
بقي قوي جدا...



لغاية لما وصلوا البادية...

حليمة كانت عايشة في بيت في مكان اسمه ديار بني سعد....
و كان عندها أرض ... بس السنة دي كانت أرضها ما فيها زرع و مائة
.... بس العجيب إن أول لما وصلت .. و معاه سيدنا محمد ... الدنيا مطرت
.... و الزرع الجميل طلع و بقت أرضها جميلة

.....



حليمة قعدت تفكر الطفل ده أول لما جبته معايا ... حصل حاجات حلوة كتير
... الطفل فيه بركة.
.... بتخلي كل حاجة حواليه جميلة فبقت حليمة فرحانة أوي بسيدنا محمد

.

.....



و كبر سيدنا محمد في البادية لغاية لما بقي عنده سنتين و بقي جسمه قوي

....و أقوى كمان من الأطفال اللي قدهفكده خلاص كبر ولازم
حليمة ترجعه لأمه.

بس حليمة كانت بتحب محمد عليه الصلاة و السلام...
و عايزاه يقعد معاها وقت أطول.



فراحت حليمة لأم سيدنا محمد...
و قالتلها : ممكن تسيبي محمد يفضل معايا شوية كمان ؟؟؟البادية مكان جميل
و جوها حلو وممكن لو رجع يتعب ...خليه معايا حبة كمان.
و فضلت تتحايل علي مامته ... (آمنة بنت وهب)
لغاية لما مامته وافقت...
و رجع سيدنا محمد مع حليمة للبادية (لمكان بيتها ...ديار بني سعد)

.....



بس هتحصل مفاجأة هنعكيها الحلقة الجاية ... (عنصر تشويق للأطفال)
اللهم صل على سيدنا محمد

.....

~~~~~



اليوم مع الجزء الثالث من قصة سيدنا محمد صلى الله عليه و سلم

يلا مع بعض مكملين ...خطوة خطوة ...و هنعيد و نزيد لغاية لما أطفالنا يحفظوها

الحلقة دي عن حادثة شق صدر الرسول عليه الصلاة و السلام....

و متخافوش هنوصلها إن شاء الله بشكل بسيط و لطيف.



رجعت حليلة للبادية .... لبيتها اللي في ديار بني سعد.....

(مع التكرار هتثبت إن شاء الله)

و كانت فرحانة أوي ..... عشان مامة سيدنا محمد وافقت إنه يرجع

مع حليلة و يقعد معاها وقت زيادة.....



أنتوا عارفين إن ربنا اختار سيدنا محمد أنه يكون أحسن واحد في الدنيا كلها...

و هيعلم الناس كلها الخير .... فلازم ربنا يخلي قلب سيدنا محمد أطيب

(أظهر ) قلب ..... مليون خير .... و مفيهوش أي شر....

و ما يقدرش الشيطان الوحش يخلي سيدنا محمد يعمل اي شر أبدا.



فضل سيدنا محمد عليه الصلاة و السلام عايش مع حليلة...  
لغاية لما حصلت حاجة غريبة!!...



الأطفال في البادية كانوا ييحبوا يلعبوا مع بعض ... و ييحبوا يلعبوا مع سيدنا محمد  
..

ففي يوم من الأيام راح الأطفال كلهم و معاهم سيدنا محمد يلعبوا ورا البيت...  
بيت حليلة السعدية ....عارفين إيه اللي حصل؟؟



ربنا خلي ملاك .....ملاك شكله جمييل .... شكل الراحل الطيب...  
ولابس هدوم لونها أبيض و نظيفة ... يروح عند الولاد اللي ييلعبوا....  
راح الملاك عند سيدنا محمد و هو ييلعب ... و خلاه ينام...  
و دخل إيده براحة خاالص جوه صدره ...من غير ما يعوره...  
و أخذ حاجه من قلبه ....حاجة صغيرة جدا ....اسمها ( مضغة.... )  
و قال لسيدنا محمد : أنا أخذت الحاجة دي من قلبك عشان قلبك  
يبقي أطيب (أطهر ) قلب و الشيطان ما يقدرش يضايقك أبدا....  
ولا يقدر يخليك تعمل اي شر.



و مشي الملاك ... ( طب عمل كده إزاي ؟...  
عشان ده ملاك من عند ربنا و ربنا هو اللي علمه يعمل كده. )



بس الولاد التانيين خافو أوي ... افتكروه راجل شرير...  
و و افتكروه بيؤذي محمد ... فطلعوا يجروا بسرعة و هما خافين...  
و راحوا علي حليلة .... و قالوها : الحقى ... الحقى .. محمد اتقتل !!...  
محمد اتقتل !! ... فيه واحد جه و موته !!!



حليلة خافت أوي علي محمد .... و طلعت تجري بسرعة تدور عليه....  
لقيته واقف و وشه مخضوض .... فقالت له : متخافش...  
أنا هرجعك عند مامتك.



حليلة كانت بتحبه أوي بس خافت عليه....  
لأنها مكنتش تعرف إن ده ملاك طيب...  
و افتكرت إن فيه حد عاوز يؤذيه.



حليمة خدته بسرعة عند مامته ... و قالتها : أنا هرجعلك محمد!  
مامته استغربت أوي ... و قالت لها إيه اللي حصل؟؟  
حليمة قالتها : بصراحة أنا خفت عليه ... و حكت لمامته كل اللي حصل.



لكن مامت قالتها : متخافيش .... أنا عارفة إن ابني ده مش طفل عادي...  
و لما كنت حامل و كان هو لسه جوة في بطني..  
كنت دايمًا لما أنام أحلم حلم جميل..  
إن فيه نور جمبييل بيخرج من جسمي و بينور الدنيا كلها....  
أنا حاسة ان ابني محمد لما يكبر ... مش هيبقي إنسان عادي....  
لأ ... ده هيبقي إنسان يعلم الدنيا كلها.

اللهم صل علي سيدنا محمد



تابعوا معنا ان شاء الله الجزء القادم الأسبوع القادم

ملحوظة صغيرة خالص... بس للآباء ... ناس كثير من مدعي العلم بتحب تتفذلك و تقول  
إن القلب عبارة عن مضخة و العلم أثبت أنه مجرد مضخة...  
و إزاي يكون القلب موضع إيمان و كفر ... و طبعا بيستشهدوا بالعلم...  
آيات كثير ببتكلم عن القلب أنه مكان الإيمان و الكفر و الخير و الشر والمشاعر...  
و مدعي العلم بينكروا الكلام ده ... معتبرين إن علميا القلب ما هو إلا مضخة.  
و رغم إننا المفروض نؤمن بالغيبيات بدون أدلة عليها...  
لكن يوم بعد يوم بيتثبت لينا إن الإسلام الدين الحق..  
و هنا ببتكلم على لسان أخت طبية توضح حقيقة علمية توصلوا ليها في الأبحاث الحديثة  
عن عمليات زرع القلب ... ببساطة و اختصار الأطباء وجدوا إنهم لما بيعملوا عمليات  
زرع قلب من مريض لسه متوفي في حادث لمريض آخر...  
لقوا إن المريض اللي أخذ القلب .... أكتسب كمان شخصية المتوفي!!!  
و بقي بيحب و بيكره نفس الأشياء...  
لدرجة إن بقى فيه أبحاث جديدة بتمنع نقل قلب من المرضى النفسيين المنتحرين  
لأن المنقول ليه القلب بيحيله نفس المرض النفسي و بينتحر هو كمان!!!  
وما أوتيتم من العلم إلا قليلا...  
فاللي يقولك العلم بيقول القلب مجرد مضخة ... اضحك من قلبك ... و ثق في كلام ربك.  
و مش محتاجين أبدا أدلة علمية عشان نصدق الدين  
معلش طولنا عليكموا ..... يلا صلوا علي سيدنا محمد...  
و نكمل مع بعض إن شاء الله...  
أوعوا تنسوا تدعولنا....

الآباء الأفاضل....

معاكم إن شاء الله مكملين..... حلقة... حلقة ..... لغاية لما نخلص السيرة.

الوقت اللي بين تنزيل كل حلقة و الثانية ... هنعيد و نزيد في القديم...

لغاية لما يستوعبوها خالص....

نستعين بالله

الجزء الرابع



كان يا ما كان .... و ما يحلي الكلام ..غير بذكر النبي...

عليه الصلاة و السلام..

هااااااااااا ..... الممتازين يقولوا ايه ؟؟؟.....

عليه الصلاة و السلام

سيدنا محمد رجع لمامته خلاص...  
بعد لما كان عايش مع حليلة في البادية....  
حليلة كانت بتحبه أوي و نفسها يفضل معاها.....  
بس هي رجعت لمامته عشان خافت عليه و افكرت ان فيه حد عاوز يؤذيه...  
و مكنتش تعرف إن ده ملاك طيب من عند ربنا.

سيدنا محمد فضل عايش مع مامته في مكة....  
مكة بلد جميلة و فيها الكعبة.  
محمد كبر و بقي عنده 6 سنين...

و بعدين مامة سيدنا محمد قالت له احنا هنسافر....  
هنروح بلد تانية .. جميلة أوي...



اسمها إيه ؟؟ .... اسمها المدينة....

هنسافر عشان نشوف كل قراينا اللي هناك...

أخوات مامته كلهم كانوا عايشين في المدينة...

فسيدنا محمد بقي فرحان أوي أنه هيشوف قرايه اللي عايشين في المدينة...



سفروا مع بعض ... ووصلوا المدينة....

قرايب سيدنا محمد كانوا فرحانين بيه أوي

و كانوا بيحبوه أوي.

و بعدين مامته قالت خلاص لازم نرجع بيتنا في مكة تاني...

و سافروا مكة...



بس و هما في الطريق....

حصلت حاجة صعبة...

مامته بقت عيانة...

و تعبت جدا .... جدا

و بعدين ماتت

سيدنا محمد كان بيحب مامته أوي....

ودلوقتي عنده ست سنين...

وبقي معندوش أب و لا أم..

أكيد زعل أوي ... و حس إنه وحيد .... عنده ست سنين....

و معندوش أب ولا أم ....بس ربنا مش هيسيبه ... و هيحفظه....



المكان اللي مامته ماتت فيه اسمه ايه ؟؟؟ ..... اسمه الأبواء.....

كان ساعتها معاه خادمة اسمها أم أيمن.....

أم أيمن اهتمت بيه ... لغاية لما وصلوا مكة.

و في مكة كان مستنيه جده ....جده عبد المطلب...

و قال خلاص أنا هرعاه و ههتم بيه...



سيدنا محمد و هو صغير كان طفل مهذب .. و أخلاقه جميله...

و كل الناس بتحبه أوي

و جده عبد المطلب كمان كان بيحبه أوي....

عارفين...

مرة كانوا حاطين عند الكعبة...

فرش ( سجادة ) جميل لجده عبد المطلب ... عشان يقعد عليه

وولاد عبد المطلب قاعدين حوالين الفرش

و مستنيين لما عبد المطلب ييجي يقعد عليه....

فجه سيدنا محمد يقعد عليه....

قالوله : لأ ... إحنا حاطينه لجدك عبد المطلب...

و ماحدث بيقعد عليه غيره

فجه جده عبد المطلب و قاهم : لأ ..خلوا ابني يقعد عليه!

سيبوه يقعد معايا... قصده علي محمد عليه الصلاة و السلام....

و كان بيحب لما يقعد يخلي سيدنا محمد جنبه...

و يحط إيد علي ظهره..

و يقول لكل اللي قاعدين : ده هيكون إنسان عظيم.



بس بعد وقت ... لما سيدنا محمد بقه عنده 8 سنين...

جده عبد المطلب مات...

و بقي لوحده تاني

مين اللي هيتم بسيدنا محمد ???  
عمه أخو باباه ....أبو طالب.....  
هيعمل إيه معاااااه يا تري ??  
هنكمل مع بعض الحلقة الجاية....  
اللهم صل علي سيدنا محمد.



هنكمل الحكاية مع بعض قصة سيدنا محمد عليه الصلاة و السلام

يلا سوا مكملين إن شاء الله  
نستعين بالله

الجزء السادس



كان يا ما كان و ما يحلي الكلام غير بذكر النبي...عليه الصلاة و السلام.  
كلنا نقول.....عليه الصلاة و السلام.



رجع سيدنا محمد مع عمه أبو طالب لمكة....  
و كان عنده كام سنة ؟؟ 12 سنة  
و فضل عايش مع عمه في مكة ....و كبر مع ولاد عمه...  
.....



بس الناس في مكة زماااااااا زماااااااا ... كانت بتعبد الأصنام...  
يعني إيه؟؟  
يعني يجيوا تمثال من الحجر أو الخشب....  
و يقولوا ده ربنا بتاعنا !!! و هنطلب اللي احنا عايزينه من الصنم ده!!!  
ينفع الكلام ده ؟؟؟؟؟؟؟؟؟ لا طبعاً.... بس هما كانوا بيعملوا كده!



و لما حد يقولوهم انتم بتعملوا كده ليه؟  
...يقولوا عشان ربنا اللي في السما ..اللي خلقنا يحبنا!!!  
صح الكلام ده؟؟؟ .... طبعا غلط...  
....طب ايه الصح؟؟ ...نعبد ربنا اللي خلقنا و بس....  
و ما نعبدتش غيره .بس هما بيعملوا غلط.  
و عشان كده هنسميهم ... الكفار.



بس سيدنا محمد عمره ما عمل زيهم....  
و كان عارف إنهم بيعملوا غلط...  
ينفع حد يطلب اللي هو عايزه من صنم ...حتة حجر؟؟؟  
ينفع حد يقول للصنم أنا عيان ..خليني أخف؟؟!!  
ده أصلا الصنم ده عبارة عن حطة حجر  
لا بيسمع و لا بيتكلم و لا يقدر يعمل أي حاجة.  
ربنا اللي خلقنا هو بس اللي يقدر يعمل كل حاجة لينا.



عشان كده سيدنا محمد مكنش بيعمل زيهم  
و كان الصبح يروح يرعي الغنم ... يخليها تاكل و تشرب...

و بعدين يرجعها و بليل يقعد لوحده يفكر...  
الدنيا دي كلها .... ربنا اللي خلقها ... و خلقنا كلنا  
و خلق كل حاجة .... ربنا عظيم و قوي...  
و لازم نعبد و نشكره علي نعمه اللي إدهالنا.  
و كان بيعبد ربنا زي سيدنا إبراهيم (اللي بنا الكعبة.... )  
بيعبد رب واحد في السما...هو اللي خلقنا.....  
و ملوش دعوة بالأصنام اللي بيعبدها الكفار في مكة.



و كبر سيدنا محمد .... و بقي عنده 25 سنة...  
و كانت أخلاقه أحسن أخلاق ... و يساعد الناس..  
و يهتم بجيرانه و أهله .. و يساعد المحتاج و الضعيف...  
و ما يقولش غير الصدق...  
و كان أمين ... يعني لما حد يقي عنده ذهب أو فلوس عايز يحافظ عليها....  
كان يودها لسيدنا محمد يحفظله عليها...  
عشان عارف ان سيدنا محمد هياخد باله من حاجته و هيرجعها له تاني....  
فالناس كلها في مكة بقت بتحبه...  
و بقوا يقولوا علي سيدنا محمد : الصادق الأمين.





.....  
و كان في مكة ... السيدة خديجة...

و كانت أحسن واحدة في مكة ... كان كل الناس بتحترمها  
و كل الناس عارفين إنها أكثر واحدة مؤدبة و طيبة و أخلاقها جميلة...  
و كان عندها فلوس كثير....



السيدة خديجة عرفت إن فيه واحد اسمه سيدنا محمد...  
كل الناس بتقول عليه الصادق الأمين..  
و إنه بيحافظ علي حاجات الناس و عنده أخلاق طيبة...  
فالسيدة خديجة قالت خلاص ... ده أحسن واحد أديله فلوسي..  
و أقوله يروح يتاجر بيها في الشام (يشترى و يبيع حاجات)  
عشان فلوسي تبقي أكثر....  
و قالت لسيدنا محمد ..... فوافق....  
و أخذ الفلوس منها و سافر الشام عشان يتاجر.



و رجع سيدنا محمد من الشام و هو معاه فلوس كثير أوي...  
و إداها كلها للسيدة خديجة...

السيدة خديجة فرحت

و حسنت إن سيدنا محمد فعلا بيحافظ على حاجة الناس  
و إنه أكثر إنسان أمين فقالت ده أحسن إنسان يكون زوج ليا..  
عشان ده أكثر إنسان أخلاقه طيبة



و سيدنا محمد عارف إن السيدة خديجة أكثر واحدة مؤدبة و طيبة  
و أخلاقها جميلة  
فوافق يتجوزها....



و عملوا أكل جميل ... و عزموا الناس...  
و اتجوز سيدنا محمد و السيدة خديجة ... و بقي عندهم أطفال...  
القاسم ..... و زينب ..... و رقية ..... و أم كلثوم.....  
.وفاطمة ..... و عبد الله.

بس الولاد (القاسم و عبد الله) ماتوا و هما لسه صغيرين

...فبقي عندهم:

زينب ..... و رقية ..... و أم كلثوم ..... و فاطمة

و فضل سيدنا محمد يعمل الخير  
و كان عليه الصلاة و السلام يحب يأكل المساكين  
...و لما يجيّلوا ضيف يكرمه و يديله أحسن أكل...  
و كان أطيب قلب و أخلاقه أحسن أخلاق.

.....

وكان سيدنا محمد يحب يروح غار حراء....  
مكان بعبيبيد فوق جبل  
يقعد هناك يفكر في ربنا .....و يعبده ..... و يدعيه  
و يحمدّه علي نعمه.....  
و كان السيدة خديجة بتبعته الأكل هناك في غار حراء.  
و لما يخلص عبادة يرجع لبيته وهو مبسوط...  
لغاية لما بقي عنده 40 سنة ..... راح غار حراء...  
عشان يقعد لوحده يعبد ربنا....  
يا تري إيه اللي هيجصل؟؟؟  
الحلقة الجاية هنكمل إن شاء الله  
في حفظ الله.....

السلام عليكم و رحمة الله

الآباء و الأمهات الأفاضل .... استعينوا بالله ... و هنجدد النية...

هنحكي السيرة لولادنا ... و نعرفهم حياة الرسول و اخلاقه

عشان يبقى هو المثل و القدوة و المعلم الأول ليهم  
و عشان لما يتبعوا سنته ... يبقى بيتبعوها بحب و مشاعر

نكمل سيرة خير الأنام.

بسم الله

الجزء السابع ( الوحي )

كان يا ما كان ..... و ما يحلي الكلام .... غير ..... هااااا؟؟  
بذكر النبي عليه الصلاة و السلام ..... و الحلوين بس هما اللي بيعرفوا يقولوا

عليه الصلاة و السلام...



آخر مرة قلنا إن سيدنا محمد بقي عنده 40 سنة

....و كان متعود يعبد ربنا فوق الجبل .....جوة غار حراء.....

بس في يوم من الأيام .... في شهر رمضان...

سيدنا محمد ..... طلع الجبل

و دخل الغار ..... عشان يعبد ربنا ..... زي ما هو متعود.....



عارفين إيه اللي حصل ؟

ربنا اختار اليوم ده .... عشان بيعت لسيدنا محمد ملاك...

جوة الغار..

عشان يعلم سيدنا محمد

....هيعلمه كلام ربنا.....

هيعلمه القرآن.

الملاك ده ..... اسمه إيه؟

اسمه جبريل ( عليه السلام)



سيدنا محمد قاعد جوه الغار ..... يعبد ربنا و بيدعيه....  
جه جبريل ( عليه السلام ) لغار حراء....  
و قال لسيدنا محمد : " اقرأ"  
سيدنا محمد رد : " ما أنا بقارئ " .... يعني أنا مش بعرف أقرأ.



فجبريل (عليه السلام) ضمه ... يعني حضنه جامد .... و بعدين سابه  
و قاله ثاني : " اقرأ"  
فرد الرسول صلي الله عليه و سلم : " ما أنا بقارئ..... "  
يعني أنا مش بعرف أقرأ.



فجبريل (عليه السلام) ضمه ثاني ..... يعني حضنه جامد ..... و بعدين سابه  
و قاله ثالث مرة : " اقرأ"

بس سيدنا محمد رد المرادي : ماذا أقرأ؟ ..... يعني أقرأ إيه؟؟؟  
فجبريل (عليه السلام) قاله :

"اقرأ باسم ربك الذي خلق ، خلق الإنسان من علق ، اقرأ و ربك الأكرم ، الذي علم بالقلم، علم الإنسان ما لم يعلم"

و بعدها اختفي جبريل (عليه السلام) من الغار فجأة.



الرسول عليه الصلاة و السلام خاف أوي....  
و نزل من الجبل بسرعة...  
و هو جسمه عرقان و بيرتعش...  
جري بسرعة علي بيته....  
عند السيدة خديجة.



سيدنا محمد صلي الله عليه و سلم كان خايف....  
لأنه لسه مكنش يعرف ان جبريل ( عليه السلام ) هو ملاك من عند ربنا.  
و إن ربنا بعته عشان يعلم سيدنا محمد القرآن .... كلام ربنا.....  
اللي هيخلي الناس تعمل الخير و تبعد عن الشر.





أول لما السيدة خديجة فتحت ليه الباب لقتة خايف أوي....

و جسمه بيرتعش و عرقان.....

قالها بسرعة : " زملوني ....زملوني " ..... يعني غطوني غطوني!!

فالسيدة خديجة بسرعة جابت غطى تقيل

..و دفته بيه ( مثلوا و انتم بتحكوا)

لأن جسمه كله كان بيرتعش....

و كانت خايفه عليه أوي...

و بتنشف عرقه ... ( مثلوا إنكم بتعملوا كده)

لغاية لما بقي كويس

و بعدين السيدة خديجة سألتة : إيه اللي حصل؟؟

فحكى ليها كل اللي حصل ... و قالها قد إيه كان خايف.



السيدة خديجة طمنت سيدنا محمد....

عارفين قالتله إيه ؟

قالتله:

"متخافش ...ربنا مش هيخلي أي حاجة وحشة تحصلك..

لأنك دائما بتقول الصدق...

و دائما طيب مع كل قرايبك و بتهتم بيهم

و دائما بتريح أي إنسان تعبان....  
و دائما أخلاقك أحسن أخلاق....  
و كمان بتكرم ضيوفك....  
و لو أي حد حصله مشكلة على طول بتساعده...  
فمتخافش أبدا....  
عشان اللي بيعمل الأعمال الطيبة دي ربنا بيحميه"



و بعدين قالت له:  
"تعالى نروح نسأل عن اللي حصل ده ... نسأل ابن عمي" ....  
اسمه ..... ورقة ابن نوفل ..... كان راجل عجوووووز أويسى أوي.  
و كان بيقرأ كتير كتييير  
و كان عارف إن فيه نبي ربنا هيختاره عشان يعلم الناس كلها...  
و كان عارف صفاته.



راحوا لورقة ابن نوفل

و حكوا ليه كل اللي حصل.

عارفين قالمهم إيه ???



بص لسيدنا محمد و قاله:

"و الله ... أنا متأكد إن انت النبي اللي ربنا اختاره...

و اللي جالك في غار حراء هو جبريل...

الملاك اللي ربنا بيعته للأنبياء عشان يعلمهم

و ربنا بعته لكل الأنبياء اللي قبلك

و بعته ليك ... عشان انت النبي اللي ربنا اختاره"



بس ورقة ابن نوفل ... قاله على حاجة كمان .... حاجة تخوف

قاله:

"خد بالك!!!!!!

....أهل مكة الكفار ( الوحشين ) اللي يعبدوا الأصنام

لما يعرفوا إنك النبي اللي ربنا أختاره هيحاربوك و هيؤذووك

و هيخلوك تمشي و تسيب مكة" ...  
سيدنا محمد سأله:  
هيخرجوني من مكة ؟؟؟؟



فرد عليه ورقة ابن نوفل : أيوة....  
مفيش نبي ربنا بعته إلا ولازم يحاربه الكفار و يطردوه



ورقة ابن نوفل راجل عجوووز أوي زي ما قلنا..  
بص لسيدنا محمد و هو زعلان و قاله:  
"نفسي كنت أكون شاب ..أو أكون لسه عايش لما يحاربوك  
عشان أساعدك علي قد ما أقدر و أكون معاك"



و راح قايم ورقة ابن نوفل ....الراجل العجوز...  
ووطى على راس سيدنا محمد و باس راسه (مثلوا عشان تفهموا أطفالكم)  
لما عرف إن ده الإنسان اللي ربنا اختاره عشان يكون النبي  
اللي هيعلم كل الناس أوامر ربنا.

اللهم صل على سيدنا محمد



بسم الله  
الآباء الأفاضل....  
هنكمل مع بعض ... السيرة ببساطة هنعكيها....



## الجزء الثامن ( الدعوة السرية )

كان يا ما كان و ما يحلي الكلام ..... غير ..... بذكر النبي....  
عليه الصلاة و السلام...  
.....هاااااا؟ عليه الصلاة والسلااااااام ..... ممتازيين!



سيدنا محمد و السيدة خديجة....  
بعد لما رجعوا من عند ورقة ابن نوفل  
اطمنوا و عرفوا إن النبي اللي ربنا اختاره هو سيدنا محمد.



فالسيدة خديجة آمنت بسيدنا محمد ....يعني إيه؟  
يعني قالت أنا هسمع كلام سيدنا محمد  
في كل حاجة هيقولي عليها...  
عشان هو النبي اللي هيعلمني كلام ربنا.



يبقي مين أول واحد آمنت بسيدنا محمد و سمعت كلامه؟؟  
السيدة خديجة .... ممتازيييين



(الجزئية دي الي بلون مغاير كنت هشيلها عشان التطويل...  
بس في أطفال ممكن يستوعبوها  
فقلت خلاص هكتبها ... و لو شيلتها مش هتأثر في السياق)



سيدنا محمد اطمئن و رجع الغار تاني.....  
فوق ... فوووووق الجبل.....  
و قعد هناك يعبد ربنا ..... و يدعي ربنا.....  
و مرت الأيام في غار حراء  
و سيدنا محمد مستني جبريل "عليه السلام" يرجع تاني...

بس جبريل "عليه السلام" مجاش....  
و سيدنا محمد فضل برضه يعبد ربنا.... و يدعيه  
و لما خلص....  
نزل من الجبل عشان يرجع لبيته....

و بعدين لما وصل لآخر الجبل تحت  
و مشي سمع صوت بينده عليه...  
بص حواليه ملقاش حد.... فبص في السما....

فشاف الملاك جبريل "عليه السلام" اللي جاله في الغار....



فخاف أوي برضه ... لأنه لسه مش متعود أنه يشوفه...

و رجع بيته بسرعة...

أول لما رجع البيت كان خايف و بيرتعش برضه...

و السيدة خديجة غطته بسرعة...

بس المرادي سيدنا محمد سمع صوت جبريل عليه السلام...

و هو بيقوله كلام ربنا .... القرآن..



سمعه بيقول:

"يا أيها المدثر ..... قم فأنذر"....

المدثر... يعني اللي بيتغطي...

يعني يا محمد... أنت بتتغطي عشان خايف... متخافش...

و قوم علم الناس يعبدوا ربنا... عشان يدخلوا الجنة

و قولهم اللي هيعبد الأصنام ربنا مش هيحبه

و هيبقي مكانه في النار....

ف.....



سيدنا محمد اطمن وبقي مش خايف..

و عرف إنه النبي اللي ربنا اختاره

و إن جبريل هو الملاك اللي هيقوله كلام ربنا

عشان سيدنا محمد يعلم الناس كلها.



سيدنا محمد بدأ يقول للناس .... بس في السر

يقولهم إنه النبي ... و أنهم لازم يعبدوا ربنا بس...

و يعملوا الخير و تبقي أخلاقهم طيبة.



كان بيقول كده للناس في السر ... عشان الكفار ...أشرار

و لو عرفوا هيؤذوه و هيضايقوا المؤمنين الطيبين.



أول راجل آمن بسيدنا محمد ... يعني سمع كلامه و صدقه...

كان سيدنا أبو بكر الصديق ...ده كان صاحب سيدنا محمد...

و أبو بكر عارف من زمان إن سيدنا محمد صادق أمين...

و عمره ما قال غير صدق...

فآمن بيه علطول.



و أول ولد صغير آمن بسيدنا محمد ... أسمه علي....

سيدنا علي

(هنحلكوا عليه بعد كده قد إيه بقي بطل قوي لما كبر)

كان عنده 10 سنين لما آمن بسيدنا محمد..

و بقي ولد مؤمن طيب يسمع كلام سيدنا محمد.



و كل يوم يعدي ... ناس كمان تعرف عن سيدنا محمد....

و ييقوا مؤمنين طيبين ... بس في السر

و كانوا لما ييقوا عايزين يصلوا يستخبوا ورا الجبل

عشان الكفار الأشرار ما يشفوش.

(للأمهات... الصلاة كانت ركعتين وقت الظهر و العشاء قبل الإسراء و المعراج)



و كانوا بيتجمعوا في السر في بيت اسمه.....

دار ابن الأرقم...

يقعد المؤمنین الطیین مع بعض و معاهم  
سیدنا محمد صلی الله علیه و سلم



یعلمهم القرآن .... کلام ربنا...  
و يعرفهم إن ربنا الی خلقهم و خلق کل حاجة فی الدنیا...  
و إنهم یعبدوا ربنا بس...  
لأن ربنا بس هو الی یقدر یعملنا کل حاجة.  
و یعلمهم الأخلاق الطیبة...  
الصدق و الأمانة و العطف علی المساکین و کل أعمال الخیر



فضل سیدنا محمد ..... 3 سنین....  
3 سنین یقول للناس فی السر...  
و یعلمهم فی السر....



لغاية لما جبريل " عليه السلام " قاله لازم تعرف كل الناس  
و تعلن لكل ... كل الناس لازم تعرف....

بس يا تري الكفار الأشرار...  
لما يعرفوا هيحصل إيه؟؟؟؟؟؟؟؟

بسم الله

مكملين آباءنا و أمهاتنا الأفاضل ... و هنستعين بالله  
و يا رب يقدرنا ... و نكمل للآخر ... إن شاء الله  
و دعواتكم مهمة أوي.

قصة سيدنا محمد  
بطريقة سهلة للأطفال  
way2Allah.com

الجزء التاسع (الدعوة الجهرية)

لما أقول سيدنا محمد ..... الشاطين يردوا و يقولوا ... هاااا ؟  
عليه الصلاة و السلام

فضل سيدنا محمد 3 سنين .... 3 سنين بيدعي الناس في السر...  
لغاية لما جبريل عليه السلام ... قال لسيدنا محمد....  
إن ربنا بيأمره..  
أنه يعرف كللل الناس .... و يعلن لكللل الناس....  
فسيدنا محمد جمع أهله و قراييه كلهم....

و قالهم...  
أنتو قرايبي و عارفين إني عمري ما قتلوكوا إلا الصدق..  
أنا ربنا أختارني إني أكون النبي...  
اللي هي علمكوا و يعلم كللل الناس..  
و ربنا واحد .. هو اللي خلقنا  
و اللي هي عمل خير و هيطيع ربنا و يسمع كلامه  
هي دخل الجنة ... و اللي هي عبد أي حاجة تانية  
هي بقي من أهل النار" ...  
فأهله سكتوا و قعدوا يفكروا في كلامه...

إلا واحد من أهل سيدنا محمد...

عمه....

عمه ابو لهب....



كان عمه قلبه قاسي و من الأشرار..

و ما يحبش يسمع كلام ربنا....

أبو لهب قال لأهله و قرايبه:

"محدث يسمع كلام سيدنا محمد ... ولا يساعده..."

لو حامته أو ساعدته ... كل الناس هتحاربكوا .. و هتموتكوا"!!!



بس عمه أبو طالب ... اللي ربا سيدنا محمد ... قال لأبو لهب:

"لأ!!!! أنا هقف مع سيدنا محمد .... و هساعده..."

و مش هخلي أي حد يؤذيه أو يضايقه "

بس أبو طالب كان يعمل زي الكفار ... يعبد الأصنام...  
و خايف يطل يعمل كده ... و خايف يسمع كلام سيدنا محمد  
و يعبد ربنا بس....

لحسن الكفار يتريقوا عليه ... و يضايقوه و يشتموه.  
ففضل أبو طالب يعبد الأصنام و بيحمي سيدنا محمد  
و بيمنع أي حد إنه يؤذيه.  
(طب كده ... هيدخل الجنة و لا النار؟؟ .... طبعا هيدخل النار...  
لأن أي حد هيعبد حاجة غير ربنا ... هيدخل النار) ...

سيدنا محمد قال لأهله .. بس لسه مقالش لأهل مكة...  
فطلع فوق جبل .... جبل جنب الكعبة .... اسمه جبل الصفا....



و قف سيدنا محمد و نده علي على الناس...  
بصوت عالي أوي...  
الناس كلها اتجمعت حوالين الجبل  
كل أهل مكة اتجمعوا...



فسيدنا محمد سألهم : لو قتلتم كلامي هتصدقوه ؟؟؟!!  
فردوا و قالوا : "طبعاً أنت عايش طول عمرك معانا..  
و عمرك ما قولت إلا الصدق  
و عمرك أبدا ما كذبت و احنا عارفينك"...



فقالهم : ربنا أختارني إني أكون رسول..  
عشان أقول لكل الناس...  
إنهم يعبدوا ربنا بس ..... وحده ... عشان يدخلهم الجنة...  
و اللي هيعبد الأصنام ...الحجارة اللي ما بتسمعش  
و لا بتكلم ولا تفهم..

أو يعبد أي حاجة ثانية غير ربنا ....هيدخل النار....  
اعبدوا ربنا وحده"



الناس فضلوا يفكروا في كلام سيدنا محمد ...إلا واحد...  
عمه ...عمه الشرير  
....أبو لهب ...بص لسيدنا محمد .... و قاله : تبا لك.... !!!

دي كلمة وحشة معناها ... هتخسر و تموت...  
سيدنا محمد ماردش عليه...



بس ربنا بعث الملاك جبريل " عليه السلام"  
يقول لسيدنا محمد كلام ربنا....  
(تَبَّتْ يَدَا أَبِي لَهَبٍ وَتَبَّ)  
يعني ربنا قال .. أبو لهب هو اللي هيخسر و هيموت...  
و هيموت كافر و هيدخل النار.



مرات أبو لهب ... كانت هي كمان ست شريرة....  
اسمها أم جميل  
و عرفت إن ربنا يقول إن أبو لهب هو اللي هيخسر و هيموت  
و هيدخل النار...  
فراحت جابت حجر كبير عاوزه ترميه علي سيدنا محمد...



سيدنا محمد كان قاعد عند الكعبة و معاه سيدنا أبو بكر...  
جت مرات أبو لهب الشرير (أم جميل)  
و بتدور على سيدنا محمد عشان تضربه بالحجر..



أبو بكر خاف لحسن تعمل حاجة وحشة في سيدنا محمد

بس سيدنا محمد قاله متخافش...  
راحت مرات أبو لهب عند أبو بكر...  
و قالت له : فين صاحبك ؟!!! فين محمد ؟!!!  
أنا لو شوفته هضربه بالحجر.  
يا ااااااه .... ده سيدنا محمد قاعد جنب سيدنا أبو بكر...  
بس ربنا خلاها متشوفووش خاااالص...  
عشان ربنا بيحفظ سيدنا محمد.  
و مشيت مرات أبو لهب!!!  
و سيدنا محمد قال لأبو بكر....  
ربنا هو اللي خلاها متشوفنيش.



كان فيه ناس بتعبد الأصنام .... لما سمعت كلام سيدنا محمد....  
آمنت بيه و سمعت كلامه .... و بقوا مسلمين.....  
مؤمنين طيبين...  
بس الكفار الأشرار اللي لسه بيعبدوا الأصنام  
بقوا متضايقين أوي...  
زعلائن ان كل يوم ناس بتسمع كلام سيدنا محمد...  
و تبقى مسلمة ... و مؤمنة ... و طيبة .... و تسيب الأصنام....

فقعدوا يفكروا في خطط .... خطط شريرة.



قعد الكفار مع بعض ... يفكروا نعمل إيه ???  
ده كمان الناس هيجوا من بره مكة  
و هيسمعوا كلام سيدنا محمد ...  
واحد منهم قال : أيوة !! .... أنا عندي فكرة !!!  
أحنا نقول للناس اللي هتيجي مكة ...  
أوعوا تكلموا محمد !!! لحسن ده ساحر و هيعمل فيكوا سحر  
يخليكوا مؤمنين طيبين !!!



فالكفار بقوا يقعدوا في الطريق ... و اللي يدخل مكة يقولوا له  
أوعى تكلم محمد .. ده ساحر .... هيخليك تسيب الأصنام !!!!  
بس ما حدش من الناس سمع كلامهم !!!  
و الناس راحت لسيدنا محمد .... و عرفوا إنه النبي ...  
و آمنوا بيه و بقوا مسلمين و مؤمنين طيبين.

الكفار اتغاضوا أوي ... و قالوا خلااااص....

احنا هنعمل فكرة تانية!!!

هنفضل نضايق سيدنا محمد .... و نشتمه...

و نشتم المؤمنين و نتريق عليهم

لغاية لما يرجعوا يعبدوا الأصنام...

فبقي الكفار الأشرار يشوفوا واحد مؤمن فقير

هدومه مقطوعة....

يفضلوا يتريقوا عليه عشان فقير..

سيدنا محمد حزن و اتضايق....

بس ربنا قاله ما يحزنش ولا يزعل...  
و قاله لما تضايق... سبح ربنا ... يعني قول....  
سبحان الله .. سبحان الله  
و اسجد لربنا و صلي.....  
و ربنا هيخلي كل الحزن يروح من قلبك....  
و هيخليك تنتصر عليهم ... و تكسبهم....  
سيدنا محمد عمل اللي ربنا قاله له...  
و بقي متأكد إنه هينتصر عليهم



(ولقد نعلم أنك يضيق صدرك بما يقولون فسبح بحمد ربك  
وكن من الساجدين واعبد ربك حتى يأتيك اليقين ) سورة الحجر



الكفار الأشرار .... قالوا : " خلااااص....  
...مش هنخلي حد من الناس يعرف يسمع كلام سيدنا محمد...  
هنفضل نعمل دوشة و نغني عشان محدش يسمع القرآن....

واللي مش هيعبد الأصنام بتاعتنا...هنضربه و هنعذبه" ....



راح الكفار الأشرار جابو المؤمنين ... و اختاروا المساكين...

و ربطوهم بالحبال و حطوهم في الشمس...

من غير مائة و لا أكل....

و حطوا حجارة سخنة علي جسمهم....

و قالوهم : هاااااااا؟؟؟؟ هتعبدوا الأصنام؟؟

و المؤمنين ردوا : لأ .... ربنا بس..

هنعبد ربنا بس ...ربنا واحد.

.....و فضل المؤمنين يقولوا : " أحد .... أحد..... "

يعني ربنا واحد ...و مش هنعبد غيره!!!



عذبوا ... بلال بن رباح

و عذبوا عمار بن ياسر و ابو ه و أمه..

و مسلمين تانيين كثير...





بس سيدنا محمد ... قال للمسلمين على الحل....  
فيه بلد بعيد بعيسيسيسيد اسمها الحبشة  
....يسافروا ليها بالسفينة...



و هناك فيه ملك .... ملك عادل و طيب و مش بيظلم حد...  
اسمه النجاشي..

سيدنا محمد قال للمسلمين اللي خايفين من الكفار يسافروا  
(يهاجروا ) للحبشة..  
و يقعدوا هناك ....عشان محدش يؤذيههم....  
و يعبدوا ربنا بحرية...  
و سافر مسلمين كتير للحبشة...  
و عاشوا فيها مبسوطين...

بس الكفار اتغاضوا ... و عملوا إبه ..؟؟  
بعتوا رجلين من الكفار...  
و معاهم هدايا كتير كتييير لملك الحبشة  
عشان يخلوه يرجع المسلمين.....

بس يا تري ملك الحبشة هيوافق و لا لأ؟؟؟  
و نكمل الأسبوع الجاي...

~~~~~

السلام عليكم و رحمة الله
أباءنا و أمهاتنا الأفاضل
يلا سوا مكملين....
قولوا بسم الله ... و به نستعين

الجزء العاشر

كان ياما كان و ما يحلي الكلام غير بذكر النبي...
عليه الصلاة و السلام.

المسلمين سابوا مكة ... البلد الجميلة اللي فيها الكعبة...
و كانوا ييحبوها أوي بس سابوها و سافروا الحبشة....
ليه ؟

عشان الكفار ... الأشرار كانوا ييضايقوا و يعذبوا المسلمين...
عشان يخلوهم يعبدوا الأصنام....

و عاش المسلمين في الحبشة عند الملك الطيب
اللي مش بيظلم ولا يضايق حد
اسمه إيه الملك ؟؟؟ اسمه النجاشي....



بس الكفار الأشرار بعتوا اتنين منهم....
و معاهم هدايا حلوة كتير للملك
عشان يرجع المسلمين.....



و إدوا الهدايا للملك و قالوله:
"فيه ناس أشرار جم بلدك الحبشة...
خليهم يرجعوا معانا!!"
...قصدهم علي المسلمين الطيبين

الملك كان طيب و عادل ... رد عليهم:
"لأ أنا مش هخلي حد يرجع معاكم...
عشان هما دخلوا بلدي خايفين
و أنا لازم أحميهم...
و هجيبهم هنا و أسألم عن كل حاجة."

فالملك جاب المسلمين و سألمهم:
أنتوا ليه جيتوا عندي الحبشة؟؟
و ليه سييتوا أهلكوا في مكة؟...

قام جعفر جعفر بن أبي طالب....
ابن عم الرسول عليه الصلاة و السلام ...و قال:

يا ملكأحنا في مكة كنا عايشن مع أهلنا...
و كنا كلنا بنعبد الأصنام .. و مكناش عارفين الصبح..
و كنا بنعامل بعض وحش ...و محدش بيهتم بقراييه...
و بنضايق جيرانا ...و القوي بيضرب الضعيف....
لغاية لما جه سيدنا محمد ... الصادق الأمين...
النبي اللي ربنا أختارهو علمنا ...علمنا الصبح....
و علمنا الخير....

خلانا نعرف أن الأصنام دي متقدرش تعملنا حاجة
علمنا نعبد ربنا ...و ندعي ربنا...
عشان هو بس اللي يقدر يعملنا كل حاجة.
علمنا نقول الصدق...

علمنا يبقى عندنا أمانة و نحافظ علي حاجة بعض...
علمنا نحب قرايينا و نسأل عليهم.....
علمنا نحب جيرانا و نساعدهم...
علمنا ما نأذيش الضعيف ولا اليتيم
و نحافظ على مشاعرهم و نحبههم و نساعدهم...
فسمعنا كلام سيدنا محمد ... و آمنا بيه....
لكن الكفار اللي لسه بيعبدوا الأصنام....

أذونا و عذبونا عشان يخلونا نرجع نعبد الأصنام بتاعتهم...
فجينا عندك الحبشة لما عرفنا إنك ملك عادل...
و مش بتظلم حد... و بتدي كل إنسان حقه.



فالملك بص لجعفر... و قاله : قولي كلام ربنا... القرآن....
اللي سيدنا محمد علمهولكوا.



جعفر قاله حاضر و فضل يقرأ قرآن " سورة مريم. "
الملك الدموع نزلت كثير من عينه...
عيط عشان اتأثر بكلام ربنا...



و قال للمسلمين:

أنا مش ممكن أسلمكم للكفار أبدا...
أنتوا هتفضلوا عايشين عندي في الحبشة في أمان...
و محدش من الكفار هيقدر يضايكوا و أنتم عندي.



فرجع الكفار لمكة ... و هما حاسين إنهم متغاضين أوي.
ياترى هيعملوا ايه بعد كدا

اللهم صل على سيدنا محمد.



السلام عليكم...

مكملين أباءنا الأفاضل و أمهاتنا الفاضلات...

و مستعينين بالله....



الجزء عدد 11

كان ياما كان و ما يحلي الكلام...

إلا بذكر النبي عليه الصلاة و السلام....

.....الممتازين يقولوا.....

عليه الصلاة و السلام....



الكفار رجعوا من الحبشة متغاضين....

و قالوا ما ينفعش كده...

لازم نفكر في خطة جديدةنؤذي بيها المسلمين....



الكفار الأشرار ... قالوا : " فكرتك دي ممتازة...
يلا نكتب الاتفاق ده على ورقة...
و نعلق الورقة دي على الكعبة...
عشان كل الكفار يشوفوه و يعملوا الخطة دي " !



فكتبوا الاتفاق الشرير بتاعهم في ورقة....
و راحوا علقوه على الكعبة....



المسلمين راحوا يشتروا أكل...
الكفار ما رضوش يكلموهم...
ولا رضوا يدوهم أي أكل..



و الكفار كمان اتفقوا ما يشتروش حاجة من عند المسلمين
عشان ما يخلوش المسلمين يكسبوا فلوس...



الأكل بقى عند المسلمين قليل أوي...
و جسمهم ضعف....
...ولما بقوا يجوعوا أوي...
كانوا يروحوا ياكلوا ورق الشجر....



ساعات كان فيه ناس بيعجوا من بره مكة بيععوا...
فكان المسلمين يروحوا يجيبوا أكل شوية صغيرين في السر
و لما واحد مسلم يعرف يجب أي أك
كان يقسمه على أخوانه المسلمين...
لأن المسلمين أخلاقهم طيبة و بيعبوا بعض....

فضل المسلمين كده 3 سنين....
3 سنين يجيبوا أكل بصعوبة...
و بياكلوا قليل اوي لغاية لما جسمهم ضعف
بس قالوا ... احنا مش هيهمنا...
مهما الكفار يعملوا هنفضل نحب ربنا...
و نعبد ربنا ... عشان ندخل الجنة....
اللي فيها أحلى أكل....
أكل الجنة أحلى من كل أكل الدنيا....

لغاية في يوم الأيام ... جه 5 رجالة من الكفار...
و قالوا : "الاتفاق ده فكرة وحشة...
و مش هتخلي المسلمين يرجعوا للأصنام برضه...
..... احنا هنروح نقطع الاتفاق ده....
ده اتفاق فاشل" ...
بس جه كافر شرير اسمه أبو جهل و معاه كفار تانيين...

قالوا لأ إحنا هنفضل على الخطة دي...
وفضلوا يتخانقوا مع بعض



لغاية لما سيدنا محمد قال لعمه أبو طالب....
خليهم يشوفوا ربنا عمل ايه في الورقة
اللي كتبوا فيها اتفاقهم الشرير...
ربنا خلى نمل الأرض ياكلها...



أبو طالب عم الرسول سأل سيدنا محمد : انت عرفت منين ??
فسيدنا محمد قاله : ربنا خلى جبريل عليه السلام يعرفني.



راح الكفار بسرعة عند الكعبة بصوا في الورقة بتاعتهم.....

لقوا النمل اكل الورقة كلهاإلا كلمة "بسمك اللهم"



الكفار عرفوا إن ربنا هو اللي عمل كده في اتفاقهم الشرير.....

فخافوا

و قطعوا التفاق بتاعهم....

و رجعوا يشتروا و يبيعوا من المسلمين تاني....

اللهم صل علي سيدنا محمد.



~~~~~  
السلام عليكم و رحمة الله

.....مكملين سوا إن شاء الله...

بس هنقف لغاية الهجرة...

و الباقي هيبقي في جزء تاني إن شاء الله...

و بكده السيرة هتبقى علي جزئين...

الجزء الأول : في مكة

و الجزء الثاني : في المدينة

نستعين بالله.....



الجزء عدد 12

كان يا ما كان و ما يحلي الكلام إلا بذكر النبي عليه الصلاة و السلام  
بأحلى وأعلى صوت هنقووووول ..... عليه الصلاة و السلام.



الكفار الأشرار كل شوية يعملوا خطط جديدة عشان يؤذوا المسلمين.....  
لكن.....

كل يوم ناس جديدة تسمع كلام سيدنا محمد...



وتعرف إنه النبي اللي ربنا اختاره  
و يعلمهم يعبدوا ربنا ... و يعلمهم الأعمال الطيبة الصالحة و الخير  
و ييقوا مسلمين طيبين....



و الكفار هيتجننوا ... نفسهم يضايقوا سيدنا محمد بأي طريقة عشان الناس  
تفضل تعبد الأصنام  
....بس عمه أبو طالب كان دايمًا بيدافع عنه...  
و مش مخلي الكفار يعرفوا يعملوا فيه أي حاجة....



و السيدة خديجة كمان ... كانت أخلاقها أحسن أخلاق...  
و كانت بتدافع عن سيدنا محمد و بتحبه...  
و لما الكفار يضايقوه ... كانت تقوله ما يزعلش لأنها عارفة إنه هو النبي اللي ربنا  
اختاره...وهو الصح

...وربنا هيخليه يكسبهم في الآخر



بس السيدة خديجة هتموت..

.....يااااااه...

ده سيدنا محمد كان بيحبها أوي....

الرسول عليه الصلاة والسلام زعل وحزن أوي....

بس جبريل عليه السلام قال لسيدنا محمد ... إن ربنا عمل للسيدة خديجة بيت

جمييير في الجنة....

أحلي من كل البيوت الحلوة اللي في الدنيا....



وكمآن

عمه أبو طالب بقى راجل عجوز أوي ... و فضل عيان لغاية لما مات....

يااااااه ... ده عمه اللي رباه و كان بيحبه و يدافع عنه...

سیدنا محمد بقی حزین و وحید...

ماتت السیة خدیجة .... و مات عمه أبو طالب



و الكفار بقوا فرحانین إن عمه أبو طالب مات و السیة خدیجة ماتت

و بقی مفیش حد من قرايه هیدافع عنه و یحمیه.



فالكفار قالوا دلوقتي بس هنقدر نؤذي النبي و هو وحيد

ومحدث هیدافع عنه

فرجع الكفار یضایقوا سیدنا محمد .... و یعملوا تصرفاتهم الشريرة...



فسيدنا محمد فكر.....

فكر أنه يروح بلد اسمها الطائف جنب مكة....

عشان ممكن يعلم الناس هناك الإسلام و ييقوا مسلمين طيبين و يعيش معاهم

بعيد عن الكفار...



فراح سيدنا محمد الطائف و معاه ولد صغير اسمه زيد ابن حارثة...

زيد بيحب النبي و يساعده و بيخدمه....

راحوا سوا ملوك الطائف .... كانوا 3 ملوك...



سيدنا محمد قالهم إنه النبي ... و قالهم يعبدوا ربنا...

و يسيبوا الأصنام المصنوعة من الحجر..

اللي مش بتشوف ولا تسمع ولا تفهم ولا تقدر تعمل حاجة.

بس ملوك الطائف طلّعوا ملوك أشرار  
و مريضوش يسمّعون كلام سيدنا محمد....  
و قالوله حتي لو أنت النبي اللي ربنا اختاره برضه مش هنكلمك!!

سيدنا محمد قالهم :خلاص .. بس ما تقولوش للكفار اللي في مكة إني جيت  
عندكوا...

الملوك الأشرار قالوله :لأ ... هنقولهم و هنؤذيك زيهم!!  
الملوك الأشرار جمعوا الولاد الوحشة و قالولهم يرموا طوب على سيدنا محمد...  
الملوك دول ربنا هيدخلهم النار لأنهم أذوا النبي و مريضوش يتعلموا كلام ربنا....

سيدنا محمد هرب منهم بسرعة و معاه زيد ... و سيدنا محمد رجله اتعورت و زيد  
راسه اتعورت.

ودخلوا بسرعة جنينة ... جنينة مليانة عنب...

و الولاد الوحشين بقوا مش شايفين سيدنا محمد و مشيوا...

سيدنا محمد قعد تحت شجرة العنب...

و فضل يدعي ربنا ... و قال لربنا:

يا رب أنا ضعيف من غيرك ... يا رب ما تسبنيش

يا رب أنا أهم حاجة عندي ما تكونش غضبان عليا ... و تكون راضي عني....

و فضل يدعي ربنا كثير...



الدعاء:

((اللهم إني أشكو إليك ضعف قوتي, وقلة حيلتي , وهواني على الناس , أنت  
ارحم الراحمين , ورب المستضعفين , وأنت ربي , إلى من تكلني ؟ إلى قريب  
يتجهمني , او إلى عدو ملكته أمري , إن لم يكن بك علي غضب فلا أبالي , غير  
أن عافيتك هي أوسع لي , أعوذ بنور وجهك الذي أشرقت له الظلمات , وصلح  
عليه أمر الدنيا والآخرة , أن ينزل بي غضبك , أو يحل بي سخطك , لك العتبى

حتى ترضى , ولا حول ولا قوة إلا بك))



و بعدين أصحاب الجنينة كانوا رجلين .... شافوا سيدنا محمد من بعيد قاعد جوة  
الجنينة بتاعتهم....

فجابوا طبق و حطوا فيه عنب و قالوا لخدم عندهم ياخذ العنب لسيدنا محمد  
عشان ياكل....



سيدنا محمد بص للعب ... و قبل ما ياكل راح قايل : " بسم الله "  
الخدم استغرب...

وقال لسيدنا محمد : أنت بتقول كلام جميل قبل الأكل ... وفي البلد دي محدش  
بيقول كده

سيدنا محمد سأل الخادم : أنت منين ؟ و بلدك اسمها إيه؟

الخادم قاله : بلدي إسمها نينوى ( تقرأ زي نيناوا )

سيدنا محمد قاله : أنت من بلد نبي كان اسمه يونس  
الخدام أستغرب و قال : أيوة صح أنت عرفت يونس النبي منين؟؟؟  
سيدنا محمد قاله : يونس كان نبي و أنا كمان نبي من عند ربنا..  
الخدام مسك إيد سيدنا محمد وباسها.. ووطى ييوس رجله المجروحة...  
عشان عرف إنه رسول من ربنا.



سيدنا محمد خرج من جنيّة العنب و معاه زيد ... و رجعوا مكة....  
قبل لما يدخل مكة ... جه سيدنا جبريل لسيدنا محمد و قاله:  
ربنا أرسلني و معايا ملك تاني ... لو تحب نوقع الجبال على الكفار اللي بيؤذوك  
... هنوقعها عليهم.  
سيدنا محمد قاله : لأ ... ربنا ممكن يخلي أولاد الكفار ييقوا مسلمين بيعبدوا ربنا  
وبس.





سيدنا محمد وقف عند مكة و قبل لما يدخلها...

نده واحد من أهل مكة اسمه " مطعم بن عدي "

...و سألہ ممکن تحميني من أشرار الكفار؟؟

"مطعم بن عدي" كان برضه يعبد الأصنام بس مكنش بيؤذي النبي

قاله أيوة .... أقدر ... و محدش منهم هيقدر يؤذيك

ربنا هو اللي خلاه يوافق عشان يحمي النبي

و راح مطعم نده علي كل ولاده ... و خلاهم يجهزوا كل أسلحتهم...

عشان يحموا النبي و يخلوه يدخل مكة من غير ما حد من الأشرار ما يقدر يؤذي

سيدنا محمد

دخل سيدنا محمد مكة و صلى عند الكعبة..

و دخل بيته....

و الأشرار من الكفار متغاضين و مش عارفين يعملوا ايه!



اللهم صل على سيدنا محمد و على آله و صحبه

و ارزقنا حبك وحب نبيك.



السلام عليكم و رحمة الله و بركاته....

الآباء و الأمهات الأفاضل....

النهاردة حلقة الإسراء و المعراج...

و هنقول كل حاجة فيها إن شاء الله

وبطريقة بسيطة خالص...

و نستعين بالله...



## الجزء 13

و ما يحلي الكلام غير بذكر النبي.....

و حبايبي دائما يقولوا .....عليه الصلاة و السلام...



سيدنا محمد لما آذوه الأشرار في الطائف عمل إيه؟؟

دعا ربنا ...ممتازين

قال لربنا ... يا رب مهما آذوني ..أهم حاجة عندي ما تكونش يا ربي غضبان

عليا و تكون راضي عني....



ربنا ما سابش سيدنا محمد ... وطمّن قلبه ... إنه راضي عنه و بيحبه  
و هيخليه يشوف حاجات محدش غيره شافها عشان يبقى ثابت و قوي و يعرف  
إن ربنا أختاره و ميزه  
و ما يزعلش أبدا مهما آذوه أو ضايقوه أو حاربوه ....و يبقى متأكد إنه ربنا معاه  
و هينصره.



....و هيحصل الإسراء و المعراج...  
يعني إيه؟ ... يلا نحكي

الإسراء ....من مكة إلى المسجد الأقصى:

سيدنا محمد صلى و بعدين نام (كانت الأول صلاتين في اليوم)  
....جه الملاك جبريل عليه السلام و صحاه....  
و أخده عند الباب....

سيدنا محمد لقي كائن .... أول مرة يشوفه...  
لونه أبيض...

و عرف من جبريل عليه السلام إن اسمه البراق....  
ربنا زي ما خلقنا و خلق الحيوانات و خلق كل حاجة...  
خلق كمان كائنات و مخلوقات ما نعرفهاش...  
ويقدر يخلق (يصنع ) ما يشاء .... ربنا قدرته كبيرة..  
و أكبر من تفكيرنا...



سيدنا محمد ركب البراق ... بس مكش البراق زي حيوانات الدنيا....  
كان بيتحرك بأسرع سرعة ممكن نتخيلها...  
اتحرك بسرعة من مكة ..... لبلد بعبيبيبيبيد .... اسمها القدس....



في الطريق سيدنا محمد شاف الناس اللي بتسافر لمكة و راكبين الجمال....  
وماشين بالراحة بالراحة...  
و قدامهم جمل لونه قريب من الأسود....

و علي راسه شرايط سودة وملونة  
و لقي جمل تاني ضايع منهم و قاعدين يدوروا عليه...  
قالهم على مكانه .... هما ما شافوش سيدنا محمد...بس سمعوا صوته



و بعدين بعد شوية سيدنا محمد لقي ناس نايمة جنب مائة و متغطية...  
فسيدنا محمد وقف شرب الماية .. و غطاها تاني  
لغاية لما وصلوا عند القدس  
وووقفوا عند المسجد الأقصى .....ياااااااه....



المسجد الأقصى ده المسلمين كلهم بيحبوه أوي.....  
(دلوقتي الإسرائيلين حاربونا و أخذوه مننا...  
بس إحنا إن شاء الله هنحاربهم و نرجعه تانى عشان ده مسجد المسلمين)



سيدنا محمد نزل من البراق...  
وربطه عند حيطه ... اسمها حائط البراق  
و دخل المسجد ....لقي إيه ???  
لقي الأنبياء اللي ربنا أختارهم ... و وقفوا يصلوا كلهم لربنا  
و بعد لما خلصوا صلاة...  
جبريل عليه السلام حط قدام سيدنا محمد 3 كوبايات  
واحدة فيها لبن ... وواحدة فيها خمرة وحشة ... وواحدة فيها مائة...  
سيدنا محمد فهم قصد جبريل عليه السلام....  
عرف إنه المفروض يختار الصح  
مد إيده وخذ كوباية اللبن...  
سيدنا جبريل قاله أنت اخترت الصح...  
عشان كده المسلمين لازم يتعلموا يختاروا في حياتهم النافع...  
و اللي يقوينا و نبعد عن الي مش مفيد او اللي بيضرنا.



وبعدين خرج سيدنا محمد و جبريل  
سيدنا محمد عرف إن هيحصل المعراج .... يعني ربنا هيطلعهم في السما  
ربنا خلق سبع سموات

وكل النجوم والكواكب والشمس في سما الدنيا.....  
و السموات الثانية منعرش عنها حاجة  
ربنا بس اللي يعرف كل حاجة.  
ربنا بيحب سيدنا محمد و هيخليه يشوف و يتعلم حاجات محدش غيره هيشوفها  
ولا يعرفها.  
و سيدنا محمد هيعلمها لكل الناس.



طلعوا في أول سما ... لقوا ملايكة كثير مبتسمة و بتسلم علي سيدنا محمد  
و لقوا سيدنا آدم عليه السلام..... أول واحد ربنا خلقه .. يعني أبو البشر كلهم  
... و سلم علي سيدنا محمد  
وصلوا ثاني سما ....لقوا النبي عيسي عليه السلام... و النبي يحي عليه السلام  
....سلموا عليهم.  
وصلوا ثالث سما .... لقوا نبي شكله أجمل شكل .... ده النبي يوسف عليه  
السلام.

وصلوا رابع سما ..... كان فيها النبي إدريس عليه السلام.

وصلوا خامس سما .... لقوا راجل شعره أبيض و دقنه بيضة ... بس مش عجوز  
أوي .... دي النبي هارون عليه السلام ... أخو موسى عليه السلام.

وصلوا سادس سما .... لقو النبي موسى عليه السلام ... أخو هارون عليه السلام.

لغاية أخيرا ... سابع سما .... لقوا سيدنا إبراهيم عليه السلام ....  
ياااه ده سيدنا إبراهيم اللي دعا ربنا أنه يختار نبي يعلم الناس كلها...  
سيدنا إبراهيم رحب بسيدنا محمد و قاله :مرحبا بالابن الصالح ... و العبد الصالح



بعد كده جبريل خلى سيدنا محمد يشوف الجنة....

و سيدنا محمد قالنا إن إحنا مش هنعرف نتخيلها...

لأنها هتكون دائما أحلى من كل أفكارنا...

و إن لو إحنا عايزين أي حاجة في الجنة....

ربنا بيديهلنا و بتكون أحلى كمان.

(لهم مايشاؤون فيها ولدينا مزيد)

و احلى كمان من كل الصور...



و بعدين طلعوا من الجنة....  
و شافوا ملاك مش بيتسم ابدا...  
سيدنا محمد عرف إن ده ... اسمه مالك ... ملاك النار

و شاف النار و بيتعذب فيها الأشرار اللي كانوا بيعذبوا الطيبين المؤمنين في الدنيا  
و بيقتلوهم و يقتلوا أطفالهم و مش بيرضوا يسمعوا كلام ربنا ولا يصلوا لربنا.

و وصلوا لمكان اسمه سدره المنتهى...  
مكان يشبه الشجرة .... بس أوراقها كبيرة جدا جدا.....  
و هناك عند سدره المنتهى....  
سيدنا محمد سجد لربنا عشان ربنا اختاره أنه يكون الوحيد اللي يوصل للمكان ده

...

و شكر ربنا و حمده...  
ربنا قال لسيدنا محمد إن المسلمين يصلوا 50 صلاة....

(ممكن ابنك يسألك ... هو سيدنا محمد شاف ربنا؟؟ ... لأ سيدنا محمد ما  
شفش ربنا بعينه

ربنا قال ... لا تدركه الأبصار وهو يدرك الأبصار وهو اللطيف الخبير)....



و بعدين سيدنا محمد رجع ... فشافه سيدنا موسى ... فسأله:

ربنا أمرك تصلوا كام؟

سيدنا محمد قالوا : 50 صلاة...

سيدنا موسى قاله : ارجع ... و أسأل ربنا ... ممكن يقللها...

فرجع سيدنا محمد و طلب من ربنا يقللها فربنا قللها 5 .....فبقت 45 صلاة.

فرجع سيدنا محمد لسيدنا موسى...

فسيدنا موسى قاله يرجع لربنا تاني عشان يقللها كمان....

فرجع لربنا و ربنا قللها كمان .... و فضلوا كده...

لغاية لما ربنا خلاها 5 صلوات...

سيدنا موسى قال لسيدنا محمد ... ارجع لربنا عشان يقللها كمان....

بس سيدنا محمد قالوا أنه ما يقدرش يطلب من ربنا أنه يقللها أكثر من كده...

لأن سيدنا محمد استحي (اتكسف) من ربنا.

بس سيدنا محمد قالنا إن اللي هيصلي الخمس صلوات ربنا هيحسبهم كأنهم 50  
صلاة

عشان ربنا بيحب اللي بيصلوا و عشان يدخلنا الجنة .....ياااارب.

ورجع سيدنا محمد لمكة .... كان لسه الدنيا ضلمة في مكة ... ولسه الفجر ما  
طلعش...

بعد ما سيدنا محمد صلى الصبح .... طلع عشان يحكي لأهل مكة على اللي  
حصل

طبعا بقوا مستغربين....

الكفار قالوا له :ده احنا عشان نروح أي مكان بنركب بالجمال...و بنفضل

مسافرين شهر و بنرجع في شهر...

إزاي تروح وترجع في نفس اليوم .... طب قولنا دليل!

فسيدنا محمد قالهم .... في الطريق شوفت الناس اللي مسافرين لمكة و راكبين  
الجمال  
و فيه جمل ضاع منهم ... و أنا نبهتهم لمكانه .... و أنا عارف وصلوا لغاية  
فين... و كمان هما قربوا يوصلوا مكة  
و قدامهم جمل لونه قريب من الأسود ... و على راسه شرايط سودة وملونة.  
و كمان كان فيه ناس تانية نايمين .... فلما عطشت وقفت ... و شربت من الماية  
اللي جنبهم و غطتها تاني.

فراحو بسرعة أهل مكة يستنوا الناس اللي كانت مسافرة على الجمال .... عشان  
يسألوهم  
أول لما وصل المسافرين .... أهل مكة استغربوا ... لقوا كلام سيدنا محمد صح  
فعلا جمل لونه قريب من الأسود ماشي قدامهم و حاطين شرايط ملونة و سودة  
على راسه!!

فسألوهم أنتم ضاع منكم جمل ؟ فالمسافرين قالوا أيوة ...بس سمعنا صوت حد  
ييعرفنا مكانه ولقينااه..

فلما جه ناس تانية مسافرين برضه ....أهل مكة سألوهم...  
قالوا أيوة إحنا نمنا جنب ماية متغطية ...و لما صحينا لقيناها متغطية برضه ....بس  
الماية خلصت.

رجع الكفار لسيدنا محمد...  
و قالوله إحنا فينا ناس راحت المسجد الاقصى قبل كده...  
قولنا شكله إيه عشان نعرف إنت روحت فعلا ولا لأ....

سيدنا محمد فضل يوصفه بالتفصيل ...و ربنا خلي شكل المسجد ييقى قدامه  
عشان يعرف يرد على كل أسألهم...  
ففضل سيدنا محمد يوصف أبوابه و شكله و كل حة فيه.... !!!

ورجع سيدنا محمد بيته و جه جبريل و علمه الوضوء و الصلوات الخمسة.  
والكفار رجعوا بيوتهم و بقوا هيتجننوا !! إزاي سيدنا محمد عرف كل ده ؟؟  
و بقوا مستغربين....  
عارفين مستغربين ليه ؟....  
عشان الكفار ما يعرفوش إن ربنا يقدر يعمل كل حاجة و أي حاجة...  
و إن ربنا هو اللي خلقهم و خلق عقولهم...  
و مهما فكروا بقدرة ربنا بعقلهم .... أكيد قدرة ربنا أكبر....  
ما يعرفوش إن ربنا مجرد يقول " كن " ... كل شيء هيكون...  
زي ما ربنا أراد.

اللهم صل علي سيدنا محمد....  
اللهم ارزقنا حبك و رضاك...

السلام عليكم و رحمة الله و بركاته

نسأل الله أن يعين كل الآباء و الأمهات....

و يغفر لنا تقصيرنا و يعيننا على أولادنا و يقر عيننا بيهم.

النهاردة حلقة بيعة العقبة ... ما تتخضوش من الاسم...

هنحكيها بسهولة

وبطريقة بسيطة خالص ... إن شاء الله

و نستعين بالله...



الجزء 14

كان يا ما كان و ما يحلى الكلام إلا بذكر النبي عليه الصلاة والسلام  
ولادي حبايبي دائما لما يسمعوا اسم سيدنا محمد يردوا علطوووووول.....عليه  
الصلاة و السلام

ممتازيييييييين

11 سنة

11.... سنة و الكفار بيؤذوا سيدنا محمد .... عليه الصلاة والسلام.....

و بيعملوا كل الأفكار الشريرة عشان يضايقوا المسلمين

لكن المسلمين ثابتين و اقويا .... و صابرين و مستحملين كل الأذى

.... عارفين ليه؟

عشان المسلمين عارفين و متأكدين إنهم الصح...

فمهما الكفار عملوا مش هيسمعوا كلامهم

و هيفضلوا يسمعوا كلام سيدنا محمد .... و يحبوه

عليه الصلاة و السلام

كل سنة كانت الناس تيجي مكة عشان تحج عند الكعبة ( سيدنا إبراهيم من



زمااااا هو اللي علمهم الحج)  
كانت الناس اللي مش عايشة في مكة ... تدخل مكة .... و تروح عند الكعبة  
عشان تحج...



و كان فيه بلد جميلة و أهلها طيبين ... اسمها المدينة....  
فاكرينها ؟؟؟  
سيدنا محمد عليه الصلاة و السلام زارها زمااااا مع مامته ... و هناك شاف  
أخوات مامته.



اللي حصل إن شوية ناس من أهل المدينة سافروا مكة عشان يحجوا....  
و راحوا عند الكعبة .... كانوا كام واحد ؟؟؟ كانوا 6 رجالة



...و شافهم سيدنا محمد .... فسألهم : أنتم مين ؟  
ردوا و قالوا :احنا ناس من المدينة اسمنا الخزرج ( الخزرج ده اسم القبيلة .... و  
القبيلة يعني مجموعة ناس عايشة مع بعض)  
سيدنا محمد سألهم :أنتم عايش جنبكم اليهود ؟  
ردوا و قالوا : أيوة  
فقالهم :طب ممكن تقعدوا أكلمكم؟؟  
فوافقوا وقعدوا...  
سيدنا محمد عرفهم إنه النبي اللي ربنا اختاره عشان يعلم كل الناس إزاي يعبدوا ربنا  
...و كمان قرأ لهم القرآن كلام ربنا



الرجالة بصوا لبعض و قالوا :أيوة فعلا ! ....احنا عارفين إن ربنا هيختار نبي ...  
احنا عرفنا من اليهود اللي عايشين معانا في المدينة...  
و كل لما تحصل خناقة بينا و بين اليهود ..نلاقي اليهود يغيظونا ...و يقولوا إن ربنا  
هيختار نبي و إحنا اليهود هنسمع كلامه قبل كل الناس و هنحاربكوا و هنقتلكوا  
يا خزرج!!!  
بس دلوقتي احنا عرفنا خلاص إن انت النبي اللي اليهود قالتلنا عليه و احنا هنسمع  
كلامك و هنؤمن بيك  
و كمان لما نرجع المدينة هنقول لكل أهلنا إن خلاص ربنا اختار نبي .... و

هنعلمهم كل الحاجات اللي قولتهلنا..  
خلاص احنا عرفنا إن انت النبي و أنت أعز حد ندافع عنه



و اتفقوا مع سيدنا محمد صلى الله عليه و سلم إنهم هيتقابلوا تاني ... إمتى؟؟ بعد  
سنة ...يااااه كثير أوي...  
هيتقابلوا برضه وقت الحج....



رجع الخرج للمدينة ... و عرفوا أهلهم إن ربنا إختار النبي زي ما اليهود كانوا  
بيقولوا و علموا أهلهم الإسلام ....فبقوا كام مسلم؟؟ ..... 12  
.....مسلم.....

.....



و بعد سنة كاملة اتقابلوا تاني في الحج  
12 راجل من المدينة قابلوا سيدنا محمد ... قابلوه فين ؟  
... في مكان اسمه العقبة!



سيدنا محمد اتفق معاهم علي اتفاق .... اتفق معاهم على إبييه؟؟؟  
سيدنا محمد قالهم أوعدوني انكم تعبدوا ربنا و بس....  
ما تسرقوش .... و ما تقتلوش....  
ولا تعملوا حاجة وحشة و لا تقولوا كذب أو شر  
وأوعوا ما تسمعوش كلام سيدنا محمد لو أمركم بخير



و اللي هيعمل الاتفاق ده ربنا هيكتبه حسنات تدخله الجنة  
الاتفاق ده سموه بيعة العقبة الأولى .... و اتفقوا يتقابلوا برضه بعد سنة .... في  
وقت الحج برضه....

ال12 راجل اللي من المدينة وافقوا طبعاً على الاتفاق...  
و كمان سيدنا محمد بعت معاهم ....مصعب ..... مصعب ابن عمير  
عشان يعلمهم إزاي يقرأوا القرآن صح ....و يعلمهم الإسلام ..دين ربنا...

مصعب ابن عمير سموه بعد كده "مقريء المدينة" عشان هو اللي علم أهل المدينة  
قراءة القرآن ... و المسلمين كلهم بيحبوه أوي

.....

بعد لما عدت سنة...  
جه وقت الحج ... وكل الناس راحت عشان تحج....  
و كان في وسطهم المسلمين الطيبين من أهل المدينة  
عارفين بقوا كام واحد؟؟

بقوا 73 مسلم....

جاين عشان يحجوا برضه و يشوفوا سيدنا محمد...



بس كانوا مقررين قرار ... إيه هو؟

اتفقوا إنهم مش هيسيبيوا سيدنا محمد في مكة وسط الكفار اللي بيؤذوه و يضايقوه  
فاتفقوا إنهم هايقابلوا سيدنا محمد في السر في نفس المكان اللي اسمه العقبة....



كل الحجاج كانوا نايمين في الخيمة ..... و قام المسلمين بشويش و راحوا عند  
العقبة عشان يقابلوا سيدنا محمد...



قابلهم سيدنا محمد و كان معاه عمه العباس....

عمه العباس مكنش لسه مؤمن...

بس كان ييحب سيدنا محمد و بيدافع عنه ضد الأشرار الكفار...  
بس سيدنا العباس هيسمع كلام سيدنا محمد في الآخر ويبقى مسلم



المسلمين راحوا عند العقبة .... و قابلوا سيدنا محمد و عمه العباس...

عم سيدنا محمد .... العباس أول واحد اتكلم و قالهم:  
أنا عارف إنكم بتحبوا سيدنا محمد ... و عايزينه يروحو معاكم المدينة..  
بس أنا عاوزكوا تعرفوا إن أنا كنت بحميه من الكفار الأشرار ... و لو مش هتقدروا  
تدافعوا عنه زي أقرب الناس ليكوا...  
يبقى خلاص خليه في مكة و بلاش يروح معاكم



وقف واحد من المسلمين و قال:  
هندافع عنه بأرواحنا .... و بكل قوتنا..

سيدنا محمد .... قام .... و بدأ يكلم الناس .... عن الإسلام .... دين ربنا ...  
اللي فيه كل الخير لكل الدنيا...  
و اتفق معاهم علي اتفاق تاني:

1- إنهم يعبدوا ربنا ..... ربنا بس...

2- إنهم يعملوا أوامر ربنا و يطيعوه

3- يدفعوا فلوس للمساكين و الغلبة و يهتموا بيهم

4- إنهم يعرفوا الناس إيه الخير و الصبح ... عشان الناس تعمله...  
و يفهموا الناس إيه الحاجات الوحشة عشان يبعدوا عنها

5- إنهم يتحركوا بسرعه لأي عمل أو طلب يرضي ربنا من غير ما يخافوا من أي  
حد

6- إنهم يدافعوا عن دين ربنا .... الإسلام .... و يدافعوا عن النبي اللي ربنا  
أختاره



فوقف واحد من المسلمين و قال:  
و الله .... هندافع عنك بكل قوتنا ! ... و هنفذ إتفاقنا

بس فيه واحد من المسلمين ...وقف و قال:

يا مسلمين المدينة ...أعرفوا إن لو انتم عملتم التفاق ده ... و أخذتم سيدنا محمد  
معاكم للمدينة ...ودافعتم عنه...  
ساعتها كل أشرار الأرض هتحاربكم .... فلو مش هتستحملوا ... و  
هتخافوا...يبقي بلاش...  
لكن لو هتكونوا شجعان ...و عندكم قوة و صبر و استحمال خلاص يبقى  
خدوه معاكم .... و بكده هتبقى كسبتهم في الدنيا و الآخرة كمان.



فرد المسلمين:

كلنا هندافع عن سيدنا محمد بكل قوتنا ...ومش هيهمنا أي حد ...ولا هتخاف  
من أي حاجة....

و بعدين بصوا لسيدنا محمد و سيألوه :إحنا كده هيكون جزاءنا إيه ؟

رد عليهم : ..... الجنة..

فقالوا :مد إيدك...

و قاموا كلهم يسلموا علي سيدنا محمد...  
و هما يقولوا إنهم هيعملوا كل كلمة حصلت في الاتفاق ده...  
و الاتفاق ده كان اسمه بيعة العقبة الثانية

يا تري بقه سيدنا محمد هيسيب مكة و يروح المدينة إزاي ؟ و الكفار هيسيئوه ؟  
اللهم صل علي سيدنا محمد

السلام عليكم ورحمة الله و بركاته.....  
بإذن الله مكملين ... و بالله مستعينين

## الجزء 15

كان يا ما كان ....و ما يحلي الكلام إلا بذكر النبي عليه الصلاة و السلام  
.....و طبعا الحلوين المتميزين هيردوا.....  
عليه الصلاة و السلام.



سيدنا محمد عليه الصلاة و السلام و المسلمين الطيبين....  
عرفوا إنهم خلاص هيهاجروا " يسافروا " من مكة للمدينة ...و هيبعدوا عن  
الكفار الأشرار..



كل يوم .... شوية من المسلمين الطيبين يسيبوا مكة و يروحوا المدينة .... كل يوم  
شوية ..... كل يوم شوية.....



لكن سيدنا محمد لسه ما هاجرش للمدينة.....  
و مش هيهاجر إلا لما ربنا بيعت ليه سيدنا جبريل عليه السلام ...عشان يقوله  
علي وقت السفر.....



الكفار الأشرار بدؤوا يحسوا ..... إن المسلمين الطيبين يسيبوا مكة و يروحوا علي  
المدينة....

فقالوا لازم نتجمع حالا ..... و نعمل خطة شريرة ...مش هنسيبهم يمشوا...

اتجمع الكفار الأشرار في بيت اسمه " دار الندوة " .... اسمه إيه؟؟

" دار الندوة....."

و قعدوا يفكروا.....

واحد كافر شرير ... قال : احسن حاجة نحبس النبي....

فرد عليه واحد تاني قاله : لأ .. أصحابه المسلمين الطيبين مش هيسيبيوه محبوس

... هيجموا علينا .... و ينقدوه....

فكروا في حاجة تانية....

فواحد كافر تاني قال : طب ما تسيبوه يمشي هو والمسلمين و يبعدوا عننا و

خلاص....

فردوا عليه : لأ ما ينفعش ... ده اي حد بيشوفه بيعبه و يسمع كلامه ... و

بقي عنده اصحاب كتير .... و هيبقوا كده اقوي مننا و هيجوا يحاربونا عشان

إحنا عذبناهم كتير و ضايقناهم كتير...

أوحش واحد في الكفار ... اسمه أبو جهل قالهم: أنا ... أنا عندي فكرة .... أحسن

حاجة نقتل الرسول ... نختار كل الشباب الأقويا من كل قبيلة (عيلة ) ... و

نجمع كل الشباب الأقوياء و يهجموا علي بيت الرسول و يقتلوه ... و ساعتها  
أهل سيدنا محمد مش هيعرفوا يحاربوا كل الشباب الأقواء دول ولا هيقدرُوا يخذوا  
حق سيدنا محمد...



الكفار عجبتهُم الفكرة .... و اتفقوا إن أول لما سيدنا محمد ينام .... الشباب  
الأقويا هيدخلوا كلهم بالسيوف و يضربوه مع بعض



يااااا إيه كل الشر ده ..... ده سيدنا محمد عليه الصلاة و السلام .... افضل  
إنسان في الدنيا  
...و أطيب قلب....

و مش بيؤذي أي إنسان ولا حيوان ولا حتي الشجر  
...و نفسه يسمعوا كلامه عشان ييقوا ناس طيبة و أعمالهم كلها خير و رحمة و  
ربنا يحبهم و يدخلهم الجنة...

بس هما مفيش فايذة فيهم... قلبهم كله شر .... و بيسمعوا كلام الشيطان

.....

الكفار كانوا فاكرين إن مفيش حد شافهم ولا سمع خطتهم....  
لأنهم ما يعرفوش إن ربنا بيسمع و يرى كل حاجة إحنا بنعملها..  
ربنا سمع كل كلامهم و شايف كل حاجة بيعملوها....  
و مش هيخليهم يقدرؤا يؤذوا سيدنا محمد....

ربنا بعث الملاك سيدنا جبريل .... يحذر سيدنا محمد...  
سيدنا جبريل قال لسيدنا محمد...  
أوعى تنام في سريرك النهاردة... الكفار عاملين خطة عشان يقتلوك...  
و قاله جه وقت الهجرة للمدينة

مين اللي كان عايش مع سيدنا محمد في بيته ؟ ؟ ؟

....سيدنا علي...

سيدنا علي كان ولد كبير ... بس كان مسلم طيب و قوي جدا و شجاع و مش

بيخاف من حاجة....

سيدنا محمد قال لسيدنا علي إن الملاك جبريل حذره...

وكم ان سيدنا محمد قال لسيدنا علي لو عندنا أي حاجة أمانة بتاعة أي حد في

مكة لازم نرجعها له قبل ما نروح المدينة....

سيدنا محمد في أصعب الأوقات مش بيضيع حاجة الناس و بيردها ليهم حتي لو

كانوا كفار.



أتجمع الشباب الكفار الأقويا عند البيت بتاع سيدنا محمد...

عشان أول لما يطلع يصلي الفجر يهجموا عليه....

و كان معاهم سيوف كبيرة...



عارفين كانوا كام واحد؟؟؟



40 شاب قوي

.....بس ربنا أقوى منهم

سيدنا علي لأنه كان ولد قوي و شجاع ومش بينخاف نام مكان سيدنا محمد في

سريره

و اتغطى بالغطى بتاع سيدنا محمد....



شباب الكفار بصوا من فتحة لقوا حد نايم على السرير ... افكروه سيدنا محمد

!!!!

.....بس ده طبعاً سيدنا علي القوي الشجاع نايم مكانه....

سيدنا محمد عارف إنه هو الحق و الصبح ... و عارف إن ربنا بيحبه و هيحميه

.....

سيدنا محمد خرج من بيته....

ربنا خلى الكفار مش شايفين أي حاجة...

و بقوا واقفين زي الأصنام...



ربنا هو اللي خلق عينيهم و ربنا يقدر يخليهم ما يشفوش أي حاجة...

واقفين زي التماثيل و مش حاسين بحاجة....

وسيدنا محمد أخذ تراب من الأرض .... وحطه على راسهم....

وهو يقول من القرآن الكريم : بسم الله ... فأغشيناهم فهم لا يبصرون....

يعني ربنا حط غطى على عينيهم خلاهم مش شايفين حاجة....

و مشى سيدنا محمد و سابهم واقفين زي التماثيل....



و ببعدين صحبوا لقوا شعرهم عليه تراب .... ولقوا لسه فيه حد نايم في السرير...

افتكره سيدنا محمد نايم....

بس اكتشفوا المفاجأة اللي جنتهم!!!

...ده سيدنا علي هو اللي نايم...

و ربنا خرج سيدنا محمد من غير ما يشوفوه ولا يحسوا بيه...



سيدنا محمد عليه أفضل الصلاة و السلام لما ساب بيته ..... راح لمين ???

راح لصاحبه ... سيدنا أبو بكر .... احنا كلنا بنجب سيدنا أبو بكر .... لأن

سيدنا محمد كان ييحبه وكان صاحبه



.... سيدنا أبو بكر كان ييجهز نفسه عشان يهاجر...

و كان ييتمنى إنه يهاجر مع سيدنا محمد....

و كان مجهز جملين أقويا عشان يسافروا بيهم....



سيدنا محمد قاله ربنا بعثلي سيدنا جبريل وأمرني أهاجر المدينة...

سيدنا أبو بكر بقه فرحاً انان أوي

.... لأنه هيهاجر مع سيدنا محمد اللي ييحبه أكثر إنسان في الدنيا.



سيدنا محمد .... و سيدنا أبو بكر اتفقوا مع راجل من مكة إن يعرفهم طريق

السفر..

و سابوا معاه الحملين....



سيدنا محمد عليه الصلاة و السلام وسيدنا أبو بكر قبل ما يهاجروا ..... راحوا  
عند جبل بعييد ....جبل اسمه جبل ثور...  
و دخلوا جوة الغار ... فتحة جوة الجبل  
فضلوا في الغار 3 أيام .... عشان كانوا عارفين إن الكفار هيدوروا عليهم في كل  
حتة

طب بياكلوا إزاي ؟  
أسماء.. أسماء بنت سيدنا أبو بكر..  
كانت ست شجاعة و قوية و مش بتخاف من الكفار...  
.....كانت بتجيب ليهم الأكل كل يوم....



الكفار الأشرار .... بقوا هيتجننوا .....إزاي سيدنا محمد هرب منهم ؟إزاي ما  
حسوش بيه ولا شافوه ؟....  
فضلوا يدوروا عليه في كل مكان....

لغاية لما واحد قاهم إنهم ممكن يكونوا عند جبل ثور!  
راحوا بسرعة عند جبل ثور....



سيدنا محمد و سيدنا أبو بكر جوة الغار .... و شايفين رجلين الكفار...  
سيدنا أبو بكر خاف لحسن يعرفوا مكان سيدنا محمد....  
بس سيدنا محمد مكنش خايف....  
لأنه عارف إن ربنا هينصره على الأشرار الكفار....  
سيدنا محمد بص لسيدنا أبو بكر و قاله:  
ما ظنك باثنين الله ثالثهما....  
يعني أوعى تخاف ...إحنا ربنا معانا ..إحنا الصبح و إحنا الحق ...و ربنا هينصرنا  
....



الكفار واقفين جنب الغار ...و لو بصوا هيشوفوا سيدنا محمد...  
بس مين اللي خلق عقلهم و عينيهم ؟  
ربنا

و ربنا اللي خلاهم ما يقدروش يفكروا ولا يشوفوا اللي حوالهم.....  
و مشيوا و هما زعلانين لأنهم بقاهم 3 أيام بيدوروا على سيدنا محمد....  
ومش قادرين يلاقوه.....  
ولا هيقوه....  
عشان ربنا بينصر النبي و بينصر الحق....  
و بيهزم الشر مهما كان قوي.  
و خرج سيدنا محمد ....و سيدنا أبو بكر من الغار....  
عشان يبدؤوا الرحلة ... للمدينة.....  
يا تري هيحصل معاهم إيه في الرحلة دي ؟

قصة سيدنا محمد  
بطريقة سهلة للأطفال  
way2Allah.com

السلام عليكم و رحمة الله و بركاته  
بإذن الله مكملين ....و بالله مستعينين....

قصة سيدنا محمد  
بطريقة سهلة للأطفال  
way2Allah.com

كان ياما مكان و ما يحلي الكلام إلا بذكر النبي عليه الصلاة و السلام  
طبعاً رد عليا الحلوين ..الممتازين و قالوا بأحلي صوت...  
عليه الصلاة و السلام



سيدنا محمد عليه الصلاة و السلام و صاحبه سيدنا أبو بكر خرجوا من الغار....  
..بعد لما ربنا خلاهم يفوزوا علي الكفار....  
و ما قدرش الكفار الأشرار يشوفوهم و لا يعرفوا مكانهم....  
وكل مرة الكفار يخططوا و يفتكروا إنهم خلاص هيكسبوا....  
ربنا بيخليهم هم الخسرانين....  
و يخلي المؤمنين الطيبين اللي بيدعوا ربنا و بيصلوا هما الفايزين....



خرج سيدنا محمد و سيدنا أبو بكر  
و راحوا للراجل اللي بيعرف الطريق للمدينة عشان يساعدهم....  
راجل بيعرف إزاي لما يسافروا يمشوا في الطريق الصح...  
و كمان أخذو معاهم خادم... خادم كان يساعد سيدنا أبو بكر.....  
يعني كانوا كام راجل...



سيدنا محمد عليه الصلاة و السلام....  
و سيدنا أبو بكر...  
و الراجل اللي بيعرف الطريق للمدينة  
وخادم سيدنا ابو بكر  
يعني 4 رجالة.....



الكفار في مكة كانوا متغاضين و مضايقين أوي....  
و مش عايزين يسكتوا ولا يبتلوا شر....  
الكفار الأشرار قالوا : خلاص....



إحنا هنعمل جايزة للي يقدر يعرف مكان سيدنا محمد  
و راح كفار كتير يدوروا عشان ياخدوا الجايزة...  
الجايزة كانت 100 جمل.



لكن الراجل اللي عارف الطريق قال لسيدنا محمد و اصحابه أنا هوديكم المدينة  
بس من طريق جديد محدش يعرفه....  
مشيوا مع بعض الأربعة ...من طريق بعيد ماحدث يعرفه...  
لكن إيه اللي حصل ؟



و هما في الطريق شافهم واحد شرير....  
وطلع يجري بسرعة علي مكة عشان يقول للكفار....  
و كان فيه واحد من الكفار اسمه سراقه...  
أول لما سمع الخبر و عرف مكان سيدنا محمد...

راح بسرعة علي بيته ... و أخذ أسرع حصان عنده....  
و طلع يجري بسرعة عشان يلحق سيدنا محمد  
و ياخذ الجائزة من الكفار...  
سراقة خلي حصانه يجري بأسرع سرعة لغاية لما قرب لسيدنا محمد و سيدنا أبو  
بكر!!!...  
بس عارفين إيه اللي حصل ؟

أول لما سراقة قرب بحصانه من سيدنا محمد ..... حصانه راح واقع في الأرض  
.... ووقع سراقة من عليه!!!!  
سراقة قام بسرعة و ركب حصانه ثاني .... و خلاه يجري بسرعة ثاني....  
و أول لما قرب من سيدنا محمد ثاني ..... إيه اللي حصل ؟!  
وقع ثاني من علي حصانه تالاني...!!

ركب سراقه حصانه بسرعة و طلع يجري بأقصى سرعة ..... و أول لما قرب إيه  
اللي حصل؟؟

الحصان بتاع سراقه رجله غرزت و دخلت جوه الرمل .. و مبقاش قادر يتحرك!!!  
..سراقه خااااف .... و عرف إن سيدنا محمد نبي من عند ربنا

و عرف إن ربنا بيحفظ سيدنا محمد....

و عرف إنه مش هيقدر يمسك سيدنا محمد

و إن ربنا هيخلي سيدنا محمد ينتصر علي كل الأشرار و الكفار مهما كانوا أقويا



سراقه نده علي سيدنا محمد و قاله خلاص وقف أنا مش هقدر اجري وراك تاني  
ومش هسمع كلام الأشرار...



سيدنا محمد وقف....

و سراقه شد حصانه و ركب عليه

وراح لسيدنا محمد و قاله :الكفار الاشرار عاملين جايزة للي يعرف يمسكك...  
و أنا خلاص مش هساعد الكفار تاني...  
سراقة عرف إن سيدنا محمد نبي من عند ربنا  
و مش هيقول للكفار حاجة عن سيدنا محمد خلاص....  
و سيدنا محمد سامحه.



سيدنا محمد و سيدنا ابو بكركملوا الطريق.....  
و هما في الطريق شافوا خيمة.....  
وواقف عندها ست كبيره ....اسمها أم معبد...



راحوا عندها و سألوها : عندك لبن أو لحم نشترهم منك؟؟؟  
بس قالتهم أنا ما عنديش  
بس لقوا عندها شاه "معزة " ضعييفة و مش قادرة حتى تاكل ..... و قاعدة

جنب الخيمة...



سيدنا محمد سأل أم معبد : الشاه "المعزة " دي بتطلع لبن ؟  
قالت له : لأ دي ضعيفة اوي و مفيش فيها لبن  
سيدنا محمد سألها : طب ممكن أحلبها و أنزل منها لبن ؟  
فقالته : جرب بس دي ضعيفة و مهما بحلبها مش بتنزل حاجة...



سيدنا محمد طلب طبق كبير أوي .... و بدأ يحلب الشاه "المعزة"  
و نزلت لبن كتييييير أوي!!!  
.... و كل الناس شربت .... و خلصوا الطبق الكبير  
أم معبد واقفة مستغربة جدا....  
سيدنا محمد أخذ الطبق الفاضي و بدأ يحلب الشاه "المعزة " ثاني....  
و نزلت لبن كثير ثاني ... و الطبق الكبير أتملى لبن ثاني...

سيدنا محمد أخذ الطبق الكبير و إداه لأم معبد و قالها ده ليكي ...  
و مشى هو و أصحابه...



و أم معبد واقفة و مستغربة و مش مصدقة اللي حصل....  
إزاي الشاه "المعزة" الضعيفة بتاعتها اللي مش بتاكل خالص تنزل كل اللبن ده

....

فيه حاجة عجيبة!

أم معبد ما كنتش تعرف إن ده سيدنا محمد ...و إن ربنا بيساعده...  
و بيخلي فيه بركة و خير من عند ربنا في كل مكان بيكون سيدنا محمد فيه....  
بعد شوية جه جوز أم معبد و شاف الطبق الكبير اللي مليون لبن و استغرب  
وسألها إيه ده ؟

منين اللبن ده ؟ احنا الشاه بتاعتنا مش بتجيب لبن خالص....

فحككت له الحكاية....

جوزها قال :ايوة انا عرفت مين ده .... ده أكيد النبي اللي يقولوا عنه في مكة

...

أنا لو شوفته هسمع كلامه و هعمل كل الخير اللي يقولي عليه..

قصة سيدنا محمد  
بطريقة سهلة للأطفال  
way2Allah.com

سيدنا محمد و أصحابه كملوا طريقهم ... خلاص قربوا يوصلوا المدينة...  
وصلوا مكان اسمه قباااا... اسمه إيه ؟ قباااا...  
و بنوا مسجد .... اسمه مسجد إيه ؟؟؟ مسجد قباااا....

قصة سيدنا محمد  
بطريقة سهلة للأطفال  
way2Allah.com

و بعد كدهكملوا طريقهم  
لغــــــــــــــــــــــــــــــــــــــــااية لما وصلوا المدينة....  
و هناك كان كل المسلمين الطيبين مستنيين  
مستنيين سيدنا محمد...اللي بيعبوه أكثر حد في الدنيا....  
سيدنا محمد اللي ربنا اختاره عشان يعلم الدنيا كلها  
يعلمها الخير و الحق و الأعمال الطيبة....  
عشان يكونوا مؤمنين طيبين صالحين  
و ربنا يدخلهم الجنة



أخيسيسيسيرا أهل المدينة الطيبين شافوا سيدنا محمد....

جاي من بعيد....

بقوا فرحانين ..... فرحانييين أوي

و ندهوا علي بعض

و جريوا علي سيدنا محمد و اصحابه....



أخيرا ! أخيرا ! سيدنا محمد وصل المدينة

و كل واحد من المسلمين الطيبين بقه يشد الجمل بتاع سيدنا محمد عند بيته

عشان نفسه سيدنا محمد يجي و يعيش معاه

بس سيدنا محمد قاهم سيبوا الجمل و ربنا هيوقفها عند المكان اللي هعيش فيه...

فكلهم سمعوا كلام سيدنا محمد و بعدوا عن الجمل....

ففضلت .... ماشيه ... ماشية .... لغاية فيين ???



سبحان الله!!!

فضلت ماشية لغاية بيت أخوات مامة سيدنا محمد (يعني خيلانه)

يعني قرايب سيدنا محمد

و الجمل قعد في الأرض....

فعرفوا إن ده المكان.....

عند بيت أبو ايوب

أبو ايوب الأنصاري...

هو ده البيت اللي عاش فيه سيدنا محمد....

و جنب المكان ده بنا سيدنا محمد و المسلمين مسجد....مسجد الرسول عشان

كل المسلمين يصلوا فيه....

و كمان بنا بيت عشان يسكن فيه...

و سيدنا محمد عرف كل المسلمين إنهم إخوة....  
مسلمين من المدينة (الأنصار) أو مسلمين من مكة (المهاجرين) ... كلهم إخوة  
المسلمين من أي مكان .... إخوة....  
يخدوا بالهم من بعض  
و يساعدوا بعض و يحبوا بعض.  
فبقى كل واحد مسلم معاه حاجة يديها لأخوه اللي مش معاه...  
و كمان كان فيه يهود في المدينة.....  
سيدنا محمد قال لليهود إنهم في أمان طول ما هما مش بيؤذوا المسلمين.  
سيدنا محمد بيعلم الناس الأخلاق الطيبة اللي ربنا يحبها تكون فينا...  
اللهم صل و بارك على سيدنا محمد.



## الجزء 17

كان يا ماكان ....و ما يحلي الكلام إلا بذكر النبي عليه الصلاة و السلام  
وولادي حبايبي هيردوا طبعاً ....عليه الصلاة و السلام

أخيرا وصل سيدنا محمد للمدينة .... البلد الجميلة....  
و كمان كل المسلمين الطيبين  
اللي كانوا في مكة...  
سافروا للمدينة (هاجروا)...زي سيدنا محمد....  
فسماهم سيدنا محمد المهاجرين....

و طبعا فاكرين حبايي ...أهل المدينة المسلمين...  
كانوا فرحانين إزاي  
إن سيدنا محمد هيجي بلدهم المدينة...

و كمان المسلمين أخوتهم اللي في مكة هيجوا عندهم المدينة...  
و بقي كل واحد من أهل المدينة يساعد أخوه المسلم اللي جاي من مكة...  
فعشان كده سيدنا محمد سمي أهل المدينة الأنصار لأنهم نصروا الحق



أخيرا بقي المسلمون عايشين بأمان  
بعيد عن أذى الكفار الأشرار

بس يا تري كل اللي في المدينة مسلمين طيبين مؤمنين؟؟  
لأ...لأ!!



المدينة كان فيها اليهود و المنافقين  
مين دول؟؟  
اليهود كانوا ناس ربنا بعثلهم زماااااان نبى اسمه سيدنا موسى....



ينفع حد يقول الكلام ده ؟؟  
ربنا بس هو اللي يختار مين أحسن واحد يكون نبيه...  
و ربنا بس اللي يختار مين اللي يعلم الناس الحق مش هما اللي يختاروا  
ربنا أعلم منهم بكل شيء  
دول بقه اليهود!!!  
هما و المنافقين كانوا أشرار

أما بقي المنافقين  
فدول كانوا من اشر الناس  
قالوا تيجي نعمل نفسنا مسلمين ؟؟  
و كمان نصاحب المسلمين و نضحك عليهم و نعرف أسرارهم و نروح نقولها  
لليهود الأشرار  
وو نعمل نفسنا بنصلي  
قدام المسلمين

...لكن في الحقيقة مش بنصلي ولا إحنا مسلمين ولا حاجة  
دول يقة أوحش ناس ... و أوحش كمان من الكفار...  
و هيكونوا في أوحش مكان في النار



كده عرفنا مين اللي كان عايش في المدينة:  
المسلمين الطيبين مهاجرين و أنصار  
و كان معاهم شوية أشرار من اليهود و المنافقين  
و اللهم صل على سيدنا محمد



كان يا ما كان و ما يحلي الكلام إلا بذكر النبي عليه الصلاة و السلام...  
و أحلي ولاد .. هيردوا طبعاً علي طول .... و عليه الصلاة و السلام



المسلمين الطيبين سابوا الأشرار الكفار و راحو عاشوا في المدينة...  
بس سابوا في المدينة كل حاجتهم ... بيوتهم و فلوسهم و ذهبهم



طب يا تري الكفار الأشرار هيرجعوا للمسلمين حاجتهم؟؟؟

لأ طبعاً

عارفين عملوا إيه؟؟



أخذوا كل حاجة المسلمين و يوتهم و فلوسهم  
و بقوا فرحانين و قاعدين يقولوا ههههههه احنا خلينا المسلمين يروحوا المدينة و  
اخذنا حاجتهم و هنوزعها علينا...  
و كمان هنروح نشترى بفلوس المسلمين حاجات كتير لينا  
و هنعمل قaaaaافلة كبييرة...  
مليانة جمال كتير و نروح نشترى و نبيع و نكسب فلوس كتير كمان  
و هنفضل نضايق المسلمين و نحاربهم  
عشان محدش يسمع كلامهم

بس المسلمين قالوا احنا هنعمل خطة علي الكفار  
مش هنخليهم يعرفوا يشتروا و يبيعوا أي حاجة...  
هنعمل عليهم خطة و هناخد القافلة اللي فيها جمال شايلة فلوس و بضايح

و مش هنخليهم يعرفوا يشتروا ولا يبيعوا  
الكفار عرفوا إن المسلمين هيهجموا علي القافلة بتاعتهم  
فالقافله هربت في مكان بعيد...



قام الكفار جمعوا كل قوتهم ... و قالوا هنروح كلنا علي المدينة...  
و نحارب المسلمين  
كان عددهم كبيير جدا 1000  
كان كام واحد؟؟  
كانوا 1000 واحد من الكفار



سيدنا محمد في المدينة و معاه المسلمين

سيدنا محمد سألهم : رأيكم بعمل إيه ؟؟

وقف واحد مسلم ( سعد بن معاذ....).

...مسلم شجاع

و قال:

يا رسول الله احنا مسلمين المدينة

آمنا بك و صدقناك و هنسمع كلامك في كل أمر هتؤمرنا بيه

فاعمل امر ربنا و احنا هنكون معاك ... في كل أمر هتؤمرنا بيه

سيدنا محمد فرح من المسلمين و قوة إيمانهم و شجاعتهم....



سيدنا محمد عارف إن ربنا هينصر المسلمين ... لو قالوا كلمة الحق والكلام الصح

و بقوا شجعان و بقوا عارفين ان ربنا هيخليهم ينتصروا



المسلمين كان عددهم قليل أوي...بس ربنا هينصر المؤمنين ... حتي لو عددهم

قليل لأنهم يبدعوا ربنا كثير و ييحبوا ربنا

المسلمين كانوا كام ؟؟؟؟

كانوا 300 واحد

و معاهم حصانين بس!!!

...و جمال حابة صغيرين



طب يعملو ايه ؟؟... قالو كل شوية نبدل مع بعض ...شوية ناس تركب على

الجمال و شوية يمشوا و بعد كده نبدل مع بعض...

عشان ما نتعبش من المشي

بس سيدنا محمد نخليه راكب علطول

لكن سيدنا محمد قاهم لأ أنا همشي زيكم

عشان آخذ حسنات و ثواب عند ربنا

ووصلوا لمكان و اتجمعوا فيه عشان يستنوا الكفار الأشرار و يحاربوهم  
فقام واحد من المسلمين سأل سيدنا محمد:  
...هو ممكن نغير المكان اللي احنا هنحارب فيه ولا المكان ده ربنا أمرنا بيه؟  
فسيدنا محمد قالوا لأ ده مش أمر من ربنا ...ده ممكن نغيره  
فالمسلم الذكي قال خطة حلوة جدا  
قال : ...احنا هنا في مكان في الصحراء مفيش فيه مائه خالص إلا عند بئر بدر  
...  
...احنا نروح عند الماية و نشرب و ما نخليش الكفار يعرفوا يشربوا فيتعبوا من  
العطش

سيدنا محمد وافق علي فكرة .... و راح المسلمين عند بئر بدر

وقف المسلمين صف جنب بعض معاهم ... و كل واحد معاه سهم قوي ... و  
مجهزين أسهم كثير

ومستنيين الكفار .... عشان أول لما ييجوا يرموا عليهم السهام القوية...



سيدنا محمد وقف يدعي ربنا...

يا رب الكفار بيحاربوا الدين و بيحاربونا إحنا عشان مؤمنين .... يا رب انصرنا  
عليهم ... يا رب انصرنا عليهم...  
فضل يدعي ربنا كثير



وصل الكفار ... و هم مغرورين بقوتهم و عددهم الكبير  
طلع 3 من الكفار و قالوا : احنا أقوى 3 من الكفار .... فين الأقويا اللي عندكم

يا مسلمين ؟

سيدنا محمد خرج 3 من المسلمين:

سيدنا علي و سيدنا حمزة وسيدنا عبيدة

هجم ال 3 مسلمين الأقويا علي 3 كفار....

و ال 3 مسلمين ضربوا ال 3 كفار الأشرار و قتلوهم...



فهجم الفريقين علي بعض ... وقتل المسلمين كفار كثير

.... و عشان المسلمين يبدعوا ربنا و يسمعوا كلام سيدنا محمد و يطيعوه

ربنا خلاهم يكسبوا الكفار حتي لو كان عددهم صغير...



المسلمين كسبوا الكفار الأشرار....

و خاف بقيت الكفار و طلعوا يجرؤا على مكة و هما خايفين و خسرانين...

و المسلمين مسكوا شوية كفار (أسرى)

و خدوهم معاهم مكة....

و رجع سيدنا محمد و المسلمين لمكة و هما مبسوطين بنصر ربنا

اللهم صل على سيدنا محمد

~~~~~



الجزء 19

كان ياما كان و ما يجلي الكلام إلا بذكر النبي عليه الصلاة و السلام....
و بأعلي و أحلي صوت يرد ولادي ... عليه الصلاة و السلام ... يارب



سيدنا محمد و المسلمين كسبوا الكفار في معركة بدر ... لأن المسلمين دعوا ربنا

...

و عملوا خطة و حاربوا بكل قوتهم...
المسلمين كانوا حبة صغيرين
و الكفار كانوا كتيييير كثير...
بس ربنا خلى المسلمين يكسبوهم...
لأنهم يحبوا ربنا وسمعوا كلام النبي اللي ربنا اختاره.



الكفار طلعوا يجرؤوا علي مكة و هما متغاضين و مش عارفين يعملوا إيه!!!
إيه ده المسلمين كسبونا إزاي؟؟ ده إحنا كنا كثير أوي ! و أقويا أوي!!
أصل الكفار ما يعرفوش إن اللي يدعي ربنا و يسمع كلام سيدنا محمد...
ربنا يحبه و يخليه يكسب في كل حاجة...
و كمان لو مات يدخله الجنة اللي فيها كل حاجة بنحبها



الكفار بقوا هيتجننوا ... و قالوا احنا مش هنسكت !!!
الكفار جمعوا بعض ... و عملوا جيش كبيير أوي....
3000 واحد كافر شرير....
و جابوا السيوف و السهام
و الجمال و الأحصنة



... و قالوا يلا نروح علي المدينة....
عشان نحارب المسلمين الطيبين و نقتلهم....
مفيش فايدة مش راضيين يطلوا شرهم.



سيدنا محمد عرف ... عرف إن الكفار اتجمعوا تاني
و جاين عشان يؤذوا المسلمين و يقتلوهم...
سيدنا محمد جمع أصحابه المسلمين الشجعان الطيبين بسرعة...

و عرفهم إن الكفار الأشرار جاينين بجيش كبير للمدينة...
و سألهم رأيكم نطلع نحاربهم قبل لما يوصلوا المدينة؟؟ ولا نستني لغاية لما ييجوا
عندنا؟؟

المسلمين الشجعان الأقوياء... قالوا : لأ إحنا هنطلع نحاربهم و مش هنستني!
المسلمين الشجعان مش بيخافوا... لأنهم عارفين إنهم صح
و عارفين إن اللي يسمع كلام ربنا ما بيخفش و ربنا هيدخله الجنة
اللي فيه كل اللي بيحبه.



اتجمع المسلمين و عمله جيش فيه 700 واحد مسلم
و خرجوا بره المدينة مع سيدنا محمد عشان يقابلوا جيش الكفار
ووصلوا لغاية جبل.... اسمه جبل أحد.



ووقفوا عند الجبل...

سيدنا محمد بدأ ينظم المسلمين....
يعني يقول لكل واحد يعمل إيه
وكمان يقول لكل واحد من المسلمين يقف فين
سيدنا محمد قال لشوية مسلمين يطلعوا فوق الجبل
و معاهم سهالام كثير عشان يرموها علي الكفار الأشرار من فوق الجبل...



بس سيدنا محمد قاهم حاجة مهمة جدا...
قال للمسلمين اللي فوق الجبل ... أوعوا ..أوعوا تنزلوا من على الجبل إلا لما
أقولوكوا....



و بقيت المسلمين الشجعان معاهم السيوف ... مستنيين الكفار الأشرار و
مستعدين...
وصل جيش الكفار الأشرار!!

و هجموا علي المسلمين المسلمين الشجعان حاربوا بكل قوتهم
فضلوا بيتحاربوا مع بعض...
والمسلمين اللي فوق الجبل بقوا يرموا السهام علي الكفار الأشرار ...و ينشئوا
عليهم
...الكفار بقوا مش عارفين يعملوا ايه ... و السهم نازل عليهم زي المطر
و الكفار مش عارفين جاي منين!!!
كفار أشرار كثير اتقتلوا...
و الباقي خافوا من قوة المسلمين...
و طلّعوا يجرّوا...

بس عارفين ايه اللي حصل ...المسلمين اللي فوق الجبل...
فرحوا إن الكفار بيجرّوا و خايفين....

قام المسلمين اللي فوق الجبل نزلوا من على الجبل عشان يجمعوا أسلحة الكفار
و سابوا الجبل فاضي



یاااااااااااااااااه ایزای عملوا کده....

ده سيدنا محمد قاهم ايه؟؟؟

قالهم أهم حاجة ...أوعوا أوعوا تنزلوا من على الجبل إلا لما أقولوكوا تنزلوا...



عارفين ايه اللى حصل؟؟

أول لما الكفار لقوا المسلمين نزلوا من على الجبل...

رجعوا تاني بسرعة....

وهجموا على المسلمين ثاني

و طبعاً مفیش حد فوق الجبل بیحی المسلمین



اتجمع المسلمين الشجعان حولين سيدنا محمد و فضلول يحاربوا الكفار بالسيوف
القوية

...و سيدنا محمد بيحارب معاهم..
كل المسلمين حولين سيدنا محمد خايفين لحسن الكفار يؤذوه..
و بيحاربوا كلهم بأقصى قوتهم...
بس الكفار الأشرار المرة دي قتلوا مسلمين كثير...



فسيدنا محمد أخذ المسلمين اللي معاه و جريوا بسرعة بالأحصنة و راحوا ورا الجبل
...

قائد الكفار الأشرار طلع فوق جبل أحد و هو فرحان...
و قعد يقول : و قعد يقول كسبناكم كسبناكم في معركة جبل أحد زي ما كسبتونا
في معركة بدر....

بس واحد من المسلمين الشجعان رد عليه:
عمرکوا ما هتکسبوننا...
عشان احنا اللي يموت مننا في الحرب احنا المسلمين هيدخل الجنة....
لكن اللي هيموت منكم يا كفار هيدخل النار....
عمرکوا ما هتکسبوننا...

مشي الكفار و رجعوا مكة
و رجع المسلمين المدينة بس المرادي كانوا زعلانين
كانوا زعلانين إنهم ما سمعوش كلام سيدنا محمد...

بس اتعلموا أهم حاجة في حياتهم...
إن لو المسلمين عايزين يكسبوايبقى لازم يطيعوا سيدنا محمد
و يسمعوا كلامه في كل حاجة يقولها...

لو إحنا عايزين نبقى كسبانين في كل حاجة في حياتنا
يبقى لازم نسمع كلام سيدنا محمد في كل الحاجات اللي علمها لنا...
ولو احنا عايزين ندخل الجنة اللي فيها كل حاجة بنحبها
يبقى برضه لازم نسمع كلام سيدنا محمد في كل حاجة بيعلمها لنا

اللهم صل على سيدنا محمد



الجزء 20 ... غزوة الخندق

كان يا ما كان و ما يحلي الكلام إلا بذكر النبي عليه الصلاة و السلام
و طبعا يرد ولادي بسرعة... لأنهم ولاد ممتازين و يقولوا....
عليه الصلاة و السلام....



زي ما قولنا .. سيدنا محمد عليه الصلاة و السلام كان عايش في المدينة...
البلد الطيبة الجميلة..
و معاه المسلمين الصالحين الطيبين...
بس مين كمان عايش معاهم؟؟؟؟
اليهود...



سيدنا محمد عمل إيه مع اليهود ؟
سيدنا محمد اتفق مع اليهود اتفاق.
أنهم يعيشوا في سلام و أمان مع المسلمين..

و محدش يؤذي الثاني ولا يحاربه...
ولا حد يساعد الكفار الأشرار على شرهم
بس عارفين إيه اللي حصل ؟



يوم من الأيام ...شوية يهود ... عشرين واحد...
سافروا لمكة و راحوا للكفار الأشرار ... و قالوا لهم:
"إحنا اليهود اللي في المدينة ... إحنا حاسين إن المسلمين بقوا أقوى
و إحنا متغاضين منهم ...و إحنا جينا عندكم عشان نساعدكم يا كفار...
هنساعدكم عشان تحاربوا سيدنا محمد و المسلمين ...عشان نبقي إحنا الأقوي"
.....اليهود الكذابين خلفوا وعدهم ..كذبوا في اتفاقهم مع المسلمين
...قالوا إنهم هيعيشوا مع بعض في أمان وسلام..
بس راحوا في السر يساعدوا الكفار الأشرار....



الكفار طبعاً في مكة بقوا فرحانين أوي و فضلوا يجهزوا جيش قوي...
جيش مليون كفار ويهود....و كمان جابوا أسلحة كتير...
عشان يجمعوا كل قوتهم...
اليهود كمان قالوا :إحنا عندنا خطة !!....إحنا نروح بره مكة...
ونقول للناس اللي عايشين حولين مكة إن المسلمين أشرار..
و نخليهم ييجوا معانا في الجيش بتاعنا عشان نبقي قوة كبيرة جدا..
و نروح كلنا نحارب المسلمين....
اليهود و الكفارجمعوا كل الأشراراللي جوة مكة ...و اللي بره مكة ...
وعملوا جيش ضخمة...
فيه 10 آلاف واحد ...يااااااااااا 10 آلاف واحد
....رايين يحاربوا المسلمين في مدنتهم ... و يحاربوا سيدنا محمد عليه الصلاة و
السلام...
يا تري هيعرفوا ؟ طيب هيقدرُوا ؟؟



سيدنا محمد عليه الصلاة و السلام عرف فجمع أصحابه...
وخذ رأيهم ...فواحد من المسلمين...
اسمه "سلمان الفارسي.." "

قال لسيدنا محمد : أنا عندي خطة!
المدينة بتاعتنا حوليها جبال من كل ناحية إلا ناحية واحدة...
فالكفار الأشرار مش هيقدرُوا يدخلوا مدينتنا إلا من الناحية دي..
هو ده المكان الوحيد اللي يقدر الكفار يدخلوا منه...
هناك هنعمل خندقيعني حفرة ضخمة و طويييييلة...
يلاقىها الكفار و ما يعرفوش يعدوها أبدا....
و إحنا المسلمين نحرسها و اللي يحاول يعديها ... هيلاقينا إحنا المسلمين
بنحاربه بكل قوة و شجاعة...
فكرة جميلة جداو هتبقى مفاجأة لجيش الكفار...



بدأ سيدنا محمد(ص) و المسلمين يحفروا الخندق ...بكل قوتهم و جهدهم...
ومش بيرتاحوا ولا يناموا غير شوية صغيرين...
ومش بياكلوا إلا أقل أقل...
لغاية لما كل الأكل اللي معاهم خلص...
و تعبوا جدا...
بس فضلوا يحفروا بكل قوة وهما مستحملين كل التعب و الجوع
لأنهم عارفين إن ربنا شايفهم و عارف أد إيه تعبانين...

و مستحملين كل حاجة عشان يحافظوا على دين ربنا ... الإسلام...
و المسلمين عارفين أنهم لوتعبوا و عملوا كل جهدهم ربنا هينصرهم و يخليهم
يكسبوا الكفار.....



واحد من أصحاب سيدنا محمد كان عنده أكل حبة صغيرين...
شوية لحم و شعير....
طبخهم وراح وداهم لسيدنا محمد....
بس كان عارف إن الأكل حبة صغيرين....
ومش هيكفي كل المسلمين



سيدنا محمد خد الأكل و جمع كل المسلمين اللي بيحفروا
.... كانوا ألف واحد ...وزع عليهم الأكل ... واحد واحد...
فأكلوا كلهم و شبعوا...

و صاحب سيدنا محمد بقى مستغرب إزاي الأكل يكفي كل المسلمين...
فعرف إن ربنا بيخلي فيه بركة و خير مع الرسول..
و بيخلي الحاجة القليلة كثيرة...
عشان ربنا هو اللي اختاره... و ربنا هو اللي يساعدنا دائما...



المسلمين وهما بيكملوا حفر الخندق...لقوا صخرة قوية جدا جدا
...كأنه حطة حديدة
...و محدش قادر يكسرها....فقالوا لسيدنا محمد...
فسيدنا محمد أخذ منهم الفاس ... و قال : بسم الله...
و ضرب الصخرة ... اتكسرت منها حته...فقال :الله أكبر...
و ضرب تاني...فاتكسرت حطة كمان فقال :الله أكبر
و ضرب تالت مرة ... الصخرة اتحولت لفتافيتفقال :بسم الله..الله أكبر



وقدر المسلمين يحفروا الخندقوعملوا الحفرة الضخمة الطويلة....
سيدنا محمد قال للأطفال والستات يفضلوا جوة البيوت في المدينة و ما يخرجوش
... عشان يحميهم من الأشرار...

و ما حدش يؤذيهم
و الرجالة المسلمين الأقوياء هيقفوا عند الخندق يستنوا الكفار الأشرار....
ومش هينخلوا حد من الكفار يعرف يدخل المدينة.



جيش الكفار و اليهود الضخم وصل لغاية المدينة ...بصوا قدامهم لقوا الخندق
!!!

...يااااااه دي حفرة ضخمة جدا و طوييييلة جدا.... مش هيعرفوا يعدوها
أبدا!

.....فضل جيش الكفار الضخم واقف يفكر....
كل لما حد من الكفار يحاول يعدي الخندق...أو ينط بالحصان بتاعه..
يلاقي الجنود المسلمين الأقوياء الناحية الثانية بيضربوهم بالسهم...

فكر الكفار يعملوا طريق ..عشان يعدو الحفرة ... بس كل لما يحاولوا يقربوا...
يلاقوا المسلمين الأقوياء بيضربوهم بالسهم من الناحية الثانية

جيش الكفار الضخم مكنش راضي يمشي برضهو فضلوا قاعدين ...
مصممين يؤذوا المسلمين و يحاربوهم
عملوا خيام ... و قعدوا فيها مستنيين أي فرصه يهجموا فيها على المسلمين

....و كل لما يحاولوا يعدوا الحفرة يفشلوا....
المسلمين كانوا علطول واخذين بالهم...
عارفين جيش الكفار فضل قاعد قد إيه؟

شهر تخیلوا شهر کامل

المسلمين مش بيرجعوا بيوتهم ولا بيرتاحوا و قاعدين حولين الخندق...

..وواخذين باهم من كل حركة يعملها الكفار...

و فضلوا يدعوا ربنا (اللهم استر عوراتنا و آمن روعاتنا)



سیدنا محمد فضل يدعى ربنا إنه يهزم الكفار و ينصر المسلمين

"اللهم منزل الكتاب ..سريع الحساب ...اهزم الأحزاب... اللهم اهزمهم و زلهم

!!

عارفين إيه اللي حصل؟

ربنا بعث رياح....رياح قوية جدا جدا و قطعت خيامهم

.....وكتب أكلهم... وطيرت كل حاجتهم... و التراب ملي وشوشهم

الکفار حسوا إن الريح دي ربنا بعثها عشان تعذبهم...

ربنا خلى الكفار يحسوا بالذعر و الخوف.....

فهربوا بسرعة.... ورجعوا لمكة خائفين

رجع الجيش الضخم مهزوم و خاااااااايب.

شايفين يا ولادي ؟

اتجمع كل الأشرار الكفار مع اليهود ... الناس اللي جوة مكة والناس اللي برة
مكة...

كل القوة الشريرة اتجمعت وعملوا جيش ضخمة وقوي ... عشان يحاربوا دين ربنا
...الإسلام..

و يحاربوا الرسول والمسلمين بس مهما كانوا كثير ومهما كانوا أقوىاء هيقدرنا
يكسبوا؟؟

مش هيقدرنا يكسبوا..

عشان ربنا أقوى منهم و هيساعد المسلمين اللي بيطيعوا ربنا و بيحبوه و يعبدوه و
بيسمعوا كل أوامره.

ربنا هزم جيش الكفار الضخم ... و خلي قلوبهم تتملي بالرعب و يهربوا من
المسلمين من غير ما يحاربوهم
و نصر المسلمين لأنهم بيعبدوا ربنا و يصلوا لربنا و يدعوه عشان ينصرهم...

فرینا ہیٰ خلیہم یکسبوا و کمان یدخلہم جنتہ... برحمتہ
اللہم صل علی سیدنا محمد..



کان پاما کان

قصة سيدنا محمد
بطريقة سهلة للأطفال
way2Allah.com

رجع جيش الكفار الكبير الضخم لمكة....

رجع مهزوم و خايف...

الكفار و اليهود كانوا فاكرين إنهم لو عملوا جيش ضخمة و كبير... هيقدرؤا يهزمؤا
المؤمنين اللي بيعبدؤا ربنا....



بس ربنا شاف المؤمنين بيدعوه و بيعبدوه....
و بيعملؤا خططهم و أفكارهم... و جهزؤا كل قوتهم....
و تعبؤا و جاعؤا...
...وكل ده وهما ثابتين و مصممين إنهم يكسبؤا جيش الكفار....
فربنا بعث رياح قوية...
طيرت وكسر كل حاجة في جيش الكفار...
و ربنا خلا قلوبهم تتملي بالخوف والرعب....
و هربؤا بسرعة خايين و خسرانين...



و رجع المسلمين لمدينتهم فرحانين بنصر ربنا...
و رجعوا لبيوتهم ... و حطوا أسلحتهم ... و رجعوا شغلهم...



بس فيه حاجة مهمة لازم المسلمين ياخذوا بالهم منها...
فيه خطر رهيب مستنيهم عارفين إيه ؟؟..
اليهوووود....

اليهود اللي كانوا في المدينة ... و خانوا و كذبوا علي المسلمين و ضحكوا عليهم
...

وقالوهم إحنا أصحاب .. و هنعيش مع بعض في أمان وسلام....
و راحوا في السر .. يتفقوا مع الكفار عشان يقتلونا إحنا المسلمين...
ما ينفعش نسيبهم أبدا... لازم ياخذوا جزاءهم ... و يتعاقبوا علي خيانتهم.



سيدنا محمد عليه الصلاة و السلام رجع بيته ... و حط سلاحه..

وبعدين لقي سيدنا جبريل عليه السلام ظهر ليه...
و سألـه : يا رسول الله .. انت حطيت (وضعت) سلاحك خلاص؟
فسيدنا محمد قاله أيوه



فسيدنا جبريل قاله : ربنا بيخلي الملائكة تحارب و تساعد المؤمنين...
والملائكة اللي ربنا بعثها تحارب معاك في الخندق مش هترجع..
لأن ربنا أمرها تكمل حربحرب علي الخائنين الكذابين اليهود...
اليهود اللي خدعوا المسلمين ... الملائكة كلهم راحوا عند اليهود .. يهود بني
قريظة..
و هيملوا قلوبهم رعب و خوف من المسلمين ... فلازم كل المؤمنين يكونوا هناك.



سيدنا محمد عليه الصلاة و السلام جهز نفسه للحرب و خد سلاحه تاني ... و
قال لكل المؤمنين:

كل واحد يسمع كلام سيدنا محمد ويطيعه لازم يروح عند يهود بني قريظة فورا
ويصلي العصر هناك.

المسلمين الصالحين الشجعان نفذوا كلام سيدنا محمد و سمعوا كلامه فورا
... و خدوا أسلحتهم و راحوا عند يهود " بنو قريظة"



اليهود كانوا بيعيشوا جوة حصون...
عارفين يعني إيه حصون ؟



...يعني مبنى كبير و مقفول ... و ليه بوابات...
ما حدش يعرف يدخلها إلا لو اليهود فتحوا ليه البوابات...
المسلمين الشجعان اتجمعوا حوالين الحصن بتاع اليهود الخائنين...
و قالولهم إحنا مش هنمشي من هنا إلا لما نحاربكم و تاخدوا عقابكم علي
خيانتكم و كذبكم...

اليهود كان معاهم أسلحة كثير أوي أوي جوة الحصن...
بس ربنا بعت الملائكة...
ملت قلوب اليهود رعب وخوف من المسلمين...
و خلتهم مش قادرين يحاربوا المسلمين...
ولا قادرين يمسكوا أي سلاح
فضل المسلمين قاعدين حولين الحصن 25 يوم...
و اليهود مستخبين في الحصن و عارفين إنهم كدابين و خائنين و جزاءهم
يتقتلوا...
و مش قادرين ولا راضيين يحاربوا من كتر رعبهم

رئيس اليهود (كعب بن أسد) جمع اليهود في الحصن...
و قالهم : أنا عندي 3 أفكار ... أختاروا منها فكرة...



أول فكرة ... انتم عارفين و أنا عارف إن سيدنا محمد هو النبي اللي ربنا اختاره
عشان يعلم الناس الصح و الحق والعدل
...إيه رأيكوا نسمع كلامه ؟ .. و نطيعه و نطيع ربنا ... و نبقى مسلمين طيبين
؟؟



اليهود قلوبهم مليانة عناد و متكبرين ...ردوا عليه و قالوله : لأ..لأ.. إحنا هنفضل
يهود .. وإحنا عارفين إنه النبي بس مش هنسمع كلامه أبدا..
قلوبهم زي الحجر و مليانه عناد و تكبر ...حتى لو عارفين الصح و الخير ..برضه
مش بيرضوا يعملوه....

رئيس اليهود (كعب بن أسد) قالهم : طب هقولكوا تاني فكرة
إيه رأيكم نروح نقتل ولادنا ؟ و زوجاتنا ؟؟؟!!
أيوة!! إحنا نروح نقتل ولادنا و أمهاتهم ! ... و بعدين نروح نحارب المسلمين و
إحنا عارفين إن معدتش عندنا أهل نخاف عليهم
....فنحارب بكل قوتنا و إحنا مش خايفين على أهلنا بعد ما قتلناهم بنفسنا؟؟
رئيس اليهود(كعب ابن أسد) من كتر الرعب بقى يقول أفكار مجنونة!!

اليهود ردوا عليه : طب إيه ذنب أهلنا نموتهم ؟...
و لو كسبنا المسلمين هيبقي معندناش أهل كده ؟

رئيس اليهود (كعب ابن أسد) قالهم:

خلاص هقولكوا تالت فكرة ... بكرة يوم السبت...

يوم السبت عندنا إحنا اليهود أجازة و مش بنحارب فيه...

و المسلمين عارفين إن إحنا اليهود مش بنحارب يوم السبت...

إيه رأيكوا نفاجيء المسلمين و نهجم عليهم يوم السبت ???

اليهود ...اللي ربنا ملأ قلوبهم رعب قالوله : لأ... لأ

مش هنحارب السبت...

.....



اليهود كان عندهم كل حاجة ...أسلحة كثير ... و أكل كثير...

و كان ممكن يحاربوا المسلمين بسهولة....

بس ربنا خلا قلوبهم مليانة رعب و جبن...

و قالوا خلاص إحنا مش هنحارب....

و فضلوا مستنيين عقاب المسلمين ليهم

و عرفوا إنه هيكون أشد عقاب

.....

شوية من المسلمين قالوا لسيدنا محمد : خلىنا نحكم إحنا عليهم..
سيدنا محمد قاهم : اللي هيحكم على اليهود واحد منكم...
واحد مسلم اتجرح في المعركة... اتجرح بسبب خيانة اليهود و غدرهم...
اللي هيحكم عليهم هو سعد ابن معاذ
المسلمين قالوا إحنا موافقين....

.....

جه سعد ابن معاذ و هو مش قادر يمشي...
لأن رجله فيها جرح كبيير بسبب سهم ضربوه عليه الكفار في المعركة....
شوية مسلمين قالوله : احكم عليهم حكم خفيف يا سعد...
بس سعد ابن معاذ رد عليهم و قال : أنا هحكم عليهم بالحق و العدل...
هحكم بالحكم اللي يرضي ربنا...
فالمسلمين قالوا : إحنا موافقين

سيدنا سعد ابن معاذ قال : كل يهودي خان وكذب وساعد على قتل المسلمين
لازم يقتل ... لكن الستات و الأطفال اليهود لأ مش هنقتلهم .. بس هنخليهم
يشغلوا و يساعدوا المسلمين.

سيدنا محمد عليه الصلاة والسلام قال لسعد ابن معاذ : إنت حكمت بالحق و
العدل وده العقاب اللي ربنا أمرنا نعاقبهم بيه ... ده العقاب اللي يستاهله كل
خاين و قاتل.

اليهود فتحوا بنفسهم باب الحصن...
المسلمين دخلوا الحصن بتاع اليهود...
لقوا حاجة فظيعة!!!
لقوا اليهود مجمعين كل أنواع الأسلحة....
أسلحة كتير جدا جدا جدا...
سيوووووف ...ودروووووع....
و سهاااام و حاجات كتير مجهزها...

مجهزتها عشان يهجموا علي أمهات و أطفال المسلمين لما يكون الرجالة المسلمين
مشغولين في الحرب مع الجيش الضخم عند الخندق
بس ربنا هو اللي ملي قلوبهم رعب و خلاهم مش قادرين يحاربوا
رغم كل الأسلحة الكتيير اللي معاهم
المسلمين جمعوا اليهود الخائنين و قتلوهم...
و ارتاحوا من شرهم و مكرهم و خيانتهم و كذبهم
و الحمد لله ربنا أنقذ المسلمين من شر اليهود و غدرهم..
و رجع المسلمين يعيشوا في مدينتهم في سلاالم



أولادي حبايبي
اليهود اتفقوا مع المسلمين علي الأمان .. و أنهم يعيشوا مع بعض في سلام...
والمسلمين عمرهم ما أذوا اليهود...
بس اليهود الخائنين ...ضحكوا على المسلمين و فضلوا يجمعوا كل أنواع الأسلحة
في السر
واتفقوا مع الكفار علي قتل كل المسلمين...
بس الحمد لله خططتهم فشلتو المسلمين عاقبوهم العقاب اللي يستهلوه
...

و ده جزاء خيانتهم و غدرهم بالمسلمين



و دلوقتي يا ولادياليهود المجرمين رجعوا تاني...
في فلسطين....

يأذوا المسلمين و يقتلوهم
...و ياخدوا بيوتهم و أرضهم...
و كمان مساجدهم

رجعوا لخطتهم الشريرة ... و مكروهم وغدرهم
بس إحنا المسلمين هنرجع إن شاء الله أقوىاء...

وهنعمل كل جهدنا وقوتنا ...وهندعي ربنا
و هنبقي صالحين و مؤمنين و أقوىاء و بندعي ربنا و بنستعمل عقلنا
عشان نطردهم من أرضنا ... و يرجع الأمن و الأمان للمسلمين بإذن الله
اللهم صل على سيدنا محمد



الجزء 22

صلح الحديبية

كان يا ما كان وما يحلي الكلام إلا بذكر النبي عليه الصلاة و السلام....
وطبعا ولادي الممتازين هيردوا بسرعة ... و بأعلي صوت ... و عليه الصلاة و
السلام...



سيدنا محمد عليه الصلاة و السلام و المسلمين الطيبين الشجعان
عايشين في المدينة في سلام و إيمان..
يعبدوا ربنا و يصلوا و يصوموا و يتعلموا القرآن ... و يشكروا ربنا علي نعمه
الكثيرة...



و كل الكفار الأشرار عرفوا إن المسلمين أقويا أوي و شجعان
و مش يخافوا من أي حد ولا اي حاجة ... و يحبوا ربنا ويبدعوه

عشان كده دايما المسلمين بيكسبوا...
فالأشرار بقوا بيخافوا يضايقوا المسلمين..
لما حسوا بقوة المسلمين و شجاعتهم....



في يوم من الأيام سيدنا محمد عليه الصلاة و السلام كان نائم...
و هو نائم شاف حلم (رؤية...)
وأي حلم (رؤية) كان سيدنا محمد بيحلم بيه كانت لازم يحصل في الحقيقة...
و كل الأنبياء اللي ربنا بيختارهم كده..
بيخلي كل أحلامهم تبقي حقيقية و تحصل فعلا...



سيدنا محمد حلم (رأى) ايه؟؟
"حلم إنه راح مكة ... عند الكعبة ... و أخذ مفتاح الكعبة...
و كان معاه المسلمين الصالحين الطيبين وعملوا عمرة و طافوا حوالين الكعبة
...من غير ما حد من الكفار الأشرار اللي في مكة يضايقوهم...
و بعدين شوية مسلمين حلقوا شعرهم و شوية تانيين قصروا بس شعرهم"

سيدنا محمد قال لأصحابه على الحلم ده ... فالمسلمين بقوا فرحانين أوي...
لأنهم عرفوا إن ده أكيد هيحصل...
و إنهم هيدخلوا مكة اللي فيها الأشرار و هيعملوا عمرة و هما مش خايفين من
حد....

سيدنا محمد و أصحابه المسلمين جهزوا أنفسهم عشان يروحوا مكة
...عشان يعملوا العمرة و أخذوا معاهم " الهدي "
عارفين يعني إيه " الهدي " ؟
يعني ياخدوا حيوان من اللي ممكن يتاكل.. زي البقرة او الخروف أو الجمل..
عشان بعد العمرة يدبحوه و ياكلوا منه و يوزعوا لحمه كتير على الناس الفقيرة....

و كان ييحتوا في رقبة الحيوان ده طوق جميل (قلادة...)
الطوق الجميل ده عشان كل الناس تبقي عارفة
إن الحيوان ده لحمته هيتوزع علي الغلابة و المحتاجين بعد العمرة
...فمحدث ياخده و لا يؤذيه لأن ده هناكل بيه المحتاجين عشان ربنا يحبنا...



المسلمين أخذوا الهدى ..". يعني الحيوانات اللي هيزعوا اللحمه بتاعتها علي الفقرا
بعد لما يعملوا عمرة.... "

و فضلوا ماشيين ماشيين طريق طوييل من مدينتهم الجميلة لغاية مكة
و فرحانين إنهم هيشوفوا الكعبة و هيعملوا عمرة و يوزعوا أكل على الفقراء...



الكفار الأشرار عرفوا إن المسلمين جاين مكة قاموا عملوا إيه ؟؟؟
قالوا إحنا هنطلع نحارب المسلمين ... و نؤذيههم....
راح الكفار الأشرار لبسوا جلود النمر ... و أخذوا أسلحتهم...
و طلوعوا بسرعة عشان يلحقوا المسلمين قبل ما يوصلوا لمكة....

سيدنا محمد عرف إن الكفار جايبين يحاربوهم...
بس سيدنا محمد والمسلمين عايزين يعملوا عمرة ... و مش جاين يحاربوا....
...فسيدنا محمد أخذ المسلمين الصالحين و مشيوا من طريق تاني بعيد..
طريق كله حجارة و طوب....
لغاية لما وصلوا لمكان اسمه "الحديبية"
اسمه إيه؟؟؟.....الحديبية
و قعدوا يرتاحوا هناك
بس المسلمين كانوا تعبوا أوي من كتر المشي
وبقوا عطشانين و مفيش أي مائة حتى بير الماية فاضي....
فراحوا قالوا لسيدنا محمد ... إحنا عطشانين و مش لاقين مائة نشرب
...فسيدنا محمد خرج سهم كان معاه...
و قال لواحد من المسلمين خذ السهم ده و حُطه في البير.....
فسمع كلام سيدنا محمد عليه الصلاة و السلام...
و غرس السهم جوه البير فانفجرت مائة كثير و ملت البير...
و شرب المسلمين ... وكمان شربوا الحيوانات اللي معاهم " الهدي اللي جايبينه"
...ربنا دائما يساعد المسلمين و يساعد سيدنا محمد عليه الصلاة والسلام....
و بيخلي فيه بركة و خير تفرح المسلمين و تظمن قلوبهم...

الكفار بعتوا واحد كافر منهم ... عند المسلمين في الحديبية...
عشان عايزين يعرفوا المسلمين جاين ليه.....
راح الراجل الكافر فلقى المسلمين معاهم "الهدى" ... حيواناتهم اللي هيوزعوها
بعد العمرة على الغلابة....
فعرف إن المسلمين طبعاً مش جاين يحاربوا ولا معاهم أسلحة و مش معاهم
غير الحيوانات.
و سيدنا محمد قاله كمان : إحنا مش جاين نحارب ... إحنا جاين نعمل عمرة
.....
و لو صمتم علي الشر و الحرب ... هتخلونا نحاربكم.....

رجع الراجل عند الكفار و قالهم...
المسلمين مش جاين لحرب دول عايزين يدخلوا مكة عشان يعملوا عمرة....
بس الكفار الأشرار مش راضيين يصدقوا و عايزين يأذوا المسلمين...

فبعثوا خمسين شاب من الكفار عشان يستخبوا و يتجسسوا على المسلمين عند
الحديبية

...بس المسلمين مسكوهم!

وودوهم عند سيدنا محمد بس سيدنا محمد سامحهم و عفا عنهم...

و برضه الكفار مصممين يحاربوا المسلمين بالعافية و مش راضيين يدخلوهم مكة

...

وقاعدین يقولوا لو دخلنا المسلمين مكة كل الناس هيفتكرونا ضعفاء و مش قادرين
نحارب المسلمين....

فسيدنا محمد بعث ليهم سيدنا "عثمان ابن عفان.... "

عشان يقنع الكفار و يفهمهم إن المسلمين مش جاين للحرب

إنما جايين لمكة عشان يعبدوا ربنا و يعملوا عمرة لربنا ... و كمان عشان يفهمهم
الإسلام....



سيدنا عثمان ابن عفان راح للكفار في مكة ... و قاهم كل حاجة....
الكفار قالوله خلاص إحنا موافقين إنك إنت بس اللي تروح وتطوف عند الكعبة
!!!

سيدنا عثمان ابن عفان قاهم : طبعاً لأ .. طبعاً لأ .. أنا مش هروح عند الكعبة إلا
مع سيدنا محمد و مع إخواني المسلمين المؤمنين...
فالكفار اتغاضوا وأخذوا سيدنا عثمان ابن عفان ... وحبسوه عندهمو
مرضوش يرجعوه عند المسلمين....



المسلمين حسوا إن سيدنا عثمان ابن عفان اتأخر فافتكروا إنه أكيد الكفار قتلوه
...

فسيدنا محمد عليه الصلاة و السلام...
قال خلاص مش هنمشي إلا لما ناخذ حقنا منهم.....

فسيدينا محمد قعد تحت شجرة

و قال مين يباعني و يتفق معايا على إنا نواجه الكفار حتي لو موتنا...
المسلمين مش هيسيبيوا حق أخوهم عثمان ابن عفان أبدا...



كل المسلمين الصالحين الشجعان اتجمعوا حوالين سيدنا محمد...
و كل واحد منهم حط إيده في إيد سيدنا محمد و عاهدوه إنهم هيواجهوا الكفار
و يحاربوهم بكل شجاعة حتي لو هيموتوا.
ربنا شايف المسلمين و شجاعتهم و طاعتهم...
ربنا راضي عنهم و عن قلوبهم الشجاعة المؤمنة....



الكفار حسوا إنهم اتسرعوا و انهم غلطوا لما حبسوا سيدنا عثمان بن عفان
...فرجعوا بسرعه سيدنا عثمان ابن عفان....

و بعثوا واحد كافر منهم

...عشان يتصالح مع المسلمين و يتفق معاهم على اتفاق
.....اتفاق على الصلح بين المسلمين و الكفار و سموه صلح الحديبية...

على اسم المكان اللي قعد فيه سيدنا محمد و المسلمين....



الراجل اللي من الكفار قال لسيدنا محمد و المسلمين...
انا جاي اتفق معاكم إنكم تعملوا عمرة بس بلاش المرة دي...
عشان لو انتم يا مسلمين دخلتم مكة المرة دي و عملتم العمرة..
كده الناس كلها هتضحك علينا إحنا الكفار و هيقولوا إن إحنا ضعفاء و
سييناكم تدخلوا عشان مش عارفين نحاربكم....
انا هتفق معاكم إنكم تيجوا السنة الجاية تعملوا عمرة...
و تدخلوا مكة في سلام وأمان و محدش مننا إحنا الكفار يضايقكم و لا يؤذيكم
...



سيدنا محمد وافق على الشرط....
وكم ان اتفقوا إن الكفار و المسلمين مش هيحاربوا بعض لمدة 10 سنين... الناس
تعيش في أمان...
بس الراجل من الكفار قال أنا كمان عندي شرط... لو أي حد مننا إحنا الكفار

بقى طيب و مسلم ... و راح عندكم المدينة من غير إذننا ما توافقوش يعيش

معاكم .. و رجعوه عندنا!!!

ياااه شرط صعب أوي ... بس المسلمين وافقوا

و قالوا مش مشكلة .. ممكن أي حد يبقى مسلم في السر ومن غير ما ييجي عندنا
المدينة و يفضل في مكة...



بس بقوا زعلانين و قلوبهم فيها حزن...

لأنهم كان نفسهم يروحوا عند الكعبة و يطوفوا و يعملوا عمرة و يصلوا و يذكروا ربنا

سيدنا محمد قاهم هنرجع خلاص للمدينة..

سيدنا محمد قام و دبح "الهدي" بتاعه ... و حلق شعره ... و المسلمين عملوا

زي سيدنا محمد حلقوا شعرهم

و دبحوا "الهدي" بتاعهم ووزعوا لحمها

.... ورجع المسلمين مع سيدنا محمد و معاهم عثمان ابن عفان للمدينة ... البلد

الطيب الجميل.....



و بعد لما عدت سنة....

رجع المسلمين و سيدنا محمد لمكة حسب الاتفاق...

و دخلوا مكة في سلام و أمان عشان يعملوا العمرة...

و كانت قلوبهم مليانة فرحة و سعادة و هما بيصلوا و يطوفوا عند الكعبة....و
ماحدث من الكفار بيضايقهم ولا يؤذيهم في مكة عشان ده الاتفاق ... اللي
عملوه عند الحديبية...صلح الحديبية ... و زي ما سيدنا محمد عليه الصلاة
والسلام ما شاف في الحلم (الرؤية) المسلمين عملوا عمرتهم من غير ما حد يقدر
يضايقهم و عبدوا ربنا و صلوا في سلام و أمان.
....و رجعوا المدينة تاني مبسوطين بنعمة ربنا.

اللهم صل على سيدنا محمد



الجزء 23

عزوة خيبر

كان يا ما كان و ما يحلي الكلام إلا بذكر النبي

عليه الصلاة و السلام....

ولادي حبايي...سمعاهم يقولوا بصوتهم الجميل عليه الصلاة و السلام....



سيدنا محمد عليه الصلاة والسلام...رجع للمدينة .. و معاه المسلمين المؤمنين
الطيبين

.....رجعوا بعد لما عملوا اتفاق الصلح..... مع الكفار في مكة...



بس بعد لما رجع المسلمين للمدينةعرفوا خبر جديد....

خبر مش حلو أبدا اليهود ..أيوة اليهود تاني

..بس المرادي اليهود اللي عايشين في مكان اسمه خيبر....

يهود خيبر بيجمعوا الكفار برضه ... كفار من بلد اسمها غطفان...

وأشار "خيبر و غطفان" بيجمعوا اسلحتهم عشان هيهجموا علي المسلمين ... و
يقتلوهمة....



سیدنا محمد أخذ المؤمنین الشجعان بسرعة ... و اتحركوا فوراً...
و أخذوا أسلحتهم و أحصنتهم و جمأهم و راحوا عند یهود خیبر...
قصة سیدنا محمد بطریقة سهلة خااااااااالص للأطفال من سن 3 سنين و طالع"



أول لما سيدنا محمد و المسلمين قربوا يوصلوا عند يهود خيبر....
سيدنا محمد وقف كل جيش المسلمينو فضل يدعي ربنا...
يدعي ربنا بالنصر و الخير للمسلمين ... و بيدعي ربنا كمان يمنع شر اليهود عن
المسلمين...



الوقت كان ليل...
فسيدنا محمد قال للمسلمين...
هنستني لغاية الصبح ... عشان ما نفجأش أعداءنا...
و منهجمش عليهم و هم مش عارفين إننا جاين للحرب...
ممكن نعمل خدع و إحنا بنحارب...

بس ما نغدرش و نهجم علي أعداءنا وهم مش مستعدين للحرب
وفيه ستات و أطفال وشيوخ نايمين في أمان ما نهجمش عليهم فجأه حتي لوك انوا
أعداءنا



سيدنا محمد أحسن واحد في الدنيا .. حتي و هو ييحارب أعداءه
...بيعاملهم برحمة...

و مش راضي المسلمين يهجموا إلا لما يدوا أعداءهم إنذار..
ما يهجموش أبدا بغدر علي ناس نايمين حتي لو أعداء ... ياااااااااااا...
سيدنا محمد فعلا أعظم إنسان في الدنيا حتي في معاملته لأعداءه....



المسلمين استنوا لغاية الصبح....
الصبح .. يهود خبير صحبوا... و خرجوا راحوا لشغلهم و زرعاتهم....
قاموا شافوا مبييييين ؟



شافوا جيش المسلمين ..قلوبهم مليانة جبن..
قاموا جريوا بسرعة علي الحصون بتاعتهم و قفلوا البوابات الضخمة....
طبعا اليهود عايشين زي ما قلنا في حصون كيبسيبييرة....
يعني مباني ضخمة و ليها بوابات كيبسيبييرة و مقفولة....



اليهود عرفوا إن المسلمين جايين يحاربوهم جزاء على مكرهم...
و جزاء علي جمعهم للكفار .. كفار غطفان و اتفاقهم مع بعض على حرب
المسلمين....



سيدنا محمد و المسلمين الشجعان...
 اتجمعوا حوالين الحصن حصن يهود خيبر...
 عشان يمنعوا أي حد من الأشرار يدخل أو يخرج....

بس الكفار الأشرار من غطفان عرفوا...
عرفوا إن المسلمين راحوا يحاربوا يهود خيبر...
فقالوا لازم نروح نساعد يهود خيبر ... دول كفار و اشرار زينا...

كفار غطفان أخذوا أسلحتهم و راحوا عشان يحاربوا المسلمين...
بس و هما في الطريق ماشيين ... قعدوا يفكروا في جيش المسلمين...
فحسوا إنهم خافين و مرعوبين من قوة المسلمين و شجاعتهم ... ربنا ملئ قلوبهم
ذعر و خوف
.... فرجعوا بسرعة من غير ما يحاربوا .. و قالوا لأ المسلمين أقويا أوي مش هنقدر
نحاربهم....

سيدنا محمد و المسلمين متجمعين حوالين حصون اليهود و اليهود استعدوا
لحرب ... و جهزوا أسلحتهم....

المسلمين هجموا بكل قوة على أول حصن في خير... ..
و عرفوا يدخلوه و حاربوا اليهود ... و اليهود الجبناء استخبوا في الحصن الثاني...
المسلمين هجموا علي الحصن الثاني و دخلوه برضه و حاربوا اليهود اللي فيه...
و كسبوهم....

و كل لما اليهود يستخبوا في حصن ... المسلمين برضه يعرفوا يدخلوه و يحاربوهم
.... و يكسبوهم....



لغاية لما اتبقي شوية حصون ... حصون مقفولة بأبواب جامدة .. و أسوارها عالية
... المسلمين مش قادرين يفتحوهم ولا يكسبوا اليهود....
فضل المسلمين متجمعين حولين الحصون القوية و محاصرينها ... بس مش عارفين
يدخلوها....

حصون عالية و أبوابها قوية جدا...



سيدنا محمد قال للمسلمين ... بكره هدي الراية "العلم" لواحد من المسلمين...
واحد من المسلمين يحب ربنا و يحب الرسول..
و هو هيبقي القائد اللي هيقدر يفتح الحصون القوية... و ربنا هيخليه يكسب و
ينتصر.
كل المسلمين ناموا بليل و كل واحد قاعد يقول لنفسه... يا رب أكون أنا ... يا
رب أكون أنا...



الصبح جه... و سيدنا محمد قال القائد اللي هديله العلم... هو..... "سيدنا علي
ابن طالب... "
ياااااه.... "سيدنا علي" هو اللي سيدنا محمد اختاره عشان ييبقي القائد و يفتح
الحصون القوية و يكسب اليهود.....
بس سيدنا علي كان عينه تعبانة و بتوجعه...
سيدنا محمد حط إيده عليها و دعا ربنا إنه يشفيها.... فخفت وبقت كويسة و
كل الوجع راح...



سيدنا محمد قال "لسيدنا علي ... "
خذ العلم "الراية" و أدخل حصن اليهود و ربنا هينصرك عليهم...
وقبل ما تحاربهم فهمهم الإسلام...دين ربنا...
سيدنا "علي" أخذ العلم " الرايه " من سيدنا محمد قدام كل المسلمين....
و راح عند الحصن و ثبت العلم في الأرض



...و بدأت المعركةسيدنا علي مسلم قوي جدا جدا جدا و شجاع ما
يخافش..
.و يحب ربنا و يحب الرسول...
سيدنا علي قدر أنه يدخل جوه الحصن القوي و عمل زي ما سيدنا محمد قاله
.....
كلمهم الأول عن الإسلام و فهمهم.... بس يهود خبير ما رضوش يسمعوا
الكلام...
و لقاءهم عايزين الحرب و مجهزين أنفسهم
فسيدنا علي طلع سيفه و بدأ يحاربهم بكل قوة و شجاعة...



بس سيدنا "علي" و هو يبحارب ... جه واحد من اليهود و قام موقع الدرع من

إيد سيدنا علي ...ياااااااااااه

"سيدنا علي" ما بقاش معاه حاجه يدافع بيها عن نفسه من ضربات اليهود

و سيوفهم...

فأخذ باب ضخمة كان واقع على الأرض ...باب الحصن و شاله بإيد واحدة

و استعمله بدل الدرع

...و ما حدش من اليهود بقى عارف يضربه ..لأنه يحمي نفسه بالباب الضخم

و بيضربهم بسيفه بالإيد الثانية.....



اليهود اترعبوا من قوته ... و استخبوا بسرعة في آخر حصونهم.....

أخيرا سيدنا علي قدر يخرجهم من الحصن القوي و يكسبهم زي ما سيدنا محمد

عليه الصلاة و سلام قاله...



بس لسه اليهود مستخبين في آخر اااااااا آخر حصن...

المسلمين فضلوا حوالين الحصن ... لغاية لما اليهود الاشرار استسلموا
اليهود قالوا لسيدنا محمد خلاص سيينا نخرج ... وبنوعدك هنروح نعيش بعيد
....ومش هنؤذي المسلمين ثاني...
سيدنا محمد سمحلهم ... و خرجوا و سابوا حصونهم و كل حاجتهم...



اليهود رجعوا و قالوا لسيدنا محمد طب خيلنا قاعدين في الأرض نزرعها ليكم يا
مسلمين


و تاخذوا النص و احنا النص من الحاجات اللي هنزرعها...
فسيدنا محمد وافق بس عرفهم إنهم لو عملوا أي شر أو مكر هيعاقبهم...

و فرح المسلمين بنصر ربنا ليهم ... و حمدوا ربنا إن خلصهم من مكر اليهود و
شرهم و خبثهم



أولادي حبابي ... لازم أفكركم ثاني إن دلوقتي اليهود رجعوا مرة ثانية...
في فلسطين ياخذوا بيوت المسلمين بالقوة و يسرقوا أراضيهم و يقتلوا أطفالهم

اللهم صل على سيدنا محمد....



ولادي الحلوين المتميزين سامعة صوتكم الجميل

و انتم بتقولوا:

عليه الصلاة والسلام



زي مانتوا عارفين يا ولادي

سيدنا محمد عليه الصلاة و السلام ... ربنا اختاره...

عشان يكون هو النبي اللي يعلم الناس كل الخير و كل الأعمال الطيبه...

و يعرفهم دين ربنا و يعرفهم إزاي يعبدوا ربنا و يطيعوه.... عشان الدنيا تتملي

خير وعدل و أمان...



في يوم من الأيام سيدنا محمد أختار واحد من المسلمين المؤمنين ... اسمه "الحارث

بن عمير " ... اختاره عشان بيعته للروم ... مين هم الروم ???

الروم هم بلد كده زي أوروبا وأمريكا دلوقتي بلد قوية جدا ... و مملكة كبيرة

جدا جدا...



سيدنا محمد بعث "الحارث" للروم عشان يوصلهم رسالة ... رسالة تفهمهم إن فيه دين اسمه الإسلام ... دين رحمة و عدل و خير ... دين بنحب فيه ربنا و نتعلم كل الأعمال الطيبة و الأخلاق الجميلة.



"الحارث" أخذ الرسالة من سيدنا محمد عليه الصلاة و السلام ... و سافر بيها للروم ... و أول لما وصل عند بلد اسمها "مؤتة.." " قابل هنااك راجل اسمه "شرحبيل"



و "شرحبيل" كان راجل كافر....
"شرحبيل" سأل "الحارث" : أنت جاي ليه و عايز ايه؟؟
"الحارث" قاله : أنا معايا رسالة من سيدنا محمد عليه الصلاة و السلام ... وجاي عشان أديها للملك ... ملك الروم...

"شرحيل " الكافر قاله : آااااه انت بقه جاي برسالة من محمد عشان تعلموا
الناس الإسلام؟؟ أنا هقبض عليك وهموتك..



"شرحيل " الكافر نده الكفار اللي في بلده و مسكوا "الحارث" و قتلوه....
ياااااه ... ايه الشر و القسوة و الوحشية دي....



بس استنوا يا أولاد ... ده دم المسلم غاااالي اوي...
و ما ينفعش أبدا المسلمين يسيبوا حق أخوهم....
ده الكفار قتلوه بقصد....

ومن غير ذنب و مكنش رايع يحاربهم..
رايع بس و معاه رساله من سيدنا محمد عشان يوصلها للروم
...يعني مسالم و معهوش أي سلاح يدافع بيه عن نفسه...



كل المسلمين عارفين إنهم زي الجسم الواحد...
ما ينفعش حته من الجسم ده تتأذي...

من غير ما الجسم كله يتوجع و يتأثر



سيدنا محمد عليه الصلاة والسلام عرف الخبر...

عرف إن الروم قتلوا "الحارث" المسلم بدون ذنب.

وكمان المسلمين عرفوا....

مستحيل يسكتوا...

لازم نتحرك فورا ... لازم نرجع حقه....

ولاظم الكل يعرف إن المسلم دمه غالي علي أخواته...

وماحدث هيرضي من المسلمين إن واحد منهم يتأذي و يسكتوا من غير ما يرجعوا حقه...



لازم نخلي الروم يجرموا يعملوا شرورهم مع المسلمين

و لازم يعرف الروم إن أي إجرام أو شر في حق مسلم مسالم مش هيعدي بسلام

...

سيدنا محمد و المسلمين حزنوا عشان أخوهم " الحارث "
و جهزوا جيش...
جيش كله جنود مسلمين مؤمنين شجعان عشان يخوفوا بيه الروم و يادبوهم
...
و يعرفوهم إن قتل المسلم مش هيعدي من غير حساب عسير.

بس سيدنا محمد عمل حاجة مهمة ... سيدنا محمد اختار 3 ... 3 مسلمين
شجعان و أقويا و قلوبهم بتحب ربنا و بتحب سيدنا محمد .. وقالهم إيه؟
قالهم إن...
"زيد بن حارثة " أول واحد منكم هيكون قائد الجيش .. و لوقته الروم الكفار و
بقى شهيد في الجنة...
تاني واحد هيبقي قائد الجيش هو "جعفر بن أبي طالب " ... و لو قتله الكفار و
بقى شهيد في الجنة...
تالت واحد هيكون قائد الجيش هو "عبد الله ابن رواحة " ... و لو قتله الكفار و
بقى شهيد في الجنة ساعتها يتجمع جيش المسلمين يتفقوا على واحد رابع

يختاروه و يبقى هو قائد الجيش....



ال 3 المسلمين الأبطال فهموا كلام سيدنا محمد
وأول قائد فيهم "زيد بن حارثة" اتحرك من المدينة بالجيش... جيش المسلمين كان
فيه 3000 جندي... وفضلوا ماشيين عشان يوصلوا للروم....



بس ملك الروم كان مجهز أكبر جيش ممكن ... جيش متكون من 200 ألف
جندي.... ياااااااااا دول أكثر من المسلمين بكتييييييير... و كمان جمعوا كل
الكفار و الأشرار اللي عايشين جنب الروم ... جيش ضخمة جدا.... جدا...



المسلمين شافوا من بعيد العدد الضخم الرهيب بتاع جيش الكفار ... جيش عدده
كبير زي موج البحر

فوقفوا يفكروا ... يا تري نعمل إيه ؟ ... طب نبعت واحد مننا لسيدنا محمد و
نقوله بيعتلنا جنود أكثر ؟؟ و أسلحة أكثر ؟؟؟



بس قائد مؤمن شجاع "عبد الله بن رواحة... "
وقف و قال للمسلمين...
أنتم خايفين من إيه ؟؟؟...
خايفين من ان احنا نموت شهداء و ندخل الجنة اللي فيه كل اللي نتمناه ؟؟؟
احنا حتى لو الكفار قتلونا هنبقى برضه كسبانين و فرحانين في الجنة....
واحنا مش بنحارب بقوتنا ولا عددنا ... احنا ربنا بيساعدنا عشان احنا مؤمنين و
بنحب ربنا و بنعبده
... احنا بنحارب بقوة ربنا لينا ... قوموا حاربوا الكفار بقوة و إيمان...
و يا إما تكسبوهم في الدنيا ... يا إما تكونوا شهداء في أحسن مكان عند ربنا في
الجنة
.... كده كده احنا كسبانين
كل المسلمين قالوا الكلام ده صح و صدق....



و انطلق الجيش المسلم المؤمن الشجاع
و هجموا علي جيش الروم الضخم الرهييب ... و تحركت الأحصنة و ملت الجو
غبار...

و المسلمين يكبروا... يقولوا ...الله أكبرالله أكبر....
وصوت السيوف عالي في كل مكان



و حصل زي ما قال سيدنا محمد عليه الصلاة و السلام.
أول قائد "زيد بن حارثة " كان يبحارب بشجاعة
وبيدخل جوة جيش الروم و هو ماسك علم المسلمين
...لغاية واحد من الروم ما قتله و بقي شهيد في الجنة بإذن الله



و بسرعة ثاني قائد سيدنا "جعفر ابن أبي طالب " أخذ العلم منه..
و نزل من على حصانه
و حارب بكل قوته الجنود الروم و قتل فيهم وكسبهم...

بس واحد من الروم قطع دراعه اللي شايل العلم....
سيدنا جعفر ... بسرعة مسك العلم بإيده الثانية السليمة...
فهجم عليه واحد تاني من الروم و قطع دراعه الثاني....
سيدنا جعفر المؤمن الشجاع ضم علم المسلمين و حطه في صدره و حضنة باللي
فاضل من دراعه
....الروم مش مصدقين شجاعته...
فهجموا عليه و قتلوه.....



سيدنا جعفر بقي شهيد في الجنة...
وكم ان سيدنا محمد قالنا ربنا رجعه سليم وكم ان أعطاه أجنحة يطير بيها في الجنة
جزاء على بطولته و شجاعته ... ده سيدنا جعفر



و أخذ العلم تالت قائد مسلم شجاع "عبد الله ابن رواحة... "
و فضل يحارب لغاية لما بقي شهيد ... في الجنة بإذن الله...

طب دلوقتي مين يبقى قائد الجيش؟؟؟
المسلمين عملوا زي ما سيدنا محمد قالهم اختاروا واحد منهم...
اختاروا خالد ابن الوليد من أشجع المسلمين و أقواهم...

خالد ابن الوليد فضل يفكر عدد جيش الروم ضخمة جدا جدا...
و لو فضلنا نحاربهم هيخلصوا على كل المسلمين اللي عددهم صغير لازم
نعمل خطة...

الليل جه و الدنيا ضلمت....
و جيش الروم راح يرتاح من الحرب...
بس خالد ابن الوليد قال لأ مش هنرتاح... احنا هنفكر و نخط لبكرة...
لازم بكرة نرعب الروم و نعمل خطة ذكية....

خالد ابن الوليد قال للمسلمين احنا هنغير ترتيب الجيش...
هنخلي الجنود اللي في اليمين يبقوا مكان الشمال و الجنود اللي ورا تطلع قدام
....



الصبح أول لما الروم شافوا جيش المسلمين لقوا ناس أشكالها جديدة
...غير اللي كانوا يبحاربوها إمبراح...
و اتلخبطوا و قالوا أأأأأه دول جنود تانية غير اللي كنا بنحاربهم إمبراح...!!!
ليكون النبي محمد بعتلهم جنود كمان جديدة!!!..
دوووول جنود جديدة هيحاربونا و هما مش تعبانين!!



و كمان خالد ابن الوليد خلى جنود مسلمين تقف بعبييد عن المعركة ورا
..و تعمل تراب و غفار برجل الأحصنة....
فالروم خافوا و قالوا إحنا شايفين تراب زي ما يكون فيه أحصنة بتجري من بعيد
و جاية جنود يساعدوا المسلمين
...ده المسلمين عددهم بيزيد كل شوية!!!

طبعا ده مش حقيقي ...دي خدعة عملها المسلمين الأذكاء الأبطال...



الروم حسوا إن المسلمين بيجهزهم فخ
و بقوا خايفين و فاكرين إن جيش المسلمين زاد و بقى كبير و فيه جنود جديدة
كتيرة عمالة بتيجي
شوية شوية الكفار تعبوا من الحرب ... و بقوا خايفين و حاسين إن المسلمين
بيجهزوا خطة....
فوقفوا الحرب و مشيوا....



و فرح المسلمين ان الروم أقوى جيش على الأرض ساعتها بقوا مغلوبين...
فرح المسلمين بنصر ربنا....
و رجع جيش المسلمين للمدينة....



بس قبل ما يرجع الجيش سيدنا محمد كان عارف كل اللي حصل...
الملاك سيدنا جبريل عليه السلام قاله كل حاجة كأنه شايفهم....
فسيدنا محمد دخل المسجد و جمع كل المسلمين اللي مكنوش في الحرب



و قاهم كل حاجة حصلت في الحرب قبل ما يرجع الجيش..
قاهم إن القادة ال3 بقوا شهداء و كمان قاهم إن المسلمين اختاروا "خالد بن
الوليد " أنه يكون القائد...
و إن خالد ابن الوليد هيكون سيف من سيوف الله....
يعني إيه ؟ ...يعني ربنا هيديله قوة من عند ربنا ينتصر بيها على أعداء الدين...
و كمان سيدنا محمد قال لأهل جعفر ...اطمنوا...
جعفر في الجنة فرحان بنعمة ربنا عليه وربنا جعل ليه أجنحة جزاء على اللي
عمله.



و رجع الجيش المسلم سعيد بنصر ربنا...

و عرف الروم الكفار إن المسلمين مش هيسكتوا على أي شر أو ظلم بعد كده

...

و كمان عرفوا أنهم حاجة إن المسلم دمه غالي أوي...

و أي حد لازم يفكر ألف مرة قبل ما يؤذي مسلم من غير ذنب.

اللهم صل على سيدنا محمد



نكمل على بركة الله

الجزء 25 .. فتح مكة



كان ياما كان ... و ما يحلي الكلام إلا بذكر النبي.....

عليه الصلاة و السلام.....

أحسنتم يا أولادي ... ممتازين....

عشان دايما عارفين إن كل لما تسمعوا اسم النبي

تقولوا عليه الصلاة والسلام

أنتم عارفين إن ربنا اختار سيدنا محمد عليه الصلاة والسلام عشان يعلم الدنيا
الإسلام...

يعلمهم دين ربنا و إزاي يعبدوا ربنا...
ويعلمهم أحسن الأخلاق و أطيب الأعمال..
اللي تملي الدنيا خير و صلاح..

طب إزاي سيدنا محمد يخلي الدنيا والبلاد البعيدة كلها تعرف عن الإسلام؟؟؟

سيدنا محمد بعث مسلمين شجعان...
يسافروا للبلاد البعيدة و معاهم رسائل.....
عشان يوصلوها لملوك البلاد و يعرفوهم يعني إيه إسلام...
و يعرفوهم إن كل الناس لازم تعبد ربنا بس و يدعوا ربنا بس...
و ربنا هو بس اللي يقدر يعمل لنا كل حاجة حلوة عاوزناها...
وربنا بس هو اللي يقدر يمنع عنا أي شر....

سيدنا محمد بعث رسايل للملوك... ملوك الأرض...
بعث رسايل لملك الحبشة... و ملك فارس... و ملك مصر... و ملك الروم
كل ملك يفضل يسأل عن سيدنا محمد...
و يسأل عن صفاته وأخلاقه...
و يسأل عن الإسلام دين ربنا..
لغاية لما كل ملك عرف إن سيدنا محمد عليه الصلاة والسلام هو فعلا النبي اللي
ربنا أختاره...

فيه ملوك أول لما عرفوا كل حاجة عن سيدنا محمد بقوا ملوك مؤمنين طيبين
...و بقوا مسلمين... دول بإذن الله في الجنة
و فيه ملوك تانية قالت لأ إحنا ملوك و حتي لو هو النبي إحنا مش هنسمع كلامه
عشان إحنا ملوك!
طبعا المغرور بمملكته و قوته و متكبر إنه يسمع كلام النبي مكانه بإذن الله في النار
...عشان مفيش متكبر هيدخل جنة ربنا.

و زي مانتم عارفين يا أولاد ... سيدنا محمد عمل إيه مع الكفار في مكة ؟
عمل معاهم اتفاق صلح ... صلح الحديبية...
يعني مفيش حد يحارب الثاني و لا يؤذيه...
بس كفار مكة بقه عملوا إيه؟؟.. ما نفذوش الاتفاق...
عارفين الكفار عملوا إيه؟

الكفار بقوا في السر ييعتوا أسلحة و رجالة أقويا لأي حد عايز يحارب المسلمين
الكفار ساعدوا الأشرار ... و قتلوا 20 واحد من غير ذنب...
الكفار خانوا العهد و مانفذوش الاتفاق و بيساعدوا أي حد بيكره المسلمين...
مفيش فائدة في قلوبهم اللي مليانة شر للمسلمين...

أهل الناس اللي اتقتلوا ... راحوا استنجدوا بسيدنا محمد

وقالوله انقذنا من شر الكفار .. دول قتلوا ولادنا و بيساعدوا الأشرار
سيدنا محمد عرف إن الكفار خانوا الاتفاق....
سيدنا محمد أخذ قرار ... قرار بتجهيز جيش يدخل مكة عند الكفار...



الكفار في مكة عرفوا إنهم عملوا غلط و أنهم عملوا عمل سيء جدا
الكفار في مكة خافوا... خافوا إن المسلمين يلغوا اتفاق الصلح...
و بسرعة الكفار قعدوا يفكروا في حل...
فقالوا أحسن حل نبعث واحد من الكفار عندنا...
بس مش أي واحد ... دول اختاروا يبعثوا رئيسهم..
رئيسهم "أبو سفيان " رئيس الكفار
عشان يطلب من سيدنا محمد إن اتفاق الصلح يفضل موجود



سافر أبو سفيان من مكة للمدينة...
و راح لسيدنا محمد....
بس سيدنا محمد ما رضيش يكلمه ... ولا يرد عليه....



فراح أبو سفيان لسيدنا "أبو بكر" صاحب سيدنا محمد...
و قاله : أطلب من سيدنا محمد إن الاتفاق يفضل وقت زيادة كمان
بس سيدنا أبو بكر قاله : لا مش هعمل كده...



فراح "أبو سفيان" لسيدنا "عمر بن الخطاب" صاحب سيدنا محمد...
و قاله كلملي سيدنا محمد عشان يفضل الاتفاق وقت زيادة كمان
سيدنا "عمر بن الخطاب" برضه ما رضيش
و قال لأبو سفيان : أنا مش هقول الكلام ده لسيدنا محمد .. انا أصلا عاوز
أحارب الكفار.



فراح أبو سفيان لسيدنا "علي" صاحب سيدنا محمد .. و قاله كلملي سيدنا محمد

..

سيدنا "علي" قاله :ماحدث هيقدر يكلم سيدنا محمد في الموضوع ده..
أبوسفيان رجع مكة ...و هو عارف إنهم خانوا الاتفاق .. و المسلمين مش
هيسامحوهم..



سيدنا محمد و المسلمين بدؤوا يجهزوا جيش ...جيش من أضخم الجيوش
عشان دي أهم معركة ده الجيش ده هيروح للكفار جوة مكة...
بس لازم كل التجهيزات تبقى في السر...
عشان مش عايزين حد من كفار مكة يعرفوا إن المسلمين جاين عشان ما
يجمعوش الأشرار..

سيدنا محمد دعا ربنا إن الكفار ما يعرفوش أبدا



سيدنا محمد قال لكل المسلمين إنهم هيروحوا بالجيش على مكة
بس لازم يبقى في السر و ماحدث يعرف الكفار في مكة...

بس فيه واحد من المسلمين اسمه "حاطب" عمل غلطة ... غلطة كبيرة
"حاطب" كتب رسالة ...

قال فيها إن المسلمين مجهزين جيش و رايجين على مكة ...
و إدى الرسالة لواحدة ست وقالها وصلوها للكفار في مكة!

بس طبعا سيدنا محمد عرف ... سيدنا جبريل عليه السلام قاله عشان ينتبه ...
بسرعة سيدنا محمد بعث إثنين مسلمين ... "علي" و "الزبير" ...
وقالهم امنعوا الست اللي معاها الرسالة ...
و هاتوا منها الرسالة ...

راحوا بسرعة الاثنين .. "علي" و "الزبير" .. وراها و هي لسة في الطريق ..
و قالوها هاتي الرسالة اللي معاكي ...

الست قالت أنا مش معايا اي رسالة..
فالنتين المسلمين "علي" و "الزبير" قالوها...
إحنا سيدنا محمد قالنا إنك معاكي رسالة.... و إحنا متأكدين من كلام سيدنا
محمد لأنه نبي...
و لومش هطلعيها هنقتلك بسيوفنا...
فالست طبعا خافت ... و طلعت الرسالة ... وكانت مخيياها جوة شعرها....



فالنتين المسلمين أخذوا الرسالة بسرعة ورجعوها لسيدنا محمد
سيدنا محمد نده "حاطب" ... و سألته : ليه عملت كده ؟
ليه تعرف الكفار في مكة إننا رايجين مكة ؟؟



رد حاطب و قال :يا رسول الله ..أنا مؤمن طيب.. ومش كافر ...بس أنا عملت
كده..

عشان أنا سايب أهلي وولادي في مكة...
و خفت لحسن الكفار يؤذوا أهلي لو هجمننا على مكة..

ففكرت إني أعمل كده عشان الكفار ما يؤذوش أهلي...
سيدنا محمد عليه الصلاة و السلام سامح حاطب و عفا عنه....
وبكدة ما حدش من الكفار في مكة بقى عارف إن جيش المسلمين رايحلهم.



جيش المسلمين كان ضخمة جدا... ..
جيش المسلمين كانوا 10 آلاف واحد...
عشان ناس كتير دخلوا في الإسلام و بقوا مسلمين طيبين



جيش المسلمين وصل قرب مكة بليل ... و الجيش وقف ...ليه ؟
عشان يدخلوها الصبح و الناس صاحيين ... و ما يفزعوش الناس بليل



أبو سفيان زعيم الكفار ... شاف جيش المسلمين بليل ... و الجيش مستني بره

مكة.

إيه جيش المسلمين ده.... ده ضخم جدا و قوي جدا...
أبو سفيان بقى خايف من قوة المسلمين...
مين هيشوفه ؟ ... "العباس" ... "العباس" عم سيدنا محمد...
"العباس" قال ل"أبو سفيان" تعالى ... تعالى أنا هخذك عند سيدنا محمد عشان
تكلمه و يسامحك..
"أبو سفيان" راح مع "العباس" لسيدنا محمد....
"أبو سفيان" اتكلم مع سيدنا محمد و لقي سيدنا محمد بيكلمه كلام جميل
وطيب
و قاله ليه يا أبو سفيان " ما تبقاش مسلم ... و تعبد ربنا بس و تسيب الأصنام
اللي مش هتنفعك ولا تضرك ولا ليها أي لازمة
أبو سفيان لقي سيدنا محمد قلبه مليان رحمة و طيبة و عايز يعلمه الإسلام اللي فيه
كل الخير...
أبو سفيان زعيم الكفار قال " أشهد أن لا إله إلا الله و أشهد أن محمدا رسول الله
" و بقى مسلم كده خلاص..



أول لما الصبح جه ... أبو سفيان اللي بقه مسلم خلاص وقف عند مدخل مكة

فوق مكان عالي...

يتفرج على جيش المسلمين وهما داخلين مكة

جنووووود كتييييييييير ... و كل مجموعة شايلة أعلامها ... و أحصنة كثيرة...

كلهم داخلين مكة ... وهما في منتهى القوة و الشجاعة ... طابور طوييييل

....مش يخلص...



و أبو سفيان متعجب و يسأل : كل دول جيش المسلمين؟ كل دووول جنود

مسلمين أقويا و شجعان ؟

لغاية لما دخل مكة آخر مجموعة من الجنود راكبين أحصنتهم و شايلين أعلام

خضرة جميلة...

أبو سفيان سأل مين دول؟؟

قالوله ... دول المجموعة اللي معاهم سيدنا محمد عليه الصلاة و السلام..

أبو سفيان فضل واقف يتفرج و هو مبهور من ترتيب الجيش و نظامه و قوته و

عدده الكبير

أبو سفيان راح للكفار في مكة...

و جمعهم وقالهم ما حدش يحارب المسلمين....

دول أقويا جدا وما حدش هيقدر منكم يكسبهم

سيدنا محمد أخيببيرا دخل بلده مكة البلد اللي بيعبها أكثر مكان على الأرض

مكة اللي فيها كعبة ربنا ... مكة اللي طرده منها الكفار ... و مشي منها رغم إنه بيعبها جدا

طب يا تري سيدنا محمد هيعمل إيه مع الكفار؟؟
الكفار اللي عذبوا المسلمين كل أنواع العذاب و حاربوهم بكل الطرق .. ؟
يا تري المسلمين لما يدخلوا مكة بجيشهم القوي ده هيعملوا إيه في الكفار؟؟؟

سيدنا محمد وقف جوة مكة و اتجمع حوله الكفار....
سيدنا محمد وقف يكلمهم و سألمهم : تتوقعوا إني أعمل معاكم ايه جزاء ليكم؟

رد عليه أهل مكة الكفار : والله إحننا ما نعرفش عنك إلا إنك كريم و أخلاقك
كريمة

سيدنا محمد قاهم : أنا عفيت عنكم و سامحتكم...

قاهم كل واحد هيدخل بيته هيبقى في أمان ...و كل واحد هيروح عند الكعبة
هيبقى في أمان

و كل واحد هيدخل بيت أبو سفيان اللي بقه مسلم خلاص هيبقى في أمان...

سيدنا محمد سمى اليوم ده يوم الرحمة ...لأنه كان يوم كله رحمة رغم قوة المسلمين.



ياااااه رغم قوتك و قوة جيشك و قوة جنودك يا رسول الله ؟

رغم إنك تقدر تنتقم من الكفار دلوقتي بكل سهولة ؟

لكن اخترت العفو و الرحمة...

كل أخلاق سيدنا محمد تعلمنا نبقى أحسن و نبقى ازاي أقوى و في نفس الوقت

عندنا رحمة تملئ قلوبنا



كفار كثير لما شافوا أخلاق سيدنا محمد و معاملته الطيبة ليهم رغم شرهم...
بقوا عايزين ييقوا مسلمين ... و ييقوا مؤمنين طيبين ... و يتعلموا الإسلام والأخلاق
الطيبة



أخيرا رجع سيدنا محمد مكة... .
و رغم قوته و انتصاره على كفار مكة...
إلا إنه دخلها و هو موطي راسه و متواضع لنصر ربنا ... و مدخلش قلبه أي
غرور...

سيدنا محمد دخل مكة ... و هو يقول آيات القرآن:
إذا جاء نصر الله و الفتح ... ورأيت الناس يدخلون في دين الله أفواجا ... فسبح
بحمد ربك و استغفره إنه كان توابا...



و فضل سيدنا محمد يسبح بحمد ربنا ... و يستغفره و يتوب إليه
و حمد المسلمين ربنا علي نصره و فتحه لمكة و رحمته بيهم.

اللهم صل على سيدنا محمد و على آله و صحبه



نكمل على بركة الله
الجزء 26 : غزوة حنين



كان ياما كان و ما يحلي الكلام
إلا بذكر النبي عليه الصلاة و السلام...
ولادي حبايبي...



أخيراً... الحمد لله ... رجع سيدنا محمد عليه الصلاة و السلام ... لمكة...

و رجع المؤمنین الطیبین .. لمكة ... البلد اللى بیحبها سیدنا محمد و بیحبها کل مؤمن...



و فی مكة...

ناس کثیر لما شافت أخلاق المسلمین الطیبة...
دخلوا فی الإسلام ناس کتیییییر کثیر أوی دخلوا الإسلام.



بس فیہ بلد جنب مكة اسمها هوازن ... بلد کفار....
کفار هوازن ... قالوا إیه ده إزاي یحصل کده ؟؟ إزاي أهل مكة یبقوا مسلمین
طیبین !؟
إزاي المسلمین ینتصروا علی الکفار و یدخلوا مكة بالسهولة دي ؟؟؟!! و من غیر
حرب ؟؟
و کمان ینشروا الإسلام و یعلموه للناس کلها؟..

إحنا هنهجم على المسلمين و نحاربهم و مش هنخليهم يعلموا حد الحق ولا الخير
...!



فضل كفار هوازن يجهزوا جيشهم اللي هيحاربوا بيه المسلمين...

سيدنا محمد عرف...

عرف إن كفار هوازن يجهزوا جيش..

فعمل إيه ؟



سيدنا محمد بعث واحد من المسلمين ... واحد شجاع و ذكي
و قاله أدخل هوازن وشوف هما بيعملوا إيه ... و بيخططوا لإيه.

المسلم الشجاع اتنكر ... و راح عند الكفار في بلدهم هوازن..
و فضل عايش وسطهم يومين ..و ما حدش عرف إنه مسلم
...و شافهم بيعملوا ايه...
شافهم بيجهزوا جيش كبير و أسلحة يحاربوا بيها المسلمين..
و بعد يومين رجع المسلم الشجاع و معاه كل المعلومات
و قال لسيدنا محمد عليه الصلاة والسلام إن كفار هوازن بينظموا جيش كبير
عشان يهجموا على المسلمين في مكة.

سيدنا محمد جمع جيش المسلمين عشان يتصرفوا بسرعة
و ما يستنوش أما الكفار يهجموا عليهم....
جيش المسلمين كان 10 آلاف واحد جيش ضخمة جدا
...و كمان فيه 2000 واحد كانوا كفار و بقوا مسلمين
...و هيجاربوا مع جيش المسلمين....
يعني الجيش بقي 12 ألف واحد!!

ده عدد ضخيم جدا فعلا...
جيش المسلمين شكله قوي و رهيب و ضخيم جدا...



واحد من المسلمين بص لجيش المسلمين و قال:
لن نغلب اليوم من قلة....
يعني ما حدش هيقدر يغلبنا أبدا و احنا كتير كده و أقوى كده...
و الكفار حابة صغيرين..هنكسبهم بسهولة..



طب ينفع يا ولاد نغتر بقوتنا؟؟ أو عددنا؟؟
ينفع ننسي ان ربنا هو اللي بينصرنا ؟
ينفع نفتكر إن احنا بنكسب بس بقوتنا ؟ وقلوبنا ما تبقاش فاكدة ربنا ؟

جيش المسلمين بدأ يتحرك من مكة ... و في الطريق ... الليل جه...
فجيش المسلمين وقف عشان يرتاحوا و يجهزوا أنفسهم للحرب...
فدخل الجيش وادي ... اسمه وادي حنين....
عشان يقعدوا فيه و يرتاحوا فيه و ياكلوا ... و ينظموا أنفسهم و يخططوا
للحرب..

بس حصلت مفاجأة...
وادي حنين ...طلع مليون كفار ... كفار هوازنبس مستخبيين في كل مكان
....

فوق الجبال و في الطرق و في المخابئ..
مستنيين المسلمين بكل أنواع الأسلحة...
و فجأة أول لما دخل المسلمين الوادي...
لقوا هجوم بالطوب الضخم و السهام و أسلحة كثير بتترمي عليهم من كل اتجاه
...

و هجم كفار هوازن علي جيش المسلمين فجأة .. و جيش المسلمين لسه مش
جاهز للحرب ..



جيش المسلمين اتفاجئ... و حصلت فوضى بين الجنود....
و فيه جنود جريوا لورا بعيد عن مكان الضرب عشان اتفاجؤا...
ومبقاش فاضل في وادي حنين
إلا سيدنا محمد و شوية مسلمين قلوبهم مليانة إيمان و نفوسهم مليانة شجاعة ..
ما تحركوش من مكان المعركة....
سيدنا محمد عارف إنه ربنا هينصر الإسلام و المسلمين...
ده وعد من ربنا ... و حتى لو كسب الكفار شوية...
في الآخر المسلمين لازم يكسبوا لو هما بيعملوا اللي عليهم..



سيدنا محمد عليه الصلاة و السلام ... رفع إيده ... وفضل يدعي ربنا ... يدعي

ربنا بالنصر اللي ربنا وعد المسلمين بيه.



و بعدها سيدنا محمد نده بأعلى صوت على الجنود المسلمين
عشان يتجمعوا و ما يخافوش...

الجنود المسلمين الصالحين بعد لما هديوا من صدمة المفاجأة ... و سمعوا النداء من
سيدنا محمد عليه الصلاة و السلام
اتجمعوا مع بعض بسرعة ... وردوا على سيدنا محمد : لبيك ... لبيك
يعني هنطيعك فوراً....



واتجمع المسلمين الشجعان مع بعض ... و نظموا صفوفهم ... و هجموا على
كفار هوازن بكل شجاعة وقوة ... و كان سيدنا محمد عليه الصلاة والسلام في
أول صف ييحارب معاهم ..وقدامهم كلهم ... جيش المسلمين فضل يتقدم ...

و فريق الكفار.. كفار هوازن يرجعوا لورا...لغاية لما هربوا من المعركة...
والمسلمين انتصروا عليهم و أخذوا كل الأسلحة و الأحصنة و الجمال اللي سابها
الكفار في المعركة و هربوا...



وانتصر المسلمين نصر كبير....

بس هزيمتهم في أول المعركة ... علمتهم أهم درس...

أهم درس لازم يتعلمه كل المسلمين

إوعوا يا مسلمين تتغروا بقوتكم...

أوعوا يا مسلمين تتغروا بعددكم الكبير...

النصر بييجي من عند ربنا...

بييجي للمسلمين الصالحين الطيبين

اللي بيعملوا اللي عليهم...

فلازم نتعلق بالدعاء ونطلب من ربنا بس النصر

و ما نفتكرش أبدا أن قوتنا هي لوحدها اللي بتكسبنا

فالمسلمين عليهم يجهزوا كل قوتهم و يخططوا بكل ذكاء

لكن لازم قلوبهم تبقي عارفة إن ربنا بس هو اللي هيقدر ينصرهم ... و ربنا بس

هو اللي هيقدر يهزم أعداءهم

الكفار ممكن ينتصروا ؟

أيوة ممكن يكسبوا طبعاً...

بس مش هيقدرُوا يكسبوا مسلمين متعلقين بدعاء ربنا

ويعنفُوا كل أوامره و قلوبهم مليانة بحب دينهم.

اللهم صل على سيدنا محمد



نواصل على بركة الله

الجزء 27.. غزوة تبوك ... (الصادق هو الفائز)



كان ياما كان و مايجلي الكلام

إلا بذكر النبي محمد عليه الصلاة و السلام..

و أولادي اللي بيعبوا سيدنا محمد أكثر واحد في الدنيا كلها..

لأنه يعلمهم كل الخير و يعرفهم إزاي يكونوا في أحسن مكان ... جنة ربنا
هيقولوا بأحلى صوت:
اللهم صل على سيدنا محمد



يوم من الأيام في المدينة....
سيدنا محمد كان يجهز جيش من الجنود المسلمين...
عشان هيجاربوا الروم الروم الكفار...
الروم كانوا أقوى جيوش الأرض ساعتها....



سيدنا محمد قال لكل الناس في المدينة تستعد..
عشان هيروحوا يجاربوا الروم

الجو كان صيف و حر جدا جدا...
و كان فيه ناس فقيرة و عيشتها صعبة
و مستنين زرعهم يطلع ثمر جميل في الصيف
فيكلوه و يفرحوا...

طب مين هيسمع كلام سيدنا محمد ؟
و يروح يجاهد و يحارب الروم الكفار في الحر ده و العيشة الصعبة دي؟؟

الناس اللي قلوبها ما فيهاش إيمان و مليانة نفاق..
و عاملين أنفسهم مسلمين و هما أصلا منافقين...

مش مسلمين ولا حاجة...
فضلوا يقولوا... لأ الجو حر أوي.
..مش هنقدر نحارب في الحر ده..
إحنا عايزين نقعد في بيتنا في الضل نرتاح
و ناكل و نشرب و خلاص...
و فضلوا يشجعوا بعض علي إنهم يقعدوا
و ما يحاربوش في الحر..
و ما سمعوش كلام سيدنا محمد...
و راح المنافقين لسيدنا محمد و قالوله
معلش إحنا عندنا ظروف و أعذار
مش هنقدر نحارب..
عاوزين ناخذ إذن منك إننا ما نجاهدش
و نقعد في المدينة .. عشان ظروفنا
(طبعاً بيكذبوا عشان مش عايزين يحاربوا)
سيدنا محمد عارف إنهم مش يقولوا الحق
بس سيدنا محمد إداهم الإذن إنهم ما يحاربوش
عشان ما يجوش في الجيش مع المؤمنين الشجعان...

لكن الناس المؤمنة فعلا عملت إيه؟؟
المسلمين اللي قلوبها مليانة إيمان و صدق...
المسلمين المؤمنين فعلا ... سمعوا كلام سيدنا محمد فورا
و جهزوا أنفسهم و أسلحتهم و أحصنتهم...
و قالوا مهما كانت الظروف هنسمع كلام سيدنا محمد



لكن كان فيه مسلمين مؤمنين و طيبين...
بس كانوا فقراء...
ما عندهم مش أحصنة ولا أي حاجة يركبوها
ولا عندهم أكل ياخدوه معاهم و هما بيجاهدوا
ولا حتي معاهم سلاح...
بس راحوا لسيدنا محمد و قالوله خدنا معاك
خدنا نجاهد و نحارب معاك الكفار....

سيدنا محمد قال مين هيقدر يجهز سلاح و جمال و أكل
للمؤمنين الطيبين .. ؟
"سيدنا عثمان " قال أنا...
سيدنا عثمان كان غني جدا ... و جبلهم 200 جمل و أكل كثير و أسلحة كثير
....

بس اتبقى شوية مسلمين مؤمنين فقرا
لسه ما عندهمش جمال يركبوها...
و نفسهم يجاهدوا مع سيدنا محمد .. ومفيش حاجة يركبوها
فرجعوا بيوتهم...
و عينيهم مليانة دموع لأنهم ما قدروش يروحوا يجاهدوا مع سيدنا محمد و المؤمنين
الطيبين
دول ربنا عارف حالهم ... و هيدهم جزاء كبير لأنهم صالحين
حت لو مجاهدوش و لا حاربوا .. هياخدوا حسنات كثير.

لأنهم كان أنفسهم يروحوا و ما قدروش



لكن يا أولاد كان فيه 3 رجالة ... مؤمنين صالحين...

و أغنياء و أقويا ... الثلاثة هما:

كعب بن مالك

و مُرارة بن الربيع

و هلال بن أمية



كانوا عاوزين يروحوا يحاربوا مع سيدنا محمد...

كل يوم يقولوا هنجهاز نفسنا و أكلنا و أسلحتنا

و نروح مع المؤمنين الصالحين...

بس كل يوم يعدي من غير ما يعملوا حاجة

و فضلوا يأجلوا و يأجلوا .. من غير سبب

لغاية لما جيش المؤمنين مشى من المدينة
وفضل ال 3 المؤمنين يقولوا
مش مشكلة ممكن نجهز نفسنا بسرعة
و نلحق الجيش وهو في الطريق...
بس فضلوا يقولوا بعدين و بعد شوية
لغاية لما كسلوا...

و في الآخر
مالحقوش يكونوا مع المؤمنين الطيبين

ال 3 مؤمنين بعد لما الجيش مشى...
جم يتمشوا في المدينة فملاقوش حد فاضل فيها

غير العيانيين و الأطفال و الستات و العواجز
و طبعا كمان المنافقين الكذابين اللي ما رضوش يروحوا مع الجيش
و كذبوا و قالوا عندنا ظروف تمنعنا.



جيش المؤمنين الطيبين
و معاهم سيدنا محمد عليه الصلاة و السلام...
فضل ماشي في الحر الشديد...
و الطريق الطويل...
لغاية لما الماية خلصت منهم...
و مفيش أي ماية للشرب أو الوضوء...
فراحوا قالوا لسيدنا محمد...
سيدنا محمد وقف يدعي ربنا...
فربنا بعت سحابة مليانة مطر...
و فضلت تمطر على مكانهم....
فشرب الناس و شربوا الجمال وملوا ماية كثير معاهم..
و ربنا خفف عنهم شوية من الحر و العطش

و فضل الجيش ماشي في الطريق الطويل...
لغاية لما وصلوا عند بلد اسمها تبوك
و هناك كان فيه حاكم كافر من الروم ييحكم البلد...
كان عارف إن جيش المسلمين جاي...
الحاكم الكافر عرف إن جيش المسلمين قوي جدا و شجاع ... فعمل إيه؟
الحاكم الكافر راح لسيدنا محمد و قاله أنا مش عايز أحاربكم
..أنا هديكم فلوس (جزية) .. و نتفق مع بعض على عهد سلام وأمان و بلاش
حرب...
سيدنا محمد وافق...
و كتبوا اتفاق سلام...

و رجع جيش المسلمين للمدينة من غير ما يحاربوا...
بعد ما عملوا اتفاق سلام و أمان مع الأمراء و الملوك...

و دخل سيدنا محمد مسجده و صلى ركعتين...



و في المسجد اتجمع المنافقين اللي مارضوش يروحوا يحاربوا مع الجيش...
و فضلوا يحلفوا لسيدنا محمد إنهم كان عندهم أعذار غصب عنهم منعتهم يروحوا
مع الجيش....

و طلبوا من سيدنا محمد يقبل اعتذارهم...
سيدنا محمد عارف إنهم بيكذبوا..
بس سيدنا محمد ما عاقبهمش...
سيدنا محمد قبل الكلام اللي قالوه
بس سيدنا محمد عارف إن دول منافقين...
و ربنا عارف اللي في قلوبهم
و عقابهم عند ربنا في الآخرة كبير....



بس فيه 3 رجالة....
3 رجالة مؤمنين طيبين
دول ما راحوش مع الجيش...

فاكرينهم؟

كعب بن مالك
مُرارة بن الربيع
هلال بن أمية

قصة سيدنا محمد
بطريقة سهلة للأطفال
way2Allah.com

كعب بن مالك و أصحابه... مؤمنين صادقين...
معقول يروحوا يقولوا كلام كذب لسيدنا محمد عشان يسامحهم؟

قصة سيدنا محمد
بطريقة سهلة للأطفال
way2Allah.com

كعب بن مالك و أصحابه كل ظروفهم كانت كويسة..
و عندهم فلوس يشتروا أكل وسلاح...
و مفيش أي حاجة كانت تمنعهم انه يروح يجاهد مع سيدنا محمد...



طب يقولوا لسيدنا محمد إيه؟؟ يكذبوا زي المنافقين ؟
و يقولوا عندنا ظروف منعتنا من الجهاد؟؟

ايه اللي ممكن يقوله كعب و أصحابه يخلي سيدنا محمد ما يغضبش منهم؟ إيه
الحل يا أولاد ؟

الحل حاجة واحدة بس الحل هو الصدق...



كعب بن مالك فكر ... و قال مش هخلي الشيطان يكسبني...

الشیطان عاوزنی أكذب عشان سیدنا محمد ما یزعلش منی...
الشیطان عاوزنی أعمل زی المنافقین...
بس أنا هقول الصدق مهما حصلی...



راح كعب بن مالك لسیدنا محمد فی المسجد...
و لقی سیدنا محمد قاعد.... فسیدنا محمد قاله تعالی....
كعب بن مالك راح قعد قدام سیدنا...
سیدنا محمد سأله : لیه مجتث معانا؟؟
كعب بن مالك قال لسیدنا محمد:
یا رسول الله ... أنا ممكن أقول ای كلام مش حقیقی عشان ترضی عنی....
بس أنا مش هقول غیر الصدق...
لأن اللی بیکذب ربنا هیبین کدبه و یفضحه.....
أنا مجتث معاك الحرب و الجهاد یا رسول الله و مفیش أي سبب یمنعنی
... کل ظروفی كانت کویسة..
و معايا فلوس و صحتی کویسة...
مفیش عندی أي عذر یمنعنی..



سيدنا محمد قاله : كلامك صدق ... بس مش أنا اللي هحكم عليك ... ربنا
اللي هيحكم.

(ربنا هيحكم عليك ... يعني هيعلمنا جزاءك إيه.)



و نفس الكلام حصل مع أصحاب كعب بن مالك.

خرج كعب بن مالك و أصحابه من عند سيدنا محمد..
بعد ما قالوا الصدق...



المنافقين فضلووا يقولوهم :ايه اللي انتوا عملتوه ده ؟؟
روحوا قولوا لسيدنا محمد أي عذر ... روحوا قولوله كان عندنا أي ظروف!
روحوا قولوا أي كلام عشان يسامحكم!



بس كعب ابن مالك و أصحابه ما سمعوش كلامهم..
و قالوا إحنا عهدنا نفسنا ما نقولش غير الصدق مهما حصلنا...



سيدنا محمد قال لكل المسلمين المؤمنين ما حدش يكلم أبدا كعب بن مالك و
أصحابه لغاية لما ربنا يحكم فيهم ... و يعرفنا جزاءهم إيه.



كعب بن مالك و أصحابه ... بقى ماحدث بيكلمهم خالص من المؤمنين ولا

حتي سيدنا محمد

... و فضلوا قاعدين في بيتهم...

يخرجوا بس يصلوا و يرجعوا بيتهم تاني...

و لو خرجوا للسوق أو الطريق .. برضه ما حدث يكلمهم...

فضلوا كده مستنيين حكم ربنا عليهم...



كعب و أصحابه ... بقوا حاسين إن الدنيا من غير سيدنا محمد و أصحابهم

المؤمنين الطيبين بقت وحشة أوي

.. و ضيقة أوي....

و حاسين إنهم مش قادرين يعيشوا من غير ما يبقوا وسط أخواتهم المسلمين

المؤمنين...



و في يوم من الأيام ... كعب بن مالك كان ماشي في السوق...
و ما حدش بيكلمه خالص...
فجه راجل من الروم الكفار وسط السوق...
و فضل يسأل...
فين كعب بن مالك ؟
فين كعب بن مالك ؟....
فالناس شاوروا على كعب بن مالك...
الراجل الكافر اللي جاي من عند الروم راح لكعب بن مالك
و قاله أنا جاييلك رسالة من عند ملك الكفار....



كعب بن مالك فتح الرسالة لقي ملك الكفار كاتب فيها...
إحنا الكفار عرفنا إن سيدنا محمد و أصحابه مخاصمينك ومش بيكلموك
..تعالى عندنا ... و ابقى معانا وهنهتم بيك...
و هتبقى صاحبنا و معانا علطول.....

كعب بن مالك بعد لما قرا الرسالة...
قال ده اختبار من ربنا عشان يشوفني هعمل غلط و لا صح....

كعب بن مالك أخذ الرسالة بتاعة ملك الكفار و حرقها بالنار
كعب بن مالك مؤمن و عارف إن ربنا شايفه...
و مستحيل يختار الغلط..

كعب بن مالك و أصحابه فضلوا مستنيين و صابرين...
فضلوا كام يوم ???
فضلوا 50 يوم ما حدش بيكلمهم من أهل المدينة خااالص...

ولا سيدنا محمد حتي بيكلمهم....
مستنيين يعرفوا ايه حكم ربنا عليهم .. بعد لما ما سمعوش كلام سيدنا محمد من غير
عذر ... و بعد لما سابوا الجهاد من غير عذر...



كعب بن مالك و أصحابه كل لما يحسوا إنهم تعبوا أوي...
يعملوا إيه ؟
يفضلوا يدعوا ربنا كثير و يصلوا...
و يقولوا يا رب ... اغفر لنا...



لغاية لما يوم من الأيام ... و كعب بن مالك قاعد بيدعي ربنا...
سمع صوت حد من المؤمنين بينده عليه !!! و يقوله:
يا "كعب بن مالك " أبشر... !
(أبشر يعني هقولك خبر حلو)

إيه ده أخيرا حد بينده عليه و بيكلمه ؟



كعب بن مالك عرف إن ربنا حكم له...
و قبل ما يرد ... سجد كعب بن مالك لربنا...
عشان عرف إن ربنا استجاب دعائه



و خرج كعب بن مالك...
لقى واحد من المسلمين المؤمنين راكب حصانه و يقوله
...ربنا حكم لك ... ربنا تاب عليك و سامحك



"كعب بن مالك" راح بسرعة المسجد عند سيدنا محمد....
و لقي المسجد مليان بالمؤمنين الطيبين ...و كلهم يبسلموا عليه .. و بيحضنوه ..
و بيهنوه...



جري "كعب" علي سيدنا محمد و سلم عليه و سأله:
انت اللي عفوت عني و سامحتني ...ولا ربنا هو اللي تاب عليا و سامحني؟



سيدنا محمد عليه الصلاة و السلام قاله:
ربنا هو اللي تاب عليك و سامحك بآيات من القرآن الكريم

ربنا أرسل جبريل عليه السلام بآيات القرآن الكريم....
يتعلمها كل المؤمنين ... عن كعب بن مالك و أصحابه...
إن ربنا تاب عليهم و سامحهم...
لأنهم أختاروا الصدق رغم إنه هيتعبهم...
بس اختيارهم للصدق خلاهم يرجعوا مع أصحابهم المؤمنين ثاني
و اختيارهم للصدق خلاهم يكسبوا...
يكسبوا مغفرة وتوبة ربنا و جنته...

أما المنافقين اللي كذبوا وقالوا أعذار و ظروف مش حقيقية
عشان ما يسمعوش كلام سيدنا محمد و ما يحاربوش مع المؤمنين....
دول فاكرين إنهم شاطرين إنهم كذبوا و خدعوا المؤمنين...
بس ربنا عرفنا إن المنافقين هيكونوا في أوحش مكان في النار..
لو ما رجعوش عن خداعهم و كذبهم و تابوا لربنا....

أولادي

ربنا يساعد الإنسان الصادق ... و يحببه
لكن الإنسان الكذاب و المنافق...
فاكر نفسه ذكي و يخدع المؤمنين
و مش عارف إنه يخدع نفسه
و ربنا عارف كل أسرارہ
و هيعاقبه عليها لو ما تبش و رجع لربنا
اللهم صل على سيدنا محمد و آله و صحبه

نكمل على بركة الله

الجزء 28 و الأخير (حجة الوداع و وصايا الرسول)



كان ياما كان و مايجلي الكلام إلا بذكر النبي محمد...
عليه الصلاة و السلام
أولادي حبايي اللي بيعبوا سيدنا محمد أكثر واحد في الدنيا كلها...
وخلص اتعودوا لما يسمعوا اسمه يقولوا عليه الصلاة و السلام.
ربنا يحميكم و يملأ قلوبكم بالإيمان.



حياة سيدنا محمد كان كلها تعب و جهد..
واتحمل كل الأذى من الكفار الأشرار
عشان يعلم الناس الحق و يعرفهم دين ربنا
و يبعدهم عن كل ضلال و شر.



كل يوم يعدي .. ناس جديدة تتعلم و تعرف الحق
و تختار تدخل في دين ربنا الإسلام
و يبقوا مؤمنين طيبين صالحين
يعبدوا ربنا و يتعلموا أحسن الأخلاق.



يوم من الأيام سيدنا محمد عليه الصلاة و السلام قال إنه هيروح يحج...
فأول لما المسلمين عرفوا الخبر ...قالوا إحنا كمان هنروح معاك نحج...
آلااااف آلااااف المسلمين من كل مكان جهزوا أنفسهم و اتجمعوا عشان يسافروا
و يحجوا مع سيدنا محمد لمكة...



و هناك في مكة...
سيدنا محمد علم المسلمين الحج خطوة خطوة....

و قالهم علي كل حاجة المفروض يعملها المسلمين في الحج...



و في الحج...

سیدنا محمد جمع المسلمین المؤمنین

و زي ما قلنا كانوا آلااااف آلااف کتير جدا... .

و قالهم إن دي ممكن تكون آخر مرة يشوفوه فيها

لأنه عارف إنه قرب يموت و خلاص هيرجع لربه..

بعد لما عمل كل اللي ربنا أمره بيه..



وعشان کده سیدنا محمد وقف قدام کل المسلمین

و وصاهم بأهم كلام لازم يعرفوه

و يعلموه لبعضهم و لأولادهم,,,

عارفين قاهم ايه ؟

أول وصية مهمة قالنا عليها سيدنا محمد:
دم المسلم و أمواله حرام تـتمس...
يعني ما ينفـعش أبدا مسلم يقتل مسلم ولا يؤذيه
ما ينفـعش مسلم ياخذ فلوس مسلم بالسرقة و الظلم...
المسلم يا أولاد ما ينفـعش يؤذي أي حد بدون ذنب
و عقابه أشد لو أذي مسلم زيه...
أوعى ننسى وصية سيدنا محمد يا مسلمين...
ده سيدنا محمد قالنا : " إياكم وسوء ذات البين"
يعني إياك تعمل أو تقول حاجة..
تخلي المسلمين يكرهوا بعض أو يتخانقوا مع بعض

تاني وصية قالنا عليها سيدنا محمد في الحج...

النساء ... يعني كل ست ... كبيرة أو صغيرة
قالنا لازم تكرموهم يا مسلمين و تعاملوهم بأحسن أخلاق طيبة ترضي ربنا
..

ياااه يا سيدنا محمد ... قبل كل الناس..
كنت انت أول واحد يعلم الدنيا كلها ما يظلموش أي ست ولا يستغلوا ضعفها.



كل المسلمين يسمعوا كل كلمة يقولها سيدنا محمد بانتباه و يحفظوها...
سيدنا محمد قال يا مسلمين أنا سبتلكم حاجة لو اهتميتم بيها و اتعلمتوها كويس
عمركم ما هتحتاروا ولا تتعبوا في الدنيا .. و هتفرقوا بسهولة بين الصح و الغلط
....

عارفين ايه يا أولاد ؟؟؟..... القرآن كلام ربنا....



و كمان سيدنا محمد عرفهم ... إنه كان آخر نبي..

و مفيش أي نبي هيجي بعد سيدنا محمد عليه الصلاة و السلام....
و قالهم يا مسلمين اعبدوا ربنا و صلوا
وصوموا وادفعوا الزكاة و انتم قلوبكم راضية و صافية
وحجوا بيت ربنا و اسمعوا كلام المسئولين عنكم
تدخلوا الجنة بإذن ربكم.



بس سيدنا محمد حذر المسلمين...
قالهم انا مطمئن انكم مش هتعبدوا غير ربنا
بس أنا خايف عليكم من حب الدنيا...
و هتتشغلوا بيها ... و هتتخانقوا عليها
وتنسوا الآخرة...
"وإني لا أخشى عليكم أن تشركوا بعدي ولكن أخشى عليكم الدنيا أن تنافسوا
فيها كما تنافس من قبلكم فتهلككم كما أهلكتهم"



و في آخر كلام سيدنا محمد ... بص للمسلمين الكثير المتجمعين حواليه
... و سألهم : يوم القيامة ربنا هيسألكم عني ... هتقولوا إيه ؟
فردوا : نشهد إنك بلغت (علمتنا) رسالة ربنا و نصحتنا...
فرجع سيدنا محمد أصبعه للسماء و قال : اللهم فاشهد...
(يعني يا رب اشهد عليهم ..أنا قتلهم كل حاجة أمرتني بيها)



و أول لما خلاص سيدنا محمد كلامه ... ربنا أرسل جبريل بآية:
"اليوم أكملت لكم دينكم وأتممت عليكم نعمتي ورضيت لكم الإسلام ديناً"
فقرأها سيدنا محمد على المسلمين...
و أول لما سمعها سيدنا "عمر " فضل ييكي...
لأنه عرف إن سيدنا محمد خلاص ... ممكن يموت بعد وقت قصير...
لأنه خلاص عمل المهمة اللي ربنا أختاره ليها ..و علم الناس دين ربنا...
اللي هو أكبر نعمة من ربنا على الناس
عشان يعيشوا في سعادة في الدنيا و الآخرة.
و خلاص سيدنا محمد الحج ... و رجع للمدينة البلد الطيب الجميل..

.....



و في يوم من الأيام....

بعد لما رجع سيدنا محمد للمدينة ...بدأ يتعب ... و حرارته ترتفع...

بس رغم تعبته ... فضل يصلي إمام بالمسلمين...

بيصلي إمام رغم إنه حاسس بالمرض.

لغاية لما التعب زاد عليه في يوم من الأيام

فطلب من المسلمين يصبوا مائة عليه...

ففاق و حس إن أحسن و أنشط...

فخرج من بيته للمسجد عشان يعرف المسلمين حاجة مهمة..

قالهم :لا تتخذوا قبري وثنا يعبد.

يعني أوعوا لما أموت تعبدوا قبري

عشان فيه ناس كانت بتعمل كده مع أنبياءهم اللي بيحبوهم..

بدل ما يعبدوا ربنا ... يعبدوا النبي بعد موته.

فسيدنا محمد قالنا إياكم تعملوا كده

و رغم تعب سيدنا محمد كان أكثر حاجة شغلاه هي
صلاة المسلمين ... و دائما يبسأل صلوا و لا لسه ؟
و رغم تعبته كان يقوم يقف يبص عليهم من باب المسجد...
ووشه رغم التعب كأنه قمر مضيء من جماله..
و لقي المسلمين يبصلوا و سيدنا أبو بكر واقف إمام..
فابتسم إبتسامة جميلة ... كلها رضا عن المسلمين..

و رجع سيدنا محمد لبيته ... و هو تعبان
ونام و حط راسه على حجر زوجته ... السيدة عائشة...
.... و دخلت عليه بنته السيدة فاطمة...
فقالها تقترب منه... فقالها كلام ... فعيطت...
و بعدين قالها كلام ثاني فضحكت...
الأول قالها إنه هيموت فعيطت...
وبعد كده قالها ... هتكوني أول واحدة تموت بعدي من أهل بيتي..

فضحكت و فرحت لأنها تتمنى تبقى مع سيدنا محمد في الجنة....



بعد كده...

سيدنا محمد أخذ سواك.... و عمل بيه أسنانه...

و بعدين بص لفوق وقال:

"مع الذين أنعمت عليهم من النبيين و الصديقين و الشهداء و الصالحين..
اللهم اغفر لي وارحمني.. و ألحقني بالرفيق الأعلى... اللهم الرفيق الأعلى"

و بعدها مات حبيبنا و سيدنا محمد عليه الصلاة و السلام...



عارفين إن إحنا إن شاء الله.... هنشوف سيدنا محمد يوم القيامة واقف عند

الحوض؟

الحوض ده مكان هيشرب منه المؤمنون يوم القيامة عشان ما يتبعوش من الحر و

العطش

و المؤمنين الطيبين كلهم هيتجمعوا حوالين سيدنا محمد...

وسيدنا محمد هيسقيهم بإيده ...و بعدها مش هيعطشوا أبدا زي ما بنعطش في

الدنيا...

اللهم اسقنا من حوض نبيك - صلى الله عليه وسلم - شربة هنيئة لا نظماً بعدها

أبدا...



لكن يا أولاد هيجي ناس مسلمين عشان يشربوا من الحوض...

لكن الملائكة هتاخذهم و تبعدهم عن الحوض عشان ما يشربوش...

سيدنا محمد هيسأل: ليه تبعدهم دول مسلمين..

فالملائكة هترد: دول ما سمعوش كلامك و ما عملوش سنتك...

يعني ناس تقول على نفسها مسلمين ...و مش راضيين يطيعوا ربنا ولا سيدنا

محمد



ولادي حبايي

سيدنا محمد كان قاعد مع أصحابه المسلمين....

قالهم : " وددت أني لقيت إخواني . "

فقال أصحاب النبي - صلى الله عليه وسلم - : أوليس نحن إخوانك ؟

قال : " أنتم أصحابي ، ولكن إخواني الذين آمنوا بي ولم يروني "



سيدنا محمد بيتكلم عن ناس مؤمنين صالحين..

ما شافوش سيدنا محمد ولا شافهم...

بس بيحبوه و بيحبهم..

و سمعوا كلامه و أطاعوه و اتبعوه من غير ما يشفوه...

دول أحباب سيدنا محمد اللي اشتاق لرؤيتهم...

يا رب اجعلنا من أحباب نبيك.

و اجمعنا مع سيدنا محمد و المؤمنين الصالحين في الجنة...

برحمتك يا رب و فضلك.

اللهم صل على سيدنا محمد و على آل محمد
كما صليت على إبراهيم و على آل إبراهيم

و بارك على محمد و على آل محمد
كما باركت على إبراهيم و على آل إبراهيم

تمت قصتنا بحمد الله ولا تنسونا من صالح دعائكم